

رواية معاقة لكن اعشقتها كاملة



بقلم الكاتبة آلاء محمد

لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

[www.egy4trends.com](http://www.egy4trends.com)

هي بنت جميلة رقيقة لديها عيب خلقي في

يدها اليمني وتخشي ان يأتي يوم ويتنمر

شخص ما عليها ولا تضع فكرة الزواج في  
رأسها لأنه من وجهة نظرها لا احد سيقبل ان  
تكون زوجته معاقه

هو شاب وسيم ذو جسم رياضي يبحث عن  
فتاة لا تريد امواله بل تريده هو وتحبه هو لا  
أمواله

الاء: في الصف الثالث الثانوي تبلغ من العمر  
18 عاما جميلة رقيقة ذات عيون عسلي  
وشعر بني لديها عيب خلقي في يدها وهذا  
ما يخيفها من ان يأتي احد ويتنمر عليها  
وتخشي القادم من حياتها تحب الشعر  
والروايات

مالك: هو شخص وسيم عمره 28 ذو جسم  
رياضي ناجح في عمله حاد الطبع وهو مالك  
صقر المنشاوي رجل الأعمال صاحب  
شركات صقر المنشاوي

زياد: اخو الاء وهو في الصف الاول الأعدادي

نهال: والدة الاء

محمود:والد الاء

نرمين: اخت مالك وهي اكبر منه ومتزوجه

ولديها ولد أسر عمره خمس سنوات وايه

وعمرها سنة

احمد:زوج نرمين

جاسر:صديق مالك وهو وسيم ومرح ذو

عيون عسلي

فريدة: صديقة الاء شقراء ذات عيون عسلية

تتصف بالجمال

صقر: والد مالك وهو رجل الاعمال صقر

المنشاوي وهو قاسي الطبع

كريمة: والدة مالك

ياسمين: خطيبة مالك ذات شعر أصفر  
وعيون زرقاء تبلغ من العمر 25 عاما

هذه هي الشخصيات الأساسية في الرواية  
باقي الشخصيات هنتعرف عليهم لاحقا  
أتمني أن تنال إعجابكم دي أول مرة أكتب  
حاجة أتمني تعجبكم ♥

أتمني أن تنال إعجابكم

Enjoy

الساعة السادسة صباحا يرن المنبه

الاء: اوبس الساعة ستة يدوبك اقوم اصلي  
والبس يارب السنة دي تعدي علي خير  
واحقق حلمي يارب

>الاء في الصف الثالث الثانوي وهدفها ان  
تدخل كلية اداب تاريخ وتبقي دكتورة في  
الجامعة<



نهال: مالك يا حبيبي لا لا لا خلاص متروحش  
المدرسة النهاردة اهم حاجة سلامتک خلاص  
خليک قاعد مع ماما النهاردة

الاء بصت لزياد بنظرة توعد علي كذبه

الاء: انا رايحة البس علشان متأخرش علي  
فريده

نهال: يلا روجي غوري في داهية

﴿نهال بتعامل الاء بقسوة وبتميز زياد عنها  
بتخاف علي زياد وبتحبه لكن الاء لا دايم  
بتقعد تهينها كأنها مش بنتها﴾

الاء لما سمعت كلام نهال عنيتها دمعت  
كلامها دايم بيجرحها راحت اتوضت وصلت  
فرضها بعد الصلاة

الاء بدموع وحزن: يارب حنن قلب ماما عليا  
انا مش عارفة هي بتعمل معايا كده ليه  
امال لو مكنتش بنتها كانت عملت معايا ايه

الاء قامت لبست هدموم المدرسة ونزلت  
راحت لفريدة علشان يروحوا المدرسة

الاء اول ما شافت فريدة: فوفا صباح الخير

فريدة: لولو صباح النور

الاء: ذاكرتي حاجة امبارح

فريدة: يعني قلبت في الكتب ونمت

الاء: طيب ماشي يا ختي

الاء بجدية: فريدة احنا مش عايزين ندلع

السنة دي علشان نحقق حلمنا

فريدة: ان شاء الله هنحققه

﴿فريدة صديقة الاء المقربة طيبة وجميلة﴾

وعارفة كل أسرار الاء ومشاكلها﴾

اول ما وصلوا المدرسة كانوا صحاب الاء

واقفين الاء اول ما شفتهم راحت تسلم

عليهم﴾

الاء: هاللى انا جيت

اسراء: لولي عاملة اه

الاء: الحمد لله يا سوسو

وسلمت علي صحابها الباقيين ودخلوا

المدرسة علشان يبدأوا اليوم الدراسي

في مكان اخر في منطقة سكنية راقية تخص

الأغنياء

الساعة السابعة صباحا

في النادي

مالك بيجري ثم يتوقف لسماعه صوت

هاتفه

مالك: الو

ياسمين: صباح الخير يا حبيبي

مالك: عايزة اه يا ياسمين مش فاضيلك

ياسمين: هو انت مفيش مرة تقولي كلمة

حلوة

مالك: لا مفيش انجزي عايزة اه

ياسمين: عايزة فلوس علشان..

ولسه هتكمل كلامها راح قاطعها

مالك: خلاص عدي عليا وخدي الفلوس

اللي اتني عايزاه وقفل التليفون قبل ما

يسمع ردها

﴿مالك وياسمين مخطوبين من سنة مالك  
خطبها اجبارا من والده لكن هو مش يحبها  
ولا هي بتحبه وياسمين عايزة تتجوزوا  
علشان تستولي علي فلوسه بس بس كل ما  
تفاته في موضوع الجواز بيطلعها بحجة  
علشان عارف ان هي عايزة فلوسه بس  
وحاول يثبت لوالده كذا مرة ان هي بتحب  
فلوسه بس مفيش فايدة مش بيسمع منه  
وبيقول له لما تتجوزوا هتتغير﴾

ياسمين قفلت مع مالك التليفون واتصلت  
بحبيبها معتز

ياسمين: الو صباح الخير يا حبيبي

معتز: صباح الخير يا حبيبتى جبتي اللي انا  
قولتلك عليه

ياسمين: ايوه رايحة اجيبه اهو وجاية

معتز: المبلغ كامل

ياسمين: طبعا وهي ياسمين عمرها خلفت  
بوعدھا

معتز: احبك يا سووو وانتی ما بتخلفیش  
بوعدك كده قوليلي بقي انا زهقت هو امتي  
هنخلص من موضوع خطيبك ده امتي  
تتجوزوا علشان ناخذ فلوسه ونعيش انا  
وانتي

ياسمين: ما تخفش هو اول بس ما نتجوز  
هخليه يمضي الورق المطلوب وتبقي  
فلوسه كلها في ايدينا و هسيبه واجيلك يا  
حبيبي ونتجوز بقا بس مش عارفة هو ليه  
منشف دماغه وكل شوية يطلعلي بحجة في  
موضوع الجواز

معتز: انا عندي خطه تخليه يوافق يتجوزك

من غير ما ينطق كلمة او يعترض

ياسمين بفرحة : بجد ايه هي قول بسرعة

معتز: لا مينفعش علي التليفون تعالي وهاتي

الفلوس معاكي وانا اقولك هنعمل ايه

ياسمين: ماشي سلام

معتز: سلام

خلصت الحلقة اتمني تكون عجبتمكم

#اتمني تعجبكم دي اول مرة اكتب حاجة

#يا تري اه الخطة اللي بي فكر فيها معتز؟

#معاقة لكن اعشقها♥

ارجو منكم المشاركة برأيكم دي اول مرة

♥♥ اكتب حاجة اتمني تعجبكم

## الحلقة الثانية

مالك رجع البيت وهو مخنوق من ياسمين

في فيلا صقر المنشاوي علي السفرة تجتمع

عائلة مالك

والدة مالك ﴿كريمة﴾: لاحظت دخول مالك

مالك حبيبي مش هتيجي تفطر

مالك لسه هيرد علي والدته ليجد من

يقاطعه من خلفه

والد مالك ﴿صقر﴾: ماالك انت لسه هتقعد

تفطر ولا اه اتمني ما تكونش نسيت ان احنا

عندنا اجتماع مع الشركة الألمانية الساعة

مالك بتكبر : ما نستش يا صقر باشا انا فاكر  
مواعيدي كويس اوي مش محتاج حد  
يفكرني

انا مالك صقر المنشاوي برضه ولا حضرتك  
ناسي

صقر بضيق من مالك: لا فاكر بس شكلك  
انت اللي ناسي مين اللي عملك الأسم  
والمكانة اللي حضرتك فيها دلوقتي صقر  
وهو يخرج من الباب

اتمني ما تتأخرش علي الأجماع يا مالك  
باشا

بعد ذهاب والده اتجه لوالدته

مالك وهو يقبل رأسها ويديها: صباح الخير  
يا ست الكل عامله اه النهاردة

كريمة والدته: صباح الفل يا حبيبي

مالك: مالك حاسس انك مضايقة النهاردة  
قوليلي حد زعلك

كريمة: ايوه مضايقة من عمالك يا ابني  
اسمع كلام ابوك واتجوز ياسمين دي طيبة  
وبتحبك

مالك: بتحبني انتي اللي قلبك ابيض ياست  
الكل ياسمين مش بتحبني بتحب فلوسي  
اهم حاجة عندها الفلوس وبس خلاص ما  
ضايقيش نفسك انتي قوليلي اخدي الدواء

كريمة: ايوه اخدته من بدري يا حبيبي

مالك: طيب انا هروح البس علشان متأخرش  
علي الشركة

كريمة: طب مش هتفطر

مالك: هبقي افطر في الشركة وكمان علشان  
عندي اجتماع ما سمعتيش صقر باشا قال

اه ولو اتأخرت هيمسك عليا ذلة وانتي  
مترضييش طبعا ان ابنك يتمسك عليه ذلة  
ولا اه

كريمة: لا ميرضنيش طيب يا حبيبي روح وما  
تنساش تفطر

مالك قبل يدها وراح يجهز نفسه علشان  
يروح الشركة.....

في مجمع شركات صقر المنشاوي  
داخل المبني الرئيسي

يدخل مالك وهو مرتدي بدلة سوداء  
وقميص اسود مما جعله يزداد وسامة مع  
نظارة سوداء

يدخل مالك ويقف الموظفين لإلقاء التحية  
بداخل مكتب مالك

مالك: إيمان الغي كل المواعيد النهاردة

إيمان ﴿السكرتيرة﴾: حاضر يا فندم

وخرج من المكتب ليذهب الي غرفة

الأجتماعات

بعد قليل

ياسمين: مالك جوه

إيمان: لا حضرتك هو خرج عنده اجتماع

ياسمين بعصبية: يعني اه خرج

إيمان: حضرتك هو عنده اجتماع ولغي كل

المواعيد النهاردة

ياسمين: ماشي ابقى بلغيه يا اسمك اه

انتي

إيمان: إيمان حضرتك

ياسمين: مش مهم ابقي بلغيه ان انا جيت

وخرجت ياسمين من الشركة لتتصل بمعتز

معتز: الو ايوه يا حبيبتي اتأخرتي ليه

ياسمين: الو ايوه يا معتز انا رححت الشركة

بس مالك مكنش موجود معلش بقي

هبقي اجيب لك الفلوس بكرة

معتز: ولا يهملك يا حبيبتي

ياسمين: ماشي سلام

معتز: قفل وهو مخنوق من ياسمين ورمي

الموبايل علي الأرض

احمد ﴿صاحب معتز﴾: اه يا معلم مالك هي

البت نصبت عليك ومجبتش الفلوس ولا اه

معتز: ايوه بنت ال..... بس علي مين ده انا

معتز انا هوريها

احمد: معتز الباشا عايز فلوسه ومش هيصبر

عليك اكر من كده انت عارف خلقه ضيق

معتز: عارف عارف بس انفذ انا الخطة اللي

في دماغي واستولي علي كل املاك مالك

المنشاي وأذله واخذ بطاري منه علي اللي

عمله فيا زمان وبعدين هرتاح قول انت

للباشا يصبر شوية وانا هديله ضعف

الفلوس اللي اخذتها منه

احمد: لما نشوف انا ماشي سلام

معتز: سلام

\*\*\*\*\*

\*\*\*\*

الاء:باي اشوفك علي معاد الدرس

فريدة: باي متأخريش

الاء: مش هتأخر

في بيت الاء

الاء وصلت البيت

نهال والدتها: اتأخرتي ليه ولا كنتي بتلغي

الاء بنفاد صبر: الف فين بس يا ماما كل

الموضوع ان احنا اخدنا حصص زيادة

النهاردة

نهال: ماشي ماشي غيري هدومك يلا

علشان تشوفي هتغوري علي فين

الاء: حاضر

الاء دخلت غرفة زياد

زياد: لولو جت لولو جت

الاء: مسكته من ودانه وليك عين تضحك  
وتنبسط بعد تمثلية الصبح اللي مثلتها علي  
ماما

زياد بيصطنع البراءة: اي اي تمثلية اه اللي  
بتقولي عليها

الاء: لا يا راجل بقي مش عارف يا ابني انت  
مفيش حد فاهمك قدي انت عارف لو  
مبطلتش كذب هأكلك فاكهة  
زياد: فاكهة لا فاكهة لا

الاء: وخضار كمان

زياد: لا لا إلا الفاكهة والخضار مش  
بحبهم سامحيني خلاص خلاص مش  
هكذب تاني

الاء:ناس متجيش غير بالعين الحمراء

انا رايحة الدرس اجبلك حاجة وانا جاية  
زياد: اه عايز شيكولاتة واندومي وشبسي  
وعصر وبسكوت وايس كريم

الاء: ها و اه تاني يا حبيبي قول قول ما  
تكسفش تحب اجبلك السوبر ماركت وانا  
جاية

زياد: اه ياريت تبقي اكرمتيني اخر كرم  
الاء حدفت عليه المخدة اللي كانت جنبها  
وخرجت

الاء وهي بتلبس علشان تروح الدرس  
سمعت صوت الموبايل بيرن  
الاء: ايوه يا فوفا بلبس الكوتشي اهو ونازلة  
خمس دقائق

فريدة: ايوه عرفاهم انا الخمس دقائق

بتوعك دول هيبقوا نص ساعة

الاء: لا تخافي آنستي غمضي وفتحي

هتلقيني قدامك

فريدة: ماشي سلام

\*\*\*\*\*

\*\*\*\*

مالك خلص الأجتماع وراجع البيت

مالك في العربية بيتصل بجاسر

﴿جاسر صاحب مالك من الطفولة جاسر﴾

دخل كلية شرطة ومالك دخل سياسة

واققتصاد جاسر شخصيته مرحة ووسيم جدا



مالك: الو ايوه يا زفت

جاسر: ميمو حبيب قلبي عامل اه ليك  
واحشة والله

مالك: لا يا راجل لو كنت واحشك كنت  
سألت عليا الفترة اللي فاتت كنت مختفي  
فين يا أستاذ

جاسر: كنت في مأمورية والله انت عارف  
شغلي صعب وكل شوية يطلبوني في  
مأمورية كأن مفيش غيري في الداخلية والله  
الواحد تعب

مالك: ولا يهملك يا جو المهم انا لازم اشوفك

جاسر بهزار: اه يا حبيبي وحشتك

مالك: يا بني هو انت مش هتبطل الهزار  
الرخم ده

جاسر: لو مش عاجبك نسيب بعض عادي

مالك: تصدق انا غلطان اني كلمتك

جاسر: خلاص يا معلم بهزر معاك ما تبقاش

قفل كده

مالك: ما لكش فيه انا بحب الأقفال عدي

عليا في المكتب بكرة سلام

جاسر: سلام يا ميمو

\*\*\*\*\*

\*\*\*\*

الاء وفريدة وهما راجعين من الدرس

الاء: فريدة شايفة اللي انا شايلاه

فريدة: بتبص بس مش شايفة حاجة

هو اه اللي انتي شايلاه

الاء: شيكولاتة بابلز النوع الجديد في السوبر

ماركت اللي هناك ده نزلت واووووو تعالي

نروح نشتريها والنبي نفسي فيها ده انا  
سألت عليها في سوپر مركات البلد كلها  
فريدة: الاء بطلي هبل احنا يدوبك معنا  
فلوس المواصلات علشان نروح هتجيبها  
منين بقا

الاء: تعالي ورايا وانا اقولك

فريدة: رايحة فين يا مجنونه

الاء وفريدة دخلوا السوبر ماركت

الاء: عمو عمو ممكن اخد الشيكولاتة دي  
بس انا حاليا مش معايا فلوس ممكن اخدها  
ببلاش وتسامحني فيها لو سمحت  
صاحب السوبر ماركت: افندم لا للأسف  
معاكي فلوسها اتفضلي خديها مش معاكي  
بيقا روعي من هنا يا أنسة

الاء وهي بتمثل العياط وحطت ايديها الاتنين  
علي وشها: اعاااااااا انت بتزعقلي ليه  
انا قلتلك عايزة الشيكولاتة دي امال لو  
قولتلك عايزة السوبر ماركت كنت  
عملت اه

صاحب السوبر ماركت اخذ باله من ايدها  
اليمين

صاحب السوبر ماركت: خلاص خلاص ما  
تعيطيش يا حبيبتى عايزة الشيكولاتة دي

الاء هزت رأسها بمعني نعم

صاحب السوبر ماركت: اتفضلي اهوا اتنين  
واحدة ليكي و واحدة لصاحبتك

الاء: شكرا يا عمو انت كريم اوي انا هاجي  
هنا كل يوم علشان تديني شيكولاتة ماشي

سلام

الاء وفريدة خرجوا وهما بيضحكوا

فريدة: ههههههههه اه يابنت اللذين انتي  
بتعملي كده ازاي الراجل غير رأيه في ثانية  
بتاخدي دروس تمثيل من ورايا ولا اه

الاء: هههههه سر المهنة يا هانم للأسف  
مش هقدر اقولك انتي اتفرجي واستمتعي  
بالشيكولاتة بس

اتمني تكون الحلقة عجبتكم

وارجوكم قولوا لي رأيكم حلو قولوا حلو  
وحش قولوا وحش مش هزعل بليبييز  
شاركوني برأيكم

#معاقة لكن عشقتها

الحلقة الثالثة يا حلوين اتمني تعجبكم

Enjoy

الحلقة الثالثة

تالي يوم في مجمع شركات صقر المنشاوي

في المبني الرئيسي

داخل مكتب مالك

مالك وهو بيمضي علي بعض الأوراق:  
إيمان اه اخبار المسابقة الجديدة تم الإعلان  
عنها ولا لسه

ايمان: ايوه يا فندم بعتنا دعوات لجميع

المدارس والنوادي كمان

مالك: كويس خلاص تقدري تاخدي الملف

وتروحي

﴿مالك عنده شركة خاصة ليه بعيدا عن  
شركات صقر المنشاوي الشركة دي بتدعم  
المواهب الفنية﴾

إيمان وهي خارجة من المكتب يُفتح الباب  
ليدخل جاسر صاحب مالك

﴿إيمان اول ما شافت جاسر قلبها دق  
وكانت فرحانة جدا هي بتحب جاسر من اول  
يوم جت في الشركة وشافته مع مالك بس  
طبعا مش بتبين ده لحد ولا حاولت تلمح  
حتى﴾

جاسر وهو يدخل المكتب: ميمو حبيب قلبي  
مالك: اخيرا شرفت يا سيادة الرائد اتأخرت  
ليه

جاسر: الشغل واخذ كل وقتي والله



\*\*\*\*\*

\*\*\*\*

في المدرسة

الاء: نعم يا ميس حضرتك طلبتيني

ريهام ﴿وكيلة شئون الطلبة في المدرسة﴾: الاء

في شركة مسابقات فنية بعثو لنا دعوة

علشان مسابقة إلقاء الشعر وانا رشحتك

الاء بفرحة: بجد يا ميس شكرا لحضرتك

طيب هي المسابقة امتي علشان احضر

قصيدة اقولها

ريهام: بعد بكرة

الاء: بعد بكرة بس انا لسه محضرتش حاجة

مش هنلحق

ريهام: حضري اي قصيدة حفظاها يا الاء  
وأستاذ انور مدرس اللغة العربية هيساعدك

الاء: حاضر يا ميس

بعد انتهاء اليوم الدراسي

فريدة: الاء بليز بليز قولي لي ميس ريهام  
قالتلك اه ومخليكي فرحانة كده

الاء: لا مش هقولك غير لما تجبيلي شوكلاته  
؟ الأول

فريدة: هجبلك هجبلك واحنا رايعين الدرس

الاء:وعد

فريدة: وعد

الاء: ميس ريهام قالت لي ان في شركة  
مسابقات فنية بعنت دعوة للمدرسة علشان  
تشارك في مسابقة الإلقاء والميس رشحتني

فريدة: بجججد يا لولي فرحتلك والله يا  
روحي وأخيرا حلمك هيتحقق

الاء: ايوه اخيرا ادعيلي بس يا فوفا اكسب  
واحقق حلمي السنة اللي فاتت حلمي ضاع  
بسبب استهتاري بس السنادي مستحيل  
هعمل اي حاجة علشان يتحقق

فريدة: ان شاء الله يا حبيبتني هتحققي  
حلمك وتطلعي الأولي كمان بس ما تنسيش  
ان في حلم تاني اتمني ما تنسهوش

الاء: ما تخافيش مش ناسية هعمل كل  
جهدي علشان احققهم ادعيلي بس

فريدة: يارب يا قلبي يلا بقا نروح علشان ما  
نتأخرش عندنا دروس يا هانم

الاء: حاضر يلا وكمان علشان ماما ما تقلقش

عليا



عند ياسمين ومعتز

ياسمين: اتفضل الفلوس اهي

معتز: تسلمي لي يا حبيبتي

ياسمين: مش هتقول لي بقي اه الخطة اللي

في دماغك يا حبيبي علشان ناخذ ثروة مالك

ونخلص انا زهقت منه ونفسي نخلص

الموضوع ده ونعيش حياتنا

معتز: اسمعي يا حبيبتي .....

ياسمين: اه الدماغ الشريرة دي يا ميزو

معتز: ده ولا حاجة ده اقل حاجة عندي

ياسمين: بس يارب تنجح وما نتكشفش

معتز: ما تخفيش بس نفذي اللي قولت

عليه انتي بالحرف الواحد وكلميني

ياسمين: تمام سلام بقي علشان متأخرش

معتز: سلام يا حبيبتي

♡♡♡♡♡♡♡♡♡♡♡♡♡♡♡♡

في منزل الاء

الاء خلصت صلاة العشاء وقاعدة علي

المصلية وبتدعي وبتترجي ربنا

الاء: يارب انت واحدك اللي عالم انا مريت

بايه في حياتي يارب اقدر اكسب في المسابقة

واطلع الأولي واقدر اجيب مجموع وادخل

الكلية اللي نفسي فيها يارب حنن قلب ماما

عليا انا مش عارفة انا عملتلها اه علشان

تعاملني كده انت وحدك اللي عالم يارب اه

اللي في قلبي يارب انا خايفة اوي انت

رزقتني بنعمة كبيرة اوي بس انا خايفة حد

يتنمر عليا في يوم من الأيام يارب كن معي

يارب وقويني علشان اقدر اكمل طريقي في

الحياة

بعد ما خلصت دعاء سمعت صوت

موبايلها بيرن ابتسمت لما شافت اسم

المتصل

الاء: الو ايوه يا بابا

والد الاء ﴿محمود﴾: عاملة اه يا احلي لولو في

الدنيا

الاء: الحمد لله كويسة يا بابا وانت

محمود: الحمد لله يا حبيبتي وحشتيني اوي

الاء: وانت اكرهتيني امتي

محمود: بعد بكرة ان شاء الله

الاء: ان شاء الله هستناك

محمود: ان شاء الله سلام وسلميلي علي

زياد وماما

الاء: حاضر سلام

﴿محمود بيشتغل في شركة وبمسافر كتيير

علشان شغله متطلب السفر ويحب الاء

﴿زياد جدا بس بيحب الاء اكثر من زياد ﴿

♡♡♡♡♡♡♡♡♡♡♡♡♡♡♡♡♡♡

مالك وهو ماشي في الطريق بالعربية شاف

بنت لابسة فستان ابيض وكانت واقفة في

حديقة كبيرة فيها ورد

مالك نزل من العربية وراح عندها وفضل

يتأملها

وهي اول ما شافته خافت و جريت

وهو جري وراها ونادي عليها بس هي  
فضلت تجري مالك: لا لا تعالي ما تمشيش  
انا مش هأذيكي ارجوكي ما تمشيش  
وبعدين وقفت وكانت ماسكة وردة في  
ايديها بس الوردة كانت مختلفة مميزة عن  
باقي ورود الحديقة ومدت إيديها علشان  
تدهاله وقالت له

□ ..... استوب

خلصت الحلقة اتمني تعجبكم وعايزة  
اعرف اه رأيكم فيها شاركوني برأيكم بليبيبيز  
بحب اشوف تعليقاتكم جدا جدا لأنها  
بتسعدني جدا جدا سواء تشجيع او نقد  
اسفة لو في غلطات لغوية بس دي اول مرة  
اكتب حاجة اتمني تعذروني



مالك: لا لا تعالي ما تمشيش انا مش  
هأذيكي ارجوكي ما تمشيش

وبعدين وقفت وكانت ماسكة وردة في  
ايديها بس الوردة كانت مختلفة مميزة عن  
باقي ورود الحديقة ومدت إيديها علشان  
تدهاله وقالت له: قريب

مالك قام من النوم علي صوت المنبه  
الساعة خامسة صباحا فضل قاعد علي  
السرير ويفكر في الحلم وفي البنت اللي  
شافها في الحلم كان عايز يعرف اه سبب  
الحلم ده وكانت تقصد اه لما قالتله قريب  
وبعد ما تعب من التفكير قام غير هدومه  
ونزل علشان يجري كالعادة

♡♡♡♡♡♡♡♡♡♡♡♡♡♡♡♡♡♡♡♡♡♡

🕒 الساعة التاسعة صباحا

في المدرسة

انور﴿مدرس اللغة العربية﴾: ماشي يا الاء

كده تمام كده احنا خلصنا وراجعنا كل

القصيدة اللي هتقولها في المسابقة

بالتوفيق ان شاء الله

الاء: إن شاءالله يا مستر متشكرة لمساعدة

حضرتك

انور: الشكر لله

♡♡♡♡♡♡♡♡♡♡♡♡♡♡♡♡

في مجمع شركات صقر المنشاوي

في المبني الرئيسي

داخل مكتب مالك

مالك: الو ايوه يا حبيتي عاملة اه انتي والولاد

اه تليفونك ماله كل ما اكلمك القيه مقبول

نرمين ﴿اخذت مالك متجوزة عندها ولد اسمه  
أسر عنده خمس سنين وأية عندها سنة  
وعايشة في إيطاليا هي وجوزها ﴿احمد﴾:  
معلش يا حبيبي اصل تليفوني وقع في الميه  
وكل الأرقام اللي عليه اتمسحت علشان كده  
معرفتش توصلي قلبي انت عامل اه وماما  
وبابا عاملين اه

مالك: الحمد لله بخير بيسلموا عليكمي مش  
ناوين تيجوا تقعدوا معانا انا لحد دلوقتي ما  
شفتش ولاد اختي غير في الصور تعالوا بقي  
عايز حد يقولي يا خالو

نرمين: هههه م انت عارف يا مالك احمد  
مشغول دايم هنبقي نيحي لما ياخذ اجازة  
مالك: انا لو اعرف انك لما تتجوزيه هياخذك  
مننا كده مكنتش خليته يتجوزك قوليلي هو  
فينه بكلمه مش بيرد ولا مش عايز يكلمني

نرمين: لا يا حبيبي بس عنده شغل

مالك: ماشي يا حبيبتي سلام وسلميلي  
عليه وعلي الولاد

نرمين: ماشي يا حبيبي سلام

بعد ما قفلت الخط

احمد بذعيق: وهو يدخل الغرفة انتي يا هانم  
ودخل لقاها بتقفل التليفون وبتشيله اه ده  
ها تي التليفون ده كنتي بتكلمي مين ها

نرمين بخوف وتوتر: لا لا ولا حاجة دي واحدة  
صاحبتي كانت بتسأل عليا

احمد وهو بيفتح التليفون وشاف اسم  
مالك: قولتيلي واحدة صاحبتك هاه امال اه  
اللي جاب اسم اخوكي هنا ها

نرمين وهي بتعيط: ثانية واحدة بس هقولك

احمد: ضربها بالقلم ووقعت علي الأرض

انطقييييي

نرمين بعياط: ما فيش اصل كنت بتصل بيه

علشان اطمن علي بابا وماما بس مش اكر

لكن والله ما قتلته حاجة

احمد وهو بيشرها من شعرها: وانا قلت اه

ها قلت اه مش انا قلت لك ان ممنوع

تتكلمي مع حد خالص وخصوصا عائلتك

هاه

نرمين بعياط وضعف: ايوه ايوه قلت بس انا

كنت عايضة اطمن عليهم بس وعد دي اخر

مرة مش هتحصل تاني صدقني

احمد: انا هوريكي علشان تبقي تتطمني

عليهم تاني

واسر وأية كانوا جوا في أوضتهم بيعيطوا

واحمد بدأ يضرب نرمين ويعذبها

وبعد شوية احمد مشي وسابها وهي ما  
فيهاش حته سليمة نرمين قعدت علي  
الأرض وبتعيط وشريط حياتها من اول ما  
اتجوزت احمد بيعدي قدامها

فلاش باك

مالك: خلي بالك من اختي يا احمد اوعي  
تزعلها دي حياتي

احمد: في عنيا يا مالك انت بتوصيني علي  
روحي

كريمة بدموع وحزن علي فراق نرمين: خلي  
بالك من نفسك يا روح ماما وكلميني كل  
يوم

نرمين: حاضر يا ماما ما تعيطيش بقي  
لأحسن اعيط انا كمان والمكياج يسبح

وابقي شبه الغوريلا يرضيكي ابقي شبه

الغوريلا

كريمة: لا ما يرضنيش خلاص انا مش هعيط

اهو

مالك: خلاص بقي يا ست الكل سبيهم كده

هيتأخروا علي الطيارة

كريمة: مش هالين عليا فراقك يا بنتي يلا

روحي مع جوزك يا حبيبي

احمد ونرمين ركبوا الطيارة ووصلوا إيطاليا

في البيت

احمد: اتفضلي يا حبيبي مبروك

نرمين: الله يبارك فيك يا حبيبي

احمد: نرمين انا حابب اقولك علي حاجة

نرمين: اتفضل

احمد: انتي عارفة انا بشتغل اه

نرمين: ايوه في شركة أدوية

احمد: نرمين انا بشتغل مساعد لأكبر زعيم  
مافيا في إيطاليا والمافيا دي بتشتغل في  
الأدوية الفاسدة والسلاح والمخدرات كمان  
وتجارة الأعضاء انا بس حبيت اوضحلك كل  
حاجة علشان تبقي عارفة ظروف شغلي اه  
حاجة كمان اهلك ممنوع تكلمهم إلا بإذن  
مني

انتي عارفة مصر كلها بتدور عليا وانتي  
مترضييش ان جوزك يتقبض عليه صح ولا اه  
وياريت تنسي مصر لأنك مش هترجعي  
هناك تاني إلا علي جثتي وطبعاً ده مش  
هيحصل لأنني لو هموت هتموتي قبلي او  
معيا انا حبيت اوضحلك الموضوع واتمني  
تتقبله علشان نبقي مبسوطين في حياتنا

نرمين بتبصله بصدمة: هههه انت بتهزر

قول لي اللي انت بتهزر

احمد بجمود: لا انا مش بهزر انا بتكلم جد

نرمين: انت بتقول اه انت اتجننت وكمان

عايزني اتقبل واعيش معاك عادي بعد ما

كدبت عليا وطلعت رجل عصابة انت مجنون

صح هاه مجنون انا هرجع مصر دلوقتي حالا

ومش هتقدر تمنعني

وجت تخرج من الباب راح مسك ايديها

احمد: انتي مش هترجعي مصر غير علي

قبرك انتي هتعيشي معايا هنا برضاكي او

غصب عنك والأحسن تعيشي معايا

برضاكي علشان انتي لسه ما تعرفنيش

كويس وسابها وخرج

باك

ياسمين: ااااه يا ماما وحشتيني اوي اوي  
اتني ومالك ربنا يسامحك يا بابا انت اللي  
عملت فيا كده بس انا كمان غلطانة انا اللي  
وفقت عليه من غير ما اعرفه كويس حسبي  
الله ونعم الوكيل فيك يا أحمد يارب اقدر  
اخرج انا وولادي من هنا بسرعة يارب

نرمين سمعت صوت ولادها بيعيطوا راحت  
قامت بسرعة عندهم وضمتهم لحضنها  
نرمين: ما تخافوش يا حبايبي ان شاء الله  
ربنا هيبعتلنا اللي هينقذنا من هنا واثقة في  
رحمتك يارب

المساء في ♡♡♡♡♡♡♡♡♡♡♡♡♡♡♡♡

مالك رجع من الشركة اخذ دش وداخل ينام  
سمع تليفونه بيرن اول لما شاف المتصل  
زفر بضيق

مالك: الو

ياسمين: ايوه يا ميمو عامل اه

مالك: افندم عايضة اه

ياسمين: مش عايضة حاجة بطمن عليك

مالك: شكرا انا كويس حاجة تاني

ياسمين: ايوه كنت عايضة اعزمك علي

العشاء بكرة

مالك: مش فاضي

ياسمين: طب ارجوك تعال بس حتي خمس

دقائق

مالك: لما اشوف

ياسمين: ما فيش حاجة اسمها هشوف

هستناك سلام

مالك قفل التليفون من غير ما يرد عليها

بيكره طريقة كلامها واسلوبها

مالك حط راسه علي المخدة واتمني انه  
يشوف الحلم اللي شافه تاني ميعرفش ليه  
بس اتمني انه يشوفه تاني

♡♡♡♡♡♡♡♡♡♡♡♡♡♡♡♡♡♡

الاء متوترة جدا ده معاد دخولها علي  
المسرح للإلقاء قلبها بيدق بسرعة وخايفة  
تنسي حاجة

الاء: يارب كن معي يارب

الاء دخلت علي المسرح وقدمت نفسها  
وبدأت تقول

وبعد لما خلصت شافت واحد لابس لبس  
شيك وغالي جدا وقاعد بتكبر

وقال لها

.....: اسف يا انسة انتي مرفوضة

الاء بدموع: بس ليه

.....: علشان انتي معاقة الأحسن تقدمي في

مسابقات المعاقين بس مش هنا للأسف

الاء.....

..... استوب □.....



اتمني تكون عاجبتكم وأسفة بس دي اخر

حلقة هكتبها علشان عندي امتحانات

وهكمل بعد الأمتحانات ان شاء الله ادعولي

انجح



♥ كنت عايذة اعرف اه رأيكم في الحلقة

♥ والفكرة واسم الرواية



♥ وياريت اللي عنده نصيحة يقدمها لي و ما

يتأخرش لأن كل نصيحة هتفدني بعد كده

وكمان عايزة اعرف رأيكم في الشخصيات

عايزة اعرف اه الشخصية اللي عاجبتكم

اكثر ♥♥♥♥♥♥♥♥♥♥♥♥♥♥♥♥



وكمان كنت عاوزه اشكركم جدا جدا علي

دعمكم ليا شكرا ليكوا بجد

ورمضان كريم عليكم يارب واتمني لكم

السعادة وراحة البال دايمًا كل سنة وانتم

طيبين ربنا يسعدكم زي ما بتسعدوني مع

السلامة اشوفكم بعد الامتحانات



#معاقة\_لكن\_أعشقها

Alaa\_Mohamed #

#جروب\_مواهب\_غوالي\_ريحانة\_الجنة

yes\_im\_famous #

هذه هي الجروبات اللي بيتعرض فيها  
الرواية

انا جيبييت وحشتوني جدا  
جدا ♥♥ وحشتني تعليقاتكم وتشجيعكم  
ليا

يا تري الرواية وحشتكم ولا

شاركوني برأيكم وتعليقاتكم دي اول مرة  
اكتب حاجة وعايضة اعرف اذا كنت بكتب حلو  
ولا انا فاشلة

#معاقه\_لكن\_اعشقها

♥الحلقة الخامسة♥

أتمني تعجبكم

♥ □ Enjoy ♥ □

.....: اسف يا انسة انتي مرفوضة

الاء بدموع : بس ليه

.....: علشان انتي معاقة الأحسن تقدمي في

مسابقات المعاقين بس مش هنا للأسف

الاء قامت من النوم مفزوعة وبتعيط

الاء بدموع وخوف : اعوذ بالله من الشيطان

الرجيم يارب انا خايفة اوي اه الحلم ده ده

اشارة صح يارب لا ارجوك مش عايزاه

يتحقق انا ممكن انهار لو حصل كده يارب

اكسب والمسابقة تعدي علي خير يارب

وميحصلش حاجة من اللي شفرتها في الحلم

الاء قامت ومسحت دموعها وراحت تصلي  
الفجر وتلبس علشان تروح المسابقة

الاء وهي خارجة من الباب

الاء: ماما انا نازلة عايضة حاجة

والدة الاء ﴿نهال﴾ : مش عايضة وهعوز منك  
اه يعني

الاء : انا حبيت اسألك لو محتاجة حاجة بس  
مش اقدر المهم انا كنت عايضة اقولك اني  
رايحة مسابقة الإلقاء النهاردة وقلت لبابا  
امبارح في التليفون وما تخافيش الميس  
هترجعني المدرسة بعد ما نخلص وهاجي  
قبل ما بابا يجي من السفر ان شاء الله  
نهال: ماشي لما نشوف اخرت الشعر  
والزفت ده اه مش عارفة انا اه اللي دخلك  
في الكلام ده ما كنا مرتاحين

الاء: يا ماما يا حبيبتي دي موهبتي وانا بحب  
الشعر من وانا صغيرة ودي فرصة وجاتلي  
لحد عندي مش هينفع اتراجع واسيبها  
نهال: ماشي روعي يلا علشان ما تتأخرش

الاء: ماشي سلام ادعيلي

الاء باست راسها ونزلت عشان ما تتأخرش

♡♡♡♡♡♡♡♡♡♡♡♡♡♡♡♡

الاء وفريدة بعد لما نزلوا من العربية

ومتجهين الي المدرسة

الاء: فريدة أنا خايفة أوي الحلم ده ما يدلش

علي خير أبداً حاسة إن في حاجة هتحصل

مش كويسة في المسابقة حاسة إنهم

هيرفضوني

فريدة: يا الاء يا حبيبتي ممكن تهدي كده و

بطلي توتر لو فضلتني كده هتنسي القصيدة

وهتلمخبطي زي السنة اللي فاتت فاكرة  
ومش عايزين اللي حصل السنة اللي فاتت  
يتعاد من تاني والحلم ده ياريت تنسيه  
وتهدي وتبقي قوية وواثقة من نفسك  
وخليكي واثقة ان ربنا يا حبيبتى هيقف  
جمبك ويساندك دايمًا خلي إيمانك بربنا  
كبير يا روي

الاء بدموع: ونعم بالله

وبصت للسماء وهي بتترجا ربنا انه يكون  
معها ويوفقها

الاء وفريدة دخلوا المدرسة اول ما دخلوا  
قابلوا ميس ريهام

الاء وفريدة: صباح الخير يا ميس

ريهام: صباح النور يا بنات

الاء معلش انا مش هعرف اروح معاكي  
النهاردة المسابقة علشان عندي تدريب في  
سواق تبع المدرسة هيوديكي ويجيبك  
ويوصلك للبيت لو عايزة وانا كلمت حد  
هناك هيبغي معاكي ما تخافيش

الاء: عادي يا ميس ولا يهملك واوعد حضرتك  
اني هكون قد المسئولية ان شاء الله  
ريهام: انا متأكده من ده يا حبيبتي

بعد ما ريهام مشيت

الاء لفريده: شفتي قلتلك هتحصل حاجة  
اهي الميس مش هتيجي معايا هعمل اه  
دلوقتي

فريده: بس ربنا معاكي صح ولا اه ثقي في  
ربنا وخليكي واثقة في نفسك انتي قوية  
وهتنجحي وتشرفي المدرسة ان شاء الله

الاء ضمت فريدة لحضنها جامد هي فعلا  
بتدعمها وبتقويها هي مثال فعلا للصديقة  
المثالية هي دي الصداقة ان احنا ندعم  
بعض نقوي بعض دائما نقف مع بعض هو  
ده معني الصداقة اللي بجد الصداقة اللي  
تقويك وتشجعك مش اللي تهدك وتكسرك

الاء: انا مش عارفة لو مكنتيش جمبي كنت  
هعمل اه كنت زماني ضعت وفشلت انتي  
بجد أكبر نعمة ربنا رزقني بيها ربنا يديمك  
نعمة في حياتي

فريدة: يا لولي يا حبيبتني انتي مش صاحبتني  
انتني اختي يلا بقي علشان مانتأخرش

الاء: يلا

الساعة تسعة الحصة الاولى خلصت وده  
معاد الاء انها تروح المسابقة نزلت واستنتت  
السواق اللي هيوصلها وراحت المسابقة  
الاء اول ما وصلت دخلت قاعة كبيرة فيها  
ناس كتييير مشتركة من كافة الفئات  
العمرية

خافت اوي وفضلت تستغفر وتدعي ربنا في  
سرها

♡♡♡♡♡♡♡♡♡♡♡♡♡♡♡♡♡♡

عند مالك

مالك في الشركة وكان لابس لبس كلاسيك

إيمان السكرتيرة: أستاذ مالك ممكن أسأل

حضرتك سؤال

مالك: اتفضلي

إيمان: هو ليه حضرتك عايز تنزل وتمثل انك

واحد من المتسابقين

مالك: مع اني مش مضطر اجاوبك بس

هقولك انا عايز انزل اراقب سلوكهم اخلاقهم

افعالهم لازم الشخص اللي هيكسب في الآخر

لازم يكون يستحق الفوز بالمسابقة عنده

الموهبة والأخلاق علشان الناس تحترمه

ويبقي قدوة لأجيال قادمة فهمتي

إيمان: ايوه سيادتك فهمت بجد حضرتك

انسان مفيش منه كتير عن إذناك

مالك سمح لها بالخروج واستعد علشان

يروح المسابقة

♡♡♡♡♡♡♡♡♡♡♡♡♡♡♡♡♡♡

في المسابقة

الاء دخلت القاعة الذي يتواجد بها  
المتسابقين ووقفت لوحدها ومحبتش  
تختلط بحد

في بنات كانوا واقفين وشافوها وخذوا بالهم  
من ايديها

بنت منهم ﴿لارا﴾: اه ده بصوا شايفيين البنت  
المعاقاة اللي هناك

﴿رفيدة﴾: اه ده ودي جاية تعمل اه هنا يا  
حرام

﴿روان﴾: ما تيجوا نتسلي عليها

لارا ورفيدة: يلا

رفيدة: بس بس انتي يا اسمك اه انتي

الاء: انا

رفيدة: ايوه انتي كنت عايضة اقولك ان  
احسنلك تمشي وما تشاركيش في المسابقة  
علشان مش هيختروكي اصل الصراحة مش  
بيختاروا معوقين ههههههههه

رفيدة والبنات اللي معاها فضلوا يضحكوا  
في الوقت ده مالك كان داخل القاعة كواحد  
من المتسابقين وسمع الكلام الذي قالته  
رفيدة ل ألاء مالك اتعصب بشدة واستغرب  
من الاء انها مشيت ومردتش عليهم

الاء بعد لما سابتهم ومشيت طلعت بره  
القاعة ولقيت كرسي قعدت عليه

الاء بدموع منهمرة بغزارة ماسكة التليفون  
وبتتصل بحد

الاء بدموع: الو

خاله الاء ﴿مروة﴾: الو الاء مالك بتعيطي ليه

يا حبيبي

الاء: اصل يا خالتو وحكتلها علي الموقف  
اللي حصل من رفيده والبنات اللي ضحكوا

الاء: خالتو انا هنسحب من المسابقة  
وهمشي مش هقدر ادخل بعد اللي حصل

مروة: لا طبعا بطلي غباء هما قالوا كده  
علشان يخلوكي تنسحبي ولو مشيتي يبغي  
هما فازوا عليك اوعي تمشي ادخلي  
وكملي المسابقة واثبتلهم العكس وخلي  
عندك ثقة في ربنا اولاً وفي نفسك ثانياً

الاء: حاضر سلام

مروة: سلام بالتوفيق يا حبيبي

وبالفعل الاء بعد لما خلصت المكالمه  
مسحت دموعها ودخلت القاعة بكل ثقة

وأول لما شافت رفايدة والبنات اللي كانوا  
معها ابتسمت علشان تضايقهم وتقولهم  
انا مش هنفذلكم اللي انتوا عايزينه وهكمل  
في المسابقة وهما اتغاضوا جدا لما شافوا  
الابتسامة اللي علي وشها واتفاجأوا انها  
رجعت تاني الاء بعد لما شافتهم مضايقين  
حست بإنصار وثقة أكثر وفي الوقت اللي  
الاء دخلت فيه مالك كان واقف ابتسم لما  
شافها وفرح انها رجعت وما استسلمت  
وذهب لينضم للجنة الحكم

المسابقة بدأت و كان دور رفايدة قبل الاء  
دخلت رفايدة وقفت علي المسرح ولسه  
هتقول مالك قاطعها

مالك:.....

استوب

خلصت الحلقة اتمني تكون عاجبتكم  
ياريت تشاركوني برأيكم دي اول مرة اكتب  
حاجة

ممکن لو سمحتم بعدما تخلصوا الحلقة  
تصوتوا للحلقة ☆ لو سمحتوا علشان  
تدعموني وشكرا ليكم

اشوفكم الحلقة القادمة

معاقة لكن اعشقها

اتأخرت عليكم صح أسفة بعذر

الحلقة السادسة

اتمني تعجبكم

♥Enjoy♥

المسابقة بدأت و كان دور رفيده قبل الاء  
دخلت رفيده وقفت علي المسرح ولسه  
هتقول مالك قاطعها

مالك: أسف يا أنسة أنتي مرفوضة

رفيده: بس انا لسه مقولتتش حاجة

مالك بسخرية: وانا قلت انك مرفوضة اسف  
اصلي مش بقبل معوقين

رفيده فهمت قصد مالك وعرفت انه هو كان  
بيمثل انه واحد من المتسابقين و سمعهم  
وطلعت وكانت متعصبه ونفسها تاخذ  
حقها وتنتقم من الاء

رفيده وهي طالعة قابلت الاء اللي كانت  
بتراجع القصيدة ومتوترة جدا

رفيدة مسكت دراعها بعنف: مش عايزاكي  
تفتكري انك كسبتي عليا لا يا حبيبتى مش  
رفيدة اللي يتعمل معاها كده

الاء: انتي بتقولي اه انا مش فاهمة حاجة  
وبعدين سيبي دراعي

رفيدة: مش فاهمة انا هفهمك ومسكتها من  
شعرها وشدته جامد ولأن الاء محجة  
ورفيدة بتشدها من شعرها فكل ما رفيدة  
بتشد الطرحة بتخنقها اكرت ده غير شعرها  
اللي بيتشد الاء كانت بتصرخ وبتتألم ولا را  
وروان كانوا بيحاولوا يبعدوا رفيدة عن الاء  
علشان متحصلش مشكلة مالك سمع  
صريخ الاء وخرج شاف رفيدة بتضرب الاء  
بعنف والاء شبه مغمي عليها

مالك بغضب وعصية: اه المهزلة دي ارموها

وفعلا الحراس اخدوا رفيذة والبنات اللي

معاهم وطلعوهم بره

ومالك جري علي الاء اللي كانت اغمي عليها

بالفعل وفي علامات ضرب علي وشها

وإيديها مالك شالها وكان حاسس بشعور

غريب حاسس بخوف وغضب اخدها مكتبة

ونايما علي الكنية

مالك: كريببييم اطلب الدكتوراة بسرعة

كريم مساعد مالك الشخصي: فوراً يا مالك

باشا

الدكتوراة وصلت وكشفت علي الاء

الدكتوراة ريماس: واضح يا استاذ مالك انها

اتعرضت للاعتداء بعنف انا هكتبلها علي

دواء ومطلوب الراحة التامة طبعا

مالك: طب هي هتفوق امتي

الدكتورة ريماس: شوية وهتفوق ان شاء الله

مالك: متشكر جدا لحضرتك تقدرني  
تتفضلني

الدكتورة ريماس: عن اذنك

مالك: كريم

كريم: افندم يا مالك باشا

مالك: راحوا المخزن

كريم: طبعا يا باشا

مالك بتوعد لرفيدة والبنات اللي معاها: تمام

اوي انا هربيهم بطريقتي علشان يبقوا

يضرربوا حد تاني وخليهم يتوصوا بيهم شوية

كريم: اوامرك اي خدمة تاني

مالك: اه روح هات الادوية دي من الصيدلية

كريم: تحت امرك

كريم مشي ومالك قعد علي مكتبه وكان  
مستغرب نفسه ليه عمل كده ليه قلبه  
بيدق كده ليه كان حاسس احساس اول مرة  
يحسه فرحه، قلق، خوف، حيرة

الاء ابتدت تفوق

الاء: انا فين

مالك كان قاعد علي الكرسي قدامها: حمد  
لله علي سلامتكم يا انسة  
الاء افكرت اللي حصل وافكرت كلام رفيده  
وهي بتتعددي عليها

فلاش باك

رفيده وهي ماسكة الاء من شعرها: بقي انا  
يقول لي معوقة علشان سيادتكم

باك

الاء بدموع: ليه

مالك: هو اه اللي ليه

الاء: ليه عملت كده ليه ليه قتلها كده

مالك : قلت اه ولمين بالظبط

الاء: للبننت قتلها انها معوقة ليه مش فاهمة

ليه وسكتت لحظة ااه ااه عرفت انت

سمعتها وهي بتقولي كده صح مين قال لك

اني عايزة حاجة منك تقولها كده بصفتك اه

ربنا هو اللي هيعاقبها انت مالك

مالك بكل هدوء وبرود: اولاً انا معملتش

حاجة علشانك انا قتلها كده علشان من

شروط المسابقة ان الشخص اللي هيتقدم

للمسابقة لازم يكون عنده الأخلاق اولاً ثم

الموهبة

الاء: انا عايزة اروح

مالك: مش هينفع الدكتوراة قالت لازم  
ترتاحي

الاء قامت من علي الكنبه وما اهتتمتش  
لكلام مالك واول ما وقفت حست بدوخه  
مالك مسك ايدها قبل ما تقع

الاء شدت ايدها بسرعه و بدموع: لو سمحت  
عايزة اروح

مالك: حاضر هخلي السواق يروحك

الاء: لا انا عايزة اروح لوحدي

مالك: مش هينفع انتي لسه ما بقتيش  
كويسة وكمان دايخة تقدري تقوليلي  
هتروحي ازاي

الاء مقدرتش تكلم هي فعلا دايدة وعنيها  
مزغلة

مالك: كريم

كريم: افندم يا باشا

مالك: خلي السواق يجهز العربية ويروح  
الانسة

كريم: اوامرك يا باشا

مالك ل الاء: السواق هيوصلك

الاء جت تمشي كانت هتقع ومالك مسكها

مالك: تسمحيلي اوصلك لحد العربية

الاء: لا شكرا هروح لوحدي

مالك مسمعش كلامها وفي غمضة عين كان  
شايلها علي كتفه

مالك: انا مش بسألك علي فكرة انا كنت  
بديكي سابق إنذار مش اكر

الاء: نزلنيييييي وفضلت تضربه في كتفه  
علشان ينزلها بس طبعا مالك ما تهزش  
مالك وصلها لحد العربية وهي مكنتش  
واحدة بالها انهم وصلوا لانها كانت مشغولة  
في ضربه علشان ينزلها

مالك: حمد لله علي السلامة اتفضلي وصلنا  
العربية

الاء: في نفسها اه ده امتي انا ازاي مش اخدت  
بالي اه صح مانا كنت بضربه هاخذ بالي ازاي

الاء: طب ممكن تنزلي لو سمحت

مالك كان نفسه الطريق يبقي اطول علشان  
يفصل شايلها كده مالك نزلها وركبها العربية  
والعربية مشيت

مالك تليفونه بيرن

مالك: الو ايوه يا جاسر

بعد لما خلص المكالمة رجع وركب عربيه  
تانية وراح لبيته الخاص اللي بيحب يستجم  
فيه ويفكر براحته من غير ما حد يقلقه

مالك دخل البيت شاف ياسمين قاعدة  
ومشغلة التلفزيون ومحضرة اكل لشخصين  
مالك بعصبية: انتي اه اللي جابك ودخلتي  
ازاي

ياسمين بدلع وهي بتقرب منه وحطت ايدها  
علي كتفه: اه ده يا ميمو ده استقبال  
تستقبلوا لحبيبتك

مالك بعد عنها: ياسمين احنا مش هنكذب  
علي بعض انا وانتي عارفين ان مفيش حد  
بيحب التاني فياريت بلاش الشويتين دول

ياسمين: ده من وجهة نظرك انت لكن انا

بحبك

مالك: ياسمين لو سمحتي امشي علشان

مش عايذة اقول كلام يجرحك

ياسمين بتتصنع البراءة: طب ممكن طلب

قبل ما امشي

مالك: افندم

ياسمين: انا جايبة اكل علشان ناكل سوا

ممكن تقعد نتعشي كأصدقاء بس مش

اكثر وبعديها همشي عالطول

مالك: ماشي لما نشوف اخرتها

وفعلا قعدوا واتعشوا سوا

وبعد العشاء

ياسمين: اتفضل العصير

مالك: شكرا

وهي بتقديم له العصير تليفونها رن

ياسمين بتوتر: ثواني عندي مكالمة مهمة

هرد عليها افضل اشرب العصير

وقامت تتكلم في التليفون

ياسمين: الو ايوه يا معتز

معتز: ايوه اه الاخبار نفذتي الخطة

ياسمين: لسه

معتز: طيب انجزي

ياسمين: ماشي اهو بيشرب العصير

معتز: تمام اول ما يدوخ تخليه يمضي علي

الورق وتجيبي الورق وتيجي بسرعة

ياسمين: ماشي سلام

ورجعت لمالك

ياسمين: اه لسه مشربتش العصير

مالك: مستنيكي

ياسمين بدلع: اه وحشتك

مالك: تقدري تقولي كده

وشربوا العصير وبعد ربع ساعة بالظبط

ياسمين حاسة بدوخة ومش قادرة تقف

وعنيها مزغللة

مالك: اه مالك

ياسمين: لا مليش داخة شوية

مالك: طيب ادخلي جوا لو عايزة

ياسمين: ايوه ماشي

بعد ما دخلت مالك مسك التليفون

مالك: الو ايوه يا جاسر

جاسر: مالك الواد هرب

مالك: يعني اه هرب

جاسر: بعث ناس علشان تخطفه وتوديه  
المخزن بس في ناس اتهجموا عليهم وخذوا  
الواد

مالك: ابن ال..... والله لأجيبه من تحت الارض

جاسر: طب والبت هتعمل معاها اه

مالك: لا سيبيها لي انا هربيها واعرفها ازاي  
تلعب مع مالك صقر المنشاوي كويس

جاسر: ماشي بس براحة شوية

مالك: انت عارف ان الكلمة دي مش في  
قاموسي

جاسر: امم مش في قاموسك يبقي البت

الله يرحمها انا عارفك ايدك طارشة

مالك: طيب يا لمض سلام

مالك قفل التليفون وقعد علي الكرسي

وبيفتكر اللي حصل

فلاش باك

مالك: جاسر كنت عايزك في خدمة صغيرة

كده

جاسر: انت تؤمر يا ميمو خير عايزني في اه

مالك: عايزك تخلي حد يراقب ياسمين

ويعرف كل تحركتها

جاسر: غالي والطلب رخيص بس ليه

مالك: علشان خلاص ما عنديش صبر عليها

لازم اعرف الهانم بتصرف الفلوس اللي

بتخدها مني فين

جاسر: امممم ماشي

بعد يومين بعد ما مالك وصل الاء العربية

تليفونه بيرن

مالك: الو ايوه يا جاسر ايه الأخبار

جاسر: اخبار لوز اللوز يا معلم

مالك: اشجيني

جاسر: الراجل اللي بيراقب ياسمين قال لي

انها بتروح شقة في المعادي مأجرها واحد

اسمه معتز وببشتغل مع رئيس عصابة بس

شغله كله من التليفون و ياسمين بتروح له

كل يوم وكمان خلقت الراجل اللي بيراقبها

يركب ميكرفونات وكاميرات في شقة معتز  
وعرفت انهم بيتفقوا عليك وعملوا خطة  
علشان يخلوك تمضي لياسمين علي كل  
املاكك ويسرقوها ويهربوا يا معلم

مالك: اه يا ولاد ال..... بس علي مين انا  
هربهم علشان يبقوا يلعبوا تاني مع مالك  
صقر المنشاوي

باك

فلاش باك

ياسمين بتكلم في التليفون

ياسمين: ماشي اهو بيشرب العصير

مالك كان واقف قريب منها وسمعها

مالك في نفسه: قلتوا لي العصير تمام

هنشوف مين اللي هيشربه وقبل ما

ياسمين تيجي مالك كان بدل كوبايات

العصير

باك

وبعد شوية ياسمين فاقت

ياسمين: هو اه اللي حصل

مالك: هو الصراحة لسه محصلش حاجة

بس هيحصل اوعدك

ياسمين: يعني ايه

مالك قرب منها و مسكها من شعرها: بقي

انا تروحي تتفقي مع واحد بلطجي عليا

وعايزين تسرقوا فلوسي ووقعها في الأرض

ياسمين: اه اللي انت بتقولوا ده وانا هعمل

كده ليه

مالك: علشان تهربي معاه وتعيشوا من  
فلوسي انا هديكوا علشان تبقوا عبدة لأي  
حد يفكر يلعب مع مالك صقر

ياسمين: مالك انا معملتش حاجة انا مليش  
دعوة

مالك: ولسه ليكي عين تكدي

ياسمين: مالك ارجوك سامحني عارفة ايني  
غلط بس هو اللي حرضني ارجوك سامحني

مالك: هههههههه اسامحك بتحلمي انا  
هعاقبك عقاب مكنتيش تحلمي بيه

ياسمين بترجي: لا ارجوك سامحني وعد  
ابعد عنك ومش هتشفوني تاني بس سبني  
ارجوك

مالك: ومين قالك انك هتبعدي بمزاجك  
انتي هتبعدي غصب عنك بس الأول عايزة  
اوريكى حاجة صغيرة

مالك فتح تليفونه وجاب بعض الصور  
لياسمين ومعتز لما كانت بتروح له البيت  
مالك: اه رأيك في الصور الحلوة دي عاجبتك  
الصور دي هتبقى بكرة صفحة اولي في  
الاخبار وهتتنشر علي كل وسائل السوشيال  
ميديا

ياسمين: لا يا مالك ارجوك ما تعملش كده  
انا مستعدة اعمل اللي انت عايزه بس  
ارجوك امسح الصور دي

مالك: ايوه كده شاطرة ندخل في المفيد  
اسمعي يا حلوة.....



عند الاء

الاء دخلت البيت براحة وحاولت تدحل  
اوضتها بسرعة علشان محدش يشوفها  
بالمنظر ده الاء دخلت اوضتها وفعلا محدش  
شافها اول ما دخلت حاولت تحط كريم  
تداري بيه الجروح اللي في وشها علشان  
محدش ياخذ باله وغيّرت هدومها ودخلت  
تاخذ دش وهي طالعة من الحمام سمعت  
تليفونها بيرن

الاء: الو ايوه يا فريدة

فريدة: ايوه يا لولو اه الاخبار عملتي اه في

المسابقة

الاء: بدأت تحكي لفريدة علي اللي حصل

وفريدة مصدومة

فريدة: يا نهار ابيض طب وانتي كويسة  
دلوقتي

الاء: كويسة الحمد لله

فريدة: طب مامتك مسألتكيش علي حاجة

الاء: لا الحمد لله جيت لقيتها نايمة

فريدة: طيب هسيبك تستريح ونبقي  
نتكلم بعدين

الاء: ماشي سلام

الاء قفلت مع فريدة وراحت تنشف شعرها  
بس سمعت صوت تليفونها كان رقم غريب

الاء: الو

المتصل: حضرتك الانسة الاء محمود

الاء: ايوه انا

المتصل:.....

الاء اول ما سمعت الكلام اللي قاله التليفون  
وقع من ايدها واغمي عليها

□ استوووووب □

الحلقة خلصت اتمني تكون عجبتكم  
وطويلة اهي اظن مفيش اطول من كده  
واسفة مرة تانية علي التأخير

يا تري مالك قال لياسمين تعمل اه علشان  
مش ينشر الصور

والشخص اللي اتصل بالاء قالها اه علشان  
يغمي عليها

انتظروني الحلقة القادمة اتمني تكون الحلقة  
عاجبتكم شاركوني برأيكم عايزة اعرف اه  
رأيكم في الحلقة لأن بجد تعليقاتكم بتديني

طاقة إيجابية كبيرة اوي وبتحمس اكثر

علشان اكتب الحلقة اللي بعدها

ممکن طلب اخير ممكن بعد ما تخلصوا

الحلقة تضغطوا علي☆ وشكرا جدا ما

تنسوش التعليق

مع السلامة اشوفكم الحلقة القادمة

بقلم: Alaa Mohamed

♡♡♡♡♡♡♡♡♡♡♡♡♡♡♡♡

معاقة لكن أعشقها

الحلقة السابعة

اتمني تعجبكم

Enjoy

الاء قفلت مع فريدة وراحت تنشف شعرها

بس سمعت صوت تليفونها كان رقم غريب



نهال: اه في اه

اه ده مالها دي

زياد: مش عارف جيت لقيتها كده

نهال: سبها تلاقىها بتدلع بس

زياد: بتدلع اه انتي مش شايقة وشها اصفر

ازاي

نهال: انا رايحة انام مش فاضية انا لشغل

العيال والدلع ده تلاقىها بتمثل علشان

نخاف ونتخض عليها ونودىها المستشفى

وندفع دم قلبنا وانت كمان روح نام عندك

مدرسة الصبح وراحت نهال فعلا اوضتها وما

اهتمتش بالاء

زياد كان خايف علي اخته وبيعيط

زياد: لولو لولو ارجوكي قومي ما تسبنيش  
هموت لو سبتيني قومي ووعد مش  
هضايقتك تاني خالص بس قومي التليفون  
فين التليفون

زياد مسك التليفون واتصل بمروة خالة الاء  
وزياد

زياد: الو ايوه يا خالتو الحقيقي

مروة: ايه يا زياد في ايه مالك

زياد: الاء الاء يا خالتو مغمي عليها ومش  
عارف افوقها

مروة: ليه ايه اللي حصل خلاص اقفل  
مسافة السكة وهكون عندك

مروة قفلت التليفون واتصلت بأخوها خال  
الاء وزياد أنس

مروة: الو ايوه يا انس هات العربية وتعالى  
بسرعة زياد اتصل بيا وقال لي الاء مغمي  
عليها لازم نروح نشوفها انت عارف نهال لو  
ماتت مش هتهتم

أنس: خلاص ماشي اقفلي مسافة السكة  
وهكون عندك

وبعد نص ساعة وصلوا مروة وأنس

انس ومروة دخلوا ولقوا الاء فعلا مغمي  
عليها

مروة بخوف: اه ده مالها الاء حبيبتى قومي

زياد بدموع: بقالها ساعة علي الحال ده  
وحاولت افوقها بكل الطرق بس مش راضية  
تفوق الاء ماتت يا خالتو ماتت

مروة: لا يا حبيبي ان شاء الله هتبقى كويسة

أنس بعصبية: أنا مش عارف انتي ازاي أم في  
أم تسيب بنتها مرمية كده

نهال: انا افتكرتها بتمثل علينا

مروة: أنس مش وقت الكلام ده يلا خلينا  
نخدها المستشفى

أنس شال الاء ونزلوا علشان يودوها  
المستشفى وزياد راح معاهم

ونهاد ما اهتمت في دماغها انها بتمثل  
علشان تلاقي اهتمام بس مش أكثر

♡♡♡♡♡♡♡♡♡♡♡♡♡♡♡♡

في المستشفى

الدكتور: واضح ان عندها انهيار عصبي حاد  
وده بيحصل نتيجة للإجهاد الأكبر من اللازم  
وضغوط الحياة او التعرض لصدمة مثلا زي  
وفاة حد مقرب لينا والحزن الشديد

انس: طب والحل يا دكتور اه العلاج وهتفوق

امتي

الدكتور: علي حسب استجابة العقل للأسف

هي مستسلمة مش بتحاول تفوق أو

تستجيب لأي أدوية واضح انها اتعرضت

لصدمة قوية وبتحاول تبعد عن الواقع

وتهرب منه

أنس: طب وبالنسبة للجروح اللي في جسمها

الدكتور: واضح انها اتعرضت للأعتداء

أنس ومروة اتصدموا

مروة: يا حبيبتي يا بنتي مين يا روعي اللي

عمل فيكي كده

الدكتور: ادعولها ان شاء الله تقوم بالسلامة

مروة: يارب قومها بالسلامة يارب

وبعد ما مشي الدكتور

أنس: زياد حبيبي متعرفش اختك حصلها ايه

حد ضايقها او حصل حاجة غريبة

مروة: انا عارفة ايه اللي حصل

أنس: عارفة عارفة ايه

مروة: الاء النهاردة كانت في المسابقة

واتصلت بيا وقالت لي ان كان في بنات

بيضايقوها وتقريبا هما اللي اعتدوا عليها

أنس: طب ليه ليه يعملوا كده مش كفاية

اللي بتشوفه في حياتها اياها ياربي قومها

بالسلامة يارب ونجيتها من اللي هي فيه

مروة: يارب أنس اتصل بمحمود هو من حقه

يعرف ده والدها ولازم نقوله

أنس: ايوه حاضر هتصل بيه

أنس بيتصل بمحمود ورد عليه واحد غريب

أنس: لو سمحت هو ده مش رقم تليفون

الاستاذ محمود

مدحت: حضرتك مين

انس: انا اخو مراته وكنت عايز اكلمه في

حاجة طارئة لو سمحت ممكن تديله

التليفون

مدحت: حضرتك صاحب الموبايل ده عمل

حادثة وتوفي البقاء لله

أنس اتصدم من اللي سمعه و عقله مش

قادر يستوعب كل ده ويفكر في الاء وزياد

هيستحملوا ازاي دول كانوا بيحبوا محمود

اوي هيستوعبوا ازاي خبر موته اااااه يارب

يارب احميهم من كل شر وصبرهم

أنس رجع عند مروة وزياد

مروة: ايه كلمته

أنس: ايه اه اه كلمته وقال لي انه جاي في  
الطريق

مروة: طيب الحمد لله

زياد: انا عايز بابا

أنس: ما تخفش يا حبيبي بابا هيجي دلوقتي  
وبعدين ايه انت مش بقيت تحب خالو انس  
ولا ايه خالو بقي وحش يعني

زياد: لا انت حلو بس بابا واحشني اوي

انس: خلاص يا حبيبي ان شاء الله بابا  
هيجي وهتقعد معاه زي ما أنت عايز

♡♡♡♡♡♡♡♡♡♡♡♡♡♡♡♡

في الصباح

في شركات صقر المنشاوي

ياسمين: لو سمحتي عايز قابل صقر بيه

السكرتيرة: اقول له مين

ياسمين: قوليله ياسمين

السكرتيرة رفعت سماعة الموبايل: صقر بيه

في واحدة بره اسمها ياسمين عايزة تقابل

حضرتك

صقر: دخلها

السكرتيرة: اتفضلي صقر بيه في انتظارك

دخلت ياسمين المكتب

صقر: ازيك يا ياسمين يا بنتي ايه اخبارك

ياسمين: الحمد لله يا اونكل كنت عايزة

حضرتك تمضيلى علي الورق ده

صقر باستغراب: ورق ايه ده

ياسمين بتكبر: ده ورق بيع كل ممتلكاتك ليا

انا ياسمين الشرقاوي

صقر: ايه

ياسمين: ايه يا عمو استغربت ليه هو انا  
مش هبقي مرات ابنك ولا ايه وبعدين انا  
هملكهم بس باسمي لكن حضرتك فمكانك  
طبعا امال مين هيمسك الشركة وما  
تخفش هزود لك المرتب

صقر: انتي واحده مش متربية اطلعي بره

ياسمين: تَو تَو تَو متعليش صوتك كده  
واهدي يا صقر بيه انا مش هطلع غير لما  
تمضي لي علي الورق وا إلا

صقر: وا إلا ايه

ياسمين طلعت إبرة وغرستها في رقبتة: وإلا

هخلص منك واتجوز ابنك واخلص منه

واورثه ويبقى قضيت علي عائلة صقر  
المنشاوي

صقر : سبيني انتي مجنونة كح كح  
في اللحظة دي دخل مالك وشاف ياسمين  
مالك: اه اللي انتي بتعمليه ده انتي اتجننتي  
ياسمين: اه اتجننت

مالك: ياسمين خلاص سبيه ومش هنشرك  
الصور وعد خلاص سبيه وهديكى الصور  
والفلوس اللي انتي عايزاها

ياسمين سابته بس بعد طبعا لما انتشر  
السائل كله في جسمه وفقد الوعي ياسمين  
اول ما شافته وهو فاقد الوعي جريت  
بسرعة بس مالك كان نادي الحرس بسرعة  
ومسكوها

كريم: مالك باشا اتصل بالدكتور

مالك: لا اتصل بالإسعاف وقلهم ينقلوه علي  
البيت

كريم: اوامرك

♡♡♡♡♡♡♡♡♡♡♡♡♡♡♡♡

في المستشفى

مروة: ايه ايه اللي انت بتقوله ده لا مستحيل

أنس: هو ده اللي حصل

مروة: طب وهنعمل ايه الاء وزياد مش

هيقدرنا يستوعبوا ممكن ينهاروا

أنس: إن شاء الله خير وهما اقوياء إن شاء

الله هيقدرنا

الاء فاقت وبدأت تفتح عنيا ببطء وبصت  
للمكان اللي حاوليا وعرفت انها في  
المستشفى

الدكتور: الحمد لله الأنسة الاء فاقت

مروة وأنس وزياد دخلوا لها بسرعة

مروة: حمد لله علي سلامتک يا حبيبتی

الاء: انا فين

أنس: انتي اغمي عليكي وجبناكي  
المستشفى

الاء في اللحظة دي افكرت اللي حصل

الاء: بابا بابا يا خالوا في واحد اتصل بيا وقال  
لي ان بابا عمل حادثة ومات

زياد: لا لا بابا كويس خالوا أنس كلموا وقاله  
انه جاي في الطريق لما عرف أنك في  
المستشفى

الاء: بجد يا خالوا قول لي ان بابا كويس قول  
لي ان محصولش حاجة ارجوك

مروة: اهدي يا حبيبتى علشان متتعبيش

الاء: خالوا ارجوك قول قول انه كلمك وقال  
لك انه جاي

أنس: ايوه يا حبيبتى كلمته وان شاء الله  
هيجي

الاء: انت بتكذب عليا صح هو مش هيجي

تليفونها رن وكانت جدتها

جدة الاء سعاد: ابوكي مات يا الاء ابوكي  
مات وسبنا

الاء: لالاالا انتوا كاذبين كلكم كاذبين بابا راجع  
هو قال لي انه هيرجع انتوا بتكذبوا عليا

ورمت التليفون علي الأرض

الاء: بابا مستحيل يموت ويسبني لا  
مستحيل بابا لالاابالا لالا خالوا عايزة ارواح عند  
بابا ارجوك يا خالو

أنس نادي علي الدكتور وجه الدكتور وقال  
للممرضة تديها مهدئ

الاء هديت ورجعت تهرب من الواقع الي  
الظلام

زيد قاعد في ركن الاوضة وضامم رجله  
وبيعيط: بابا مات والاء بتموت انا كمان انا  
كمان عايزة اموت هعيش مع مين لما هما  
يسبونني ااه انا عايز اموت خدوني معاكم

أنس جري علي زياد: اهدي يا حبيبي الاء  
هتبقي كويسة ما تخافش

زياد: خالو هيسبوني لوحدي يا خالو هيسبوني  
انا مليش غيرهم

أنس: أنت مش لوحديك يا حبيبي انا اهو  
وخالتو مروة وماما وتيتة والاء هتقوم وتبقي  
كويسة وهنبقي كلنا جمبك

♡♡♡♡♡♡♡♡♡♡♡♡♡♡♡♡

مالك رجع البيت

مالك: ايه الأخبار

كريم: لسه غايب عن الوعي حضرتك

مالك: ماشي روح انت

كريم مشي ومالك دخل لوالده صقر

مالك جاب كرسي وقعد جامبه

مالك: أنا أسف مكنتش عايز أذكك بس انت  
اللي اضطريتني اعمل كده كنت عايز تجوزني  
غصب كنت عايز تجوزني واحدة تاخد فلوسنا  
وتعبنا كان لازم اثبتلك حقيقتها انا مش  
عارف ليه بتعمل معايا كده انا كنت  
محتاجك في اصعب أيامي كنت محتاج أب  
اشكي له همي يساعدي ياخذ بإيدي لبر  
الأمان كان نفسي احكيلك كان نفسي  
اقولك كم الوجد اللي جوايا وانا صغير لما  
كنت بشوف صحابي ووالدهم بيشجعهم كان  
نفسي تدعمني كان نفسي لما اتعب الاقايك  
جمبي تخفف عني تصدق ان انا في يوم كنت  
موجوع قلبي مجروح وكان نفسي تكون  
جمبي بس ما لقيتكش و رحتمشيت  
علي البحر ولقيت راجل كبير ولما طلبت  
منه يسمعني واشكيه همي مرفضش  
سمعني وخذ بإيدي وبقيت كل لما اتعب او

ابقي عايز أب اشكيله اروح له واشكيله وهو  
يسمعني واتخيلك انت كان نفسي تبقي  
أب كويس معايا بس أنت كل همك الفلوس  
ومصلحتك وبس عن إذذك يا صقر باشا

مالك فلاش باك

مالك: ايوه كده شاطرة ندخل في المفيد  
اسمعي يا حلوة انتي هتروحي مكتب صقر  
وتطلبي منه انه يكتب لك كل املاكه ولو ما  
وافق هتهديه انك تموتيه خدي الإبرة دي

ياسمين: اه ده انا مش هموت حد

مالك: وانتي فكراني زيك دي إبرة مخدر  
علشان بس يقتنع انك كنتي عايزة تموتيه  
وبعدين هخلي الحراس ياخدوكي وبعدين  
يسبوكي وهنقول انك هربتي وياريت

مشفكيش تاني لأن بجد هيبقي في حاجات

احلي من الصور

باك

كريم: مالك باشا

مالك: امممم

كريم: البقاء لله أستاذ محمود تعيش أنت

مالك أتصدم: ايه أنت بتقول ايه

كريم: ده اللي حصل يا فندم عمل حادثة

علي الطريق النهاردة

مالك: سبني دلوقتي

كريم: اوامرك

♡♡♡♡♡♡♡♡♡♡♡♡♡♡♡♡

الاء فاقت لقت إيد ماسكه إيديها

بصت لقت

الاء: بابا أنت هنا بجد صح

محمود: ايوه يا حبييتي انا جمبك

الاء: أنت عايش صح أمال ليه بيقولولي أنك

مت

محمود: لا يا حبييتي أنا جمبك اهو وهفضل

طول الوقت جمبك

الاء: انا بحبك يا بابا أرجوك ما تسبنيش

□ استوووب □

خلصت الحلقة أتمني تكون عجتكم

مالك يعرف محمود منين

ده سؤال حلقة النهاردة

شاركوني بتعليقاتكم لأن بجد بتسعدني جدا

شكرا ليكم

وأسفة لو في أي خطأ بس ده لأن كتبتها  
بسرعة وكمان علشان انا مبتدئة اتمني  
تعذروني شاركوني بتعليقاتكم سواء إعجاب  
أو نقد مع السلامة أراكم الحلقة القادمة  
أحبائي

ملحوظة: النشر هيبقي يوم ويوم

مع السلامة

وما تنسوش التصويت للحلقة☆

بقلم: Alaa Mohamed

أنا كنت عايزة اقول حاجة بس انا لما كتبت  
الرواية ونشرتها علي واتباد مكنش في ناس  
كتييير بتقرأ فكان لازم اعملها دعوة وفعلا  
عملتها دعوة علي الفيسبوك ونزلت لينك

الرواية بالغلاف وأظن أنكم عارفين لأن  
معظمكم قرأتم الرواية من الدعاية اللي  
كنت عملتها علي فيس بوك وانا كنت  
نشرتها تقريبا في كل الجروبات اللي بتخص  
الروايات مش الرواية لا الدعاية بتعتها  
ومعظمكم قرأ الرواية من خلال الدعوة  
وبقيتموا بتابعوها هنا علي واتباد وشكرا ليكم  
واتمني تكون عجبتكم .

النهارة انا كنت عاملة دعوة علي جروب  
يخص الروايات فاتفجئت بواحد بيقول لي  
انتي كذابة انتي سارقة الرواية وانا بقي  
حببت أرد عليه طيب تمام حضرتك بتقول  
ان انا اللي سرقته تمام حضرتك تقدر تجيب  
لي بقي اللي كاتبها قصدي اللي بيقول انه  
كاتبها ويقول لي حلقة واحدة بس حلقة  
واحدة بس من الرواية انا منزلة سبع حلقات

لو قدر يجيب الحلقة الثامنة ويثبت للناس  
اللي هو اللي كاتبها انا هعتزل وبعدين هو  
واخذ الغلاف اللي عليه اسمي اصلا  
حضرتك بتقول اني سرقتها أظن حضرتك ما  
شوفتش الأسم يعني اللي سرقتها واخذ  
غلاف اللي عليه اسمي طب كان يغيره او  
يشيل الأسم بس الحمد لله لأن الصورة دي  
تركيب وبشكر اللي صممها شكرا ليكي  
أحب اوجه كلمة بس للناس اللي بتسرق  
الروايات انتوا مش بتفكروا قد ايه احنا  
بنتعب بنفكر وبنراجع علشان تطلع حلوة  
بالمنظر ده وانتوا بتيجوا تخذوها علي الجاهز  
من غير تعب ولا مجهود أحب اقول لكم إن  
الناس اللي بتسرق الروايات أو القصائد  
والشعر أو المقالات أيا كان أنتوا أكبر  
فاشلين أنتوا عارفين أنكم مش محققين أي  
حاجة في حياتكم وشايفيين الناس بتكتب

وبتنشر وشايفينهم ناجحين وانتوا قاعدين  
بتتفرجوا فبتقولوا لنفسكم انا ليه اقعد  
اتفرج انا هسرقها منه وهبقي انا المشهور  
أحب أقول لحضرتك غلط وأكبر غلط ما هو  
مش حضرتك تقعد ماسك الموبايل ليل  
نهار وناس بتسهر ليالي لتحقيق حلمها  
وتقول انا محققتش انجاز وانا فاشل ما  
حضرتك لو سبت الموبايل من إيدك  
هتعرف تفكر في حياتك تخطط لمستقبلك  
كلنا عندنا مواهب كلنا بلا استثناء بس الفرق  
الطموح والأكتشاف حاول تكتشف موهبتك  
كل الناس عندها قدرات هائلة وكلنا عندنا  
مواهب بس الفرق كمية الطموح اللي عندنا  
خلي عندكم طموح وثقة بنفسكم وشكرا  
ليكم ولدعمكم ليا وبالنسبة بقي للشخص  
اللي بيتهمني والسارق وعد هرد عليكم  
وهنشوف مين اللي غلطان لان انا واثقة في

ربنا انه دائما معايا وهو اللي هيثبت  
الحقيقة ومش خايفة ابدأ لان ربنا معايا  
وعارفة انه هينصرتي وينقذني زي كل مرة  
بحتاج له فيها وهو ابدأ مش بيخذلني اللهم  
لك الحمد ولك الشكر حمدا كثيرا طيبا  
مباركا فيه .

انا حبيت اقول لكم بس علشان حبيت  
اشاركم همي بجد انتوا عائلتي الثانية وشكرا  
جدا لدعمكم شكرا لكم أحبائي

معاقة لكن أعشقها

الحلقة الثامنة

أتمني تعجبكم

Enjoy

الاء فاقت لقت إيد ماسكه إيديها

بصت لقت

الاء: بابا أنت هنا بجد صح

محمود: ايوه يا حبيبتى انا جمبك

الاء: أنت عايش صح أمال ليه بيقولولي أنك

مت

محمود: لا يا حبيبتى أنا جمبك اهو وهفضل

طول الوقت جمبك

الاء: انا بحبك يا بابا أرجوك ما تسبنيش

محمود: ما تخافيش يا حبيبتى مش

هسيبك و لو انا مش موجود ربنا موجود

وهيبتلك اللي هيقف جمبك ويحميكي

من الدنيا وما فيها

الاء: بس انا عايزاك أنت أرجوك ما تسبنيش

محمود:.....



وصلوا هناك وأنس ضامم الاء بإيده وخايف  
عليها ليحصلها إنهييار تاني مش هتقدر  
تستحمل

وقبل ما يدخلوا

أنس: الاء عايزك تبقي قوية اوعي  
تستسلمي اوعي تنهاري

الاء هزت رأسها بمعني ماشي

ودخلوا وشافوا عيلتهم كلها اللي بيعيط  
واللي موجوع ومش قادر يقول اما بقي  
بالنسبة لنهال فهي منزلتش ولا دمعة عليه  
ولا حتي حزينه فقط صامته

الاء ما اهتمتش بحد ودخلت لغرفة  
التغسيل هي وزياد وأنس

الاء شافت محمود وهو نايم صامت كان  
نفسها في اللحظة دي تكون بتحلم او  
بتتخيل بس للأسف ده الواقع

زياد قرب من محمود

زياد: بابا قوم لو بتحبني قوم علشان نلعب  
كورة سوا قوم لو بتحب لولو هي كانت  
هتموت علشانك قوم ارجوك ما تسبناش  
ملناش حد غيرك

أنس مسك زياد وخذته في حضنه

أما بالنسبة ل الاء فهي صامته وأنس  
مستغرب وكان فاكر إنها هتنهار بس كان  
خايف ليكون الهدوء اللي هي فيه يكون  
هدوء ما قبل العاصفة

وراحوا علشان يصلوا عليه ويدفنوه وبعد ما  
خلصوا رجعوا البيت علشان ينصبوا العزاء

بس اتفاجئوا لإن كان في عزاء كبير اوي اوي  
مقام في الشارع

أنس: ايه ده احنا مش طلبنا الحاجة دي مين  
عمل ده كله

مروة: ممكن يكون اخواته ﴿قصدها اعمام  
الاء﴾

أنس: لا ما أظنش

الاء رجعت البيت وما اهتتمتش بحد ودخلت  
اوضتها وقفلت علي نفسها

وبدأت دموعها تنزل بحرية

بعد شوية جت عربية فخمة جدا وكان وراها  
عربية زي عربية حراسة

وائل عم الاء: ايه العربيات دي

عادل: مش عارف احنا من ساعة ما جينا هنا  
وبنشوف حاجات غريبة الصوان ده كله  
والعربيات يا عالم هنشوف ايه تاني

وائل: عندك حق

ووقفت العربية لينزل منها مالك مالك صقر  
المنشاوي

مالك: البقاء لله

وائل: ونعم بالله بس هو حضرتك مين

مالك: مالك صقر المنشاوي

عادل بلع ريقه: ثانية واحدة حضرتك مالك

صقر المنشاوي صاحب شركات صقر

المنشاوي

مالك: بالظبط

وائل: تشرفنا حضرتك اتفضل

بعد لما دخل مالك

عادل لوائل: تفتكر ايه علاقته بمحمود

وائل:مش عارف

ودخل مالك العزا وهو ماشي خبط في حد

أنس: أسف

مالك: أنس

أنس: مالك

مالك: ايه ده بتعمل ايه هنا

أنس:دا عزا جوز اختي أنت اللي بتعمل ايه

هنا

مالك: جاي عزا ابويا

أنس باستغراب: أبوك أبوك مين

مالك: أستاذ محمود أستاذ محمود كان زي  
ابويا تعالي أنا هحكيلك في يوم كنت مضايق  
جدا جدا وكنت بتمشي علي البحر وخبط  
فيه

فلاش باك

مالك بيتمشي علي البحر وكان نفسه يلاقي  
حد يتكلم معاه حد يشكيله همه وهو ماشي  
خبط في حد

مالك: اسف بعذر

محمود: ولا يهملك يا ابني

مالك: ابني الكلمة دي عمري ما سمعتها  
ولا حسيت بيها

محمود: شكلك شايل من الدنيا كتيبيير

مالك: شايل وبس ده انا موجوع ومجروح

وبموت كل لحظه

محمود: يااااا يا ابني شكلك جواك كتيير

مالك: اه اوي ممكن تقعد وتسمعي لو

سمحت

محمود: اكيد انا مستعد اسمعك لحد ما

تتخلص من كل الالام اللي وجعاك

باك

مالك: ومن ساعتها بقيت كل لما ابقي

مجروح او عايز حد اشكيله همي هو كان

بيسمعي وينصحني وياخد بايدي ويقول

قوم لازم تكمل لازم تبقي قوي

أنس: ربنا يرحمه بجد ما كنش فيه زي طيبة

قلبه

مالك: ربنا یرحمه

وفجأة قطع كلامهم صوت صریخ قوي

أنس: ایه ده

مالك: تعالی نشوف

وطلعوا فوق لقوا مروة بتصرخ

أنس: مالك يا مروة فيه ایه

مروة: الاء

وشاورت علیها

مالك وأنس اول ما شافوها اتصدموا

وخصوصا مالك لان هو شافها افتكر ان هي

هي البنت اللي انقذها من تحت اید البنات

اللي كانوا بيضربوها اللي كانت في المسابقة

الاء ماسكة سكينة في ایدها: اللي هيقرب

مني هموته وهموت نفسي

مالك حط ايده في جيبه وبسخرية وهو  
بيقرب منها: ههههههه بجد طب يلا وريني  
شطارتك

أنس: مالك أنت بتقول ايه

مالك: استني بس يا أنس عايز اشوف ازاي  
العصفورة هتموت نفسها

أنس سكت هو عارف صاحبه ذكي وهي يعرف  
يتصرف

الاء: ابعده عني وإلا هموتك واموت نفسي

وفي لحظة مالك شدها من ايديها اللي  
ماسكة بيها السكينة وضغط علي ايديها  
علشان تسيب السكينة وفعلا الاء سببتها  
ومالك اخدها

مالك بسخرية: ايه ده عايزة تموتي نفسك  
بالهبل ده طب كنتي قولتيلي وكنت موتك  
انا بدل الهبل ده

مالك بنبرة شبه عالية: طيب انا مكنتش عايز  
افتح الموضوع ده دلوقتي علشان الظروف  
مش مناسبة بس واضح ان في واحدة هنا  
لازم تعرف أستاذ محمود قبل ما يموت كان  
موصيني علي ولاده الاء وزياد وده حسب  
الوصية اللي كان كتبها

مالك شاور لكريم وكريم طلع الوصية وهما  
اول ما شافوها اتصدموا

الاء: لا لا مستحيل انت عمرك ما هتبقي  
وصي عليا انا ولا زياد انت فاهم انت كداب  
بعدين بابا يعرفك منين علشان يكتبك  
واصي علينا

مالك: الصراحة مش مضطر أني أجاب حد  
دي وصيته وأنا هنفذها واللي عنده مانع  
يخبط رأسه في الحيط

الاء اغمي عليها أول ما سمعت الكلام  
خلاص هي اتحملت صدمات بما فيه الكفاية  
البنات اللي ضربوها موت والدها ودلوقتي  
مالك خلاص فعلا انهارت فعلا قلبها اتحمل  
كتييير تفتكروا هيجي حد يعالج كل الجروح  
دي

أنس ومروة جريوا عليها أنس أخذها أوضتها  
ومالك طلب الدكتور

الدكتور: عندها انهيار عصبي وده نتيجة  
للحوادث والصدمات اللي اتعرضت لها آخر  
فترة موت والدها والبنات اللي اعتدوا عليها  
وكمان فكرة إن حد يبقي واصي عليها أنا  
هكتبلها علي شوية أدوية وياريت تحاولوا

تتكلموا معاها تهزروا أي حاجة تخليها تهدي  
وتنسي كل ده وياريت يا أستاذ مالك بلاش  
حكاية الوصية دي غير لما تهدي وتبقي  
كويسة

أنس: شكرا يا دكتور

الدكتور مشي و مالك خرج شاف العيلة  
كلها متجمعة ومحدث طبعا قادر يتكلم  
معاه هما عارفين مين هو مالك صقر  
المنشاوي

♡♡♡♡♡♡♡♡♡♡♡♡♡♡♡♡

في مكان تاني بعيدا عن العزا والاء ومالك

في إيطاليا وخاصة في مطار روما

أحمد: اهلا اهلا أستاذ معتز قصدي أستاذ

أدهم

□ استوب □

خلصت الحلقة أتمني تكون عجتكم

تفتكروا الاء هتتقبل مالك

وهل مالك هييعد عن الاء زي ما قاله

الدكتور

وأحمد يعرف أدهم منين وليه كان أدهم

مغير أسمه لمعتز

عايزة اعرف رأيكم

وعايزة أقول شابووووو للناس اللي جاوبت

علي سؤال الحلقة اللي فاتت واللي قبلها

وإن شاء الله هنبقي نعمل فكرة الأسئلة دي

كل حلقة لنتناقش مع بعض

وعايزة أقول لكم حاجة كمان عايزة اقول لكم

كل عيييد سعييييد

سنة وانتم طيبين وبصحة وخير وسلامة

وربنا يرزقكم السعادة وراحة البال وتحققوا

♥ كل أحلامكم يارب

شاركوني بتعليقاتكم لأنها بجد بتسعدني مع

السلامة أشوفكم الحلقة القادمة

♥ بقلم: Alaa Mohamed

معاقة لكن أعشقها

الحلقة التاسعة

أتمنى تعجبكم

Enjoy

في مكان تاني بعيدا عن العزا والاء ومالك

في إيطاليا وخاصة في مطار روما

أحمد: اهلا اهلا أستاذ معتز قصدي أستاذ

أدهم

أدهم ﴿معتز﴾: أزيك يا أبو حميد مكنش هاین  
عليك تسأل علي أخوك ولا الفلوس زغللت  
عنيك وخليتك تنسي أقرب الناس

أحمد: لا بس مشاغل الدنيا أنت عارف

أدهم ﴿معتز﴾: مشاغل الدنيا تنسيك أخوك  
برضوا المهم قول لي أنت عرفت إزاي إن  
جاسر و مالك عرفوا وهيخطفوني

أحمد: أنا صحيح بعيد عنك بس عارف  
ومراقب كل حاجة

فلاش باك

أحمد بعد ما خلص وصلة ضربه لنرمين  
بتاعت كل يوم

تليفونه بيرن

أحمد بعصبيه: ألو

جاك: أحمد باشا مالك كشف أستاذ معتز  
وعرف إن خطيبته بتخونه ودلوقتي جاسر  
بعث ناس علشان تخطفه

أحمد بعصبية: ومستني ايه ما تخلهومش  
يخدوه لو حصله حاجه هقتلك سامعني  
هقتلك

جاك: إطمن يا باشا

جاك راح جاب رجالته وكان رجالة جاسر  
وصلوا طبعا واخدوا معتز بس رجالة جاك  
اتهجموا عليهم وضربوهم وخدوا معتز  
وهربوا

بعد قليل

جاك: الو كله تمام يا باشا معتز باشا معنا  
دلوقتي

أحمد: تمام تحجزلوا أول طيارة لروما

جاءك: أوامرك يا باشا

باك

أدهم ﴿معتز﴾: اممم ماشي كتر خيرك بس  
انا مش هقعد هنا كتيبير انا لازم أرجع لازم  
أجيب حقنا لازم اخذ بطاري من صقر  
المنشاوي وابنه مش هسيبهم يعيشوا  
مرتاحين

أحمد: ومين قال لك إن احنا هنسيبهم بس  
الأول لازم نفكر هنعمل ايه بهدوء بدل  
أفكارك الغبية اللي كانت هتودينا في داهية

أدهم: ماشي

♡♡♡♡♡♡♡♡♡♡♡♡♡♡♡♡

عند الاء ومالك

بعد شوية الاء فاقت وافتكرت اللي حصل  
افتكرت مالك والوصية وباباها

قامت وبدأت تصرخ وتكسر كل حاجة مروة  
وأنس وزياذ ومالك دخلوا عندها وشافوا  
الأوضة مقلوبة رأسا علي عقب

مالك بزعيق: ايه ده انتي اتجننتي

الاء: ملكش دعوة بيا ملكش دعوة مفهوم  
انت تعرفني منين اصلا أرجوك أبعد عني  
خالو قول له يبعد عني وملوش دعوة بيا انا  
ولا زياذ أنت ملكش علاقة بينا ولا تخصنا  
أطلع بره

وظلعت بره أوضتها وشافت كريم وسحبت  
منه المسدس وحطته علي دماغها

الاء: أطلع بره وإلا هموت نفسي أنا عمري ما  
هقبل أنك تبقي واصي علينا فاهمني برااااا  
هعد من 1 ل 3 الاقيك اختفيت

مالك كان واقف ثابت والاء بتعد وعند الرقم  
تلاتة الاء كانت هتضرب فعلا بس مالك  
مسك إيديها ورفع المسدس لفوق والطلقة  
جت في السقف

مالك أخذ المسدس من الاء وضربها بالقلم  
والاء وقعت علي الارض من أثر الضربة  
وكمان لأن جسمها ضعيف فوقعت بسهولة

أنس: مالك ايه اللي أنت عملته ده  
ومروة جريت علي الاء اللي واقعة علي  
الارض

مالك: ياريت محدش يتدخل انا عارف بعمل  
ايه واضح إن الأستاذة اتجننت وأنا عارف  
هرجعها لعقلها ازاى مالك نزل في مستوي  
الاء اللي لسه قاعدة علي الارض بتعيط

مالك: أبوكي وصاني عليكي وانا هنفذ  
وصيته ومسمعش كلمة تاني والهبل ده لو  
اتكرر تاني هتشوفي وش مش هيعجبك  
وبنبرة عالية في ظرف دقيقه تلبسي و تكوني  
جاهزة

الاء: رجعت لورا بخوف انا مش عايزة اروح  
معاك في حته

مالك بتوعد: مش هتيجي بمذاحك يبقي  
غصب عنك

الاء بدموع منهاره: قلت لاء خالو قول له مش  
عايزة اروح في حته

أنس: مالك سيبها وهي هتهدي وهتبقي  
كويسة

مالك بغضب وعصبية: عمرها ما هتهدي ولا  
هتبقى كويسة طول ما هي في الحالة دي  
وانا عارف هخرجها منها ازاي

مالك بزعيق: يلا

الاء قامت ولبست ونزلت مع مالك وركبوا  
العربية

♡♡♡♡♡♡♡♡♡♡♡♡♡♡♡♡♡♡

في مكتب جاسر في مركز المخابرات

الباب بيخبط

جاسر: أدخل

سامح صاحب جاسر: فينك يا معلم اللواء  
عاصم قالب عليك الدنيا

جاسر: ايه بتكلم جد ليه هو ايه اللي حصل

سامح: مش عارف بس شكلك عامل

مصيبة

جاسر: مصيبة ليه ده انا حتي غلبان

وبشتغل اهو في حالي

سامح: لا يا شيخ بأمانة الطباط الجداد اللي

كنت بتدربهم وطحتهم فاكر

جاسر: اه دول اصل كنت مضايق شوية فما

لقيتش حد أفرغ غضبي فيه فلقيتهم قدامي

فقلت حلال عليهم

سامح: امممم مضايق شوية وبالنسبة إن

كل ما نجيب لسعاتك سكرتيرة تطردها

جاسر: كلهم وحشين مش بيعجبوني كلهم

مدهونين بويه ﴿بوهيه﴾ وانا عايز واحدة

طبيعية مش جايبة جركن بويه

﴿بوهيه﴾ ده نالي بيه وشها

سامح: وبالنسبة للظابط اللي اتطردتوا

امبارح

جاسر: أصل لقيته واد تافه كده جاي بيقولي

انا هقبض امتي مش لما أقبض أنا الأول

سامح: ده انت ما سبتش حد ما طردتوش

حتي بتاع القهوة ناقص تطردني أنا كمان

جاسر: مين اللي قال لك أنك مش مطرود

يا سيادة الرائد

سامح: انا رايح للواء عاصم ثانية والاقيك

ورايا عندنا اجتماع سامح وهو طالع

سامح: غبي

جاسر: طول عمري يا سمس

□ stop□

الجزء الأول من الحلقة التاسعة خلص  
اتمني ان يكون نال إعجابكم انتظروا الجزء  
الثاني بكرة إن شاء الله

تفتكروا مالك هياخذ الاء فين

يا تري ايه الطار اللي بين أحمد وأدهم وصقر  
ومالك

دي أسئلة الحلقة شاركوني برأيكم  
ما تنسوش تشاركوني بتعليقاتكم لأنها  
بتسعدني جدا وكمان ما تنسوش  
تصوتوا للحلقة

مع السلامة تصبحوا علي ألف خير

Alaa Mohamed      ♥      بقلم:

معاقة لكن اعشقها

الحلقة التاسعة الجزء الثاني

اتمني تعحبكم

Enjoy

الاء ومالك وصلوا لمكان شبه الصحراء

وبعيد شوية كان في بحر

مالك: اتفضلي انزلي

الاء باستغراب: هو إحنا رايعين فين

مالك: أنتي اللي هتروحي

الاء: هروح فين

مالك: شايفة البحر اللي هناك ده عايزك

تروحي عنده وتصرخي بأعلي صوتك

وتطلعي كل حزن كل غضب جواكي

تشتكي لربنا بس بصوت عالي وتقولي كل

حاجة كل اللي نفسك فيه علشان لما

ترجعي مش هقبل الهبل اللي عملتيه  
النهاردة عايزك تبقي إنسانة قوية ما  
تنسيش إن عندك أخ لازم تهتمي بيه و ثانوية  
عامة هتحدد مستقبلك ومسابقة لمواهبك  
منتظراكي

الاء: لاء انا مش عايزة حاجة انا مش عايزة  
ثانوية عامة ولا مسابقة انا عايزاك تسبني في  
حالي تسبني مع ذكريات بابا لو عملت كل  
ده هنساه وهيزعل مني وانا مش هقدر  
ازعله لازم يبقي مرتاح في تربته

مالك: أنتي غبية فاكرة باللي انتي بتعمليه  
ده هيرتاح ولا عمره هيدوق الراحة طول ما  
انتی بتعملي كده فوقي بقي انا هسيبك  
دلوقتي وهرجع كمان شوية وياريت تعملي  
اللي قولته وإلا هخليكي تعمليه بس  
بطريقتي

مالك ركب العربيه ومقدرش يمشي طبعاً  
خاف ليحصلها حاجة فوقف بعيد شوية  
يراقبها هتعمل ايه

الاء بصت للبحر واتمشت لحد عنده وأول ما  
وصلت قعدت علي الشاطئ بتفكر

الاء في نفسها وهي بتبص للسماء: اااااه يا  
ربي أنا بتعذب يارب أنا مش قد البلاء ده  
أرجوك أغثني يا الله ما ليش حد غيرك انا  
وأخويا أرجوك قويني أديني القدرة علشان  
أقدر اواجه اللي جاي أنت عارف إن ماما  
مش مهتمية بينا ومش هتهتم انا مليس حد  
غيرك دلوقتي كن معي يارب العالمين انا  
عارفة إنك هتساعدني زي كل مرة صح انا  
واثقة فيك يارب انت قلت يارب ﴿أَنَا عِنْدَ  
ظَنِّ عَبْدِي بِي، وَأَنَا مَعَهُ إِذَا ذَكَرَنِي، فَإِنْ ذَكَرَنِي



سامح: حضرتك طلبتنا خير

جاسر:وده سؤال تسألہ برضوا يا سامح  
لسيادة اللواء أكيد عايزنا في مهمة جديدة  
عاصم: تعجبني طول عمرك لماح يا جاسر

جاسر: تربية سعادتك يا باشا

عاصم: اسمعوا بقي المهمة الجديدة جالنا  
خبر إن في شحنة أدوية فاسدة هتيجي من  
إيطاليا الشهر اللي جاي والناس اللي هتصدر  
الشحنة بيشتغلوا في كل حاجة تخطر علي  
بالكم سلاح ومخدرات وتجارة أعضاء  
وهيدخلوا شحنة كبيرة من الأدوية الفاسدة  
لمصر وبعض الدول العربية ومهمتكوا إنكم  
هتسافروا إيطاليا وتحاولوا تجيبوا أي  
معلومة عن الناس دي لازم يتم القبض  
عليهم قبل معاد الشحنة دول مش هيموتوا

بلد بحالها دول هيتسببوا في موت نصف  
الوطن العربي لو الشحنة دخلت مصر في  
ناس هتصدرها لدول عربية وده هيسبب  
موت ناس كتير سامعني لازم يتم القبض  
عليهم قبل ما الشحنة توصل

جاسر: بس سيادتك

عاصم قاطعه: عارف يا جاسر أنك مش  
بتحب تاخذ مهمات في إيطاليا بس لو عايز  
تنجح في شغلك لازم تفصل حياتك  
الشخصية عن الشغل سامعني والمهمة  
دي كبيرة وانت عارف كنت بعثت اي حد تاني  
بس مش هينفع لأن المهمة دي كبيرة ولازم  
تنجح مفيش اختيار وانت الأختيار المناسب  
انا بثق فيك متخليش حياتك الشخصية تأثر  
علي شغلك

جاسر: اوامرك



الاء بعد ما اجهدت وتعبت من الصراخ  
قعدت علي الارض تعيط بدموع منهارة

مالك جه وقعد جمبها

مالك: عايزة تعرفي ايه علاقتي بباكي صح  
الاء مردتش عليه بس هو كمل انا هقولك في  
يوم كنت بتمشي علي البحر وكنت مضايق  
جدا جدا كان نفسي في حد اشكيه همي  
اقول له علي الوجع والجروح اللي جوايا  
وفجأة وانا ماشي خبطت في بباكي وطلبت  
منه يسمعني يسمع وجعي وهو مرفض  
ابدا وسمعني ونصحني وفضلت كل لما  
أكون مضايق او مهموم ارواح اشكيه اعتبرني  
زي ابنه كان بيخفف عني حاجات كتبيير  
اوي انا اعرف بباكي من خمس سنين قبل  
ما يبقي ليا أسم ومكانة قبل ما أبقى مالك

صقر المنشاوي بتاع النهاردة اللي الناس  
كلها بتحترمه وتقدره وبتعمله ألف حساب  
تقدرني تقولي انه هو اللي عمل الإنسان اللي  
واقف قدامك ده قبل ما اعرفه كنت إنسان  
فاشل ضايع ملوش لازمه الناس كلها بتهينه  
ومش بتحترمه هو اللي خلي الناس  
تحترمني وتقدرني وتعملي حساب خلاني  
راجل بجد وهو كان بيحبني اوي شايقة  
الكوخ اللي هناك ده

الاء بصت علي الكوخ اللي مالك بيشاور  
عليه وكان عبارة عن كوخ مبني من خشب  
وهزت رأسها بمعني ايوه

مالك: الكوخ ده كنا بنتجمع فيه انا ووالدك  
يوم واحد في الأسبوع كنا בניجي هنا ونتكلم  
واشكيله همي وينصحني وكان بيحكيلي  
عنك وعن زياد كان بيقول لي قد ايه انتي

هادية وذكية وشاطرة في دراستك وقد ايه  
بتحبي أخوكي زياد وكان بيقولي انه كان  
عارف إن نهال بتعاملك وحش بس انتي  
كنتي بتستحملي علشان مش تزعليه وكان  
بيحكيلي قد ايه زياد مشاغب وبيتعبك بس  
انتي بتستحمليه وانا كنت بحكيه عني وعن  
اختي نرمين وعن ياسمين وصقر باشا وماما  
كريمة وكنت كل صفقة في الشغل كنت  
بختار اوافق عليها ولا لا كنت بروح عنده  
واقول له وهو دايم بيختار الاختيار الصحيح  
وينصحني النصيحة المناسبة وعمر نصيحته  
ما خيبت الله يرحمه

الاء كانت مع كل كلمة بتسمعها كانت بتنزل  
معاها بحر من الدموع

الاء: أمين يارب

مالك: أظن كفاية كده يلا بينا علشان محدش

يقلق علينا

مالك والاء ركبوا العربية ومالك وصل الاء

لحد بيتها ومشى

الاء وصلت البيت وأول ما دخلت مروة

حضنتها جامد

مروة: الاء انتي كويسة

الاء هزت رأسها بمعني ايوه

مروة: طيب تعالي تعالي اقعدى

الاء: انا عايزة انام

مروة: طيب يا حبيبتي ادخلي نامى وانا

هعمل اكل واصحىكي

الاء وهي رايحة اوضتها بصت علي أوضة

زياد ودخلت عنده لقيته نايم والدموع علي

خده مسحت دموعه وباسته من رأسه  
وغيرت هدومها ونامت جمبه واخذته في  
حضنها علشان يحس بالأمان هو كمان  
اتعرض لصدمات مش اقل منها في حاجة  
وناموا ودموعهم علي خدهم وخايفيين من  
القادم

□ stop□

خلصت حلقة النهاردة اتمني تكون نالت  
إعجابكم

يا تري ايه الأمر الشخصي اللي يخص جاسر  
في إيطاليا وليه مش بياخذ مهمات في إيطاليا

يا تري ايه القادم من حياة الاء يا تري الدنيا  
هتفأجاها بياه تاني

ويا تري هتتقبل مالك مع الوقت

دي أسئلة حلقة النهاردة شاركوني برأيكم  
ما تنسوش تصوتوا★ للحلقة يا حلوين

مع السلامة ♥♥♥

بقلم: Alaa Mohamed

معاقة لكن أعشقها

الحلقة العاشرة

أتمني تعجبكم

Enjoy

في الصباح بعد أسبوعين عدي علي كل  
أبطالنا العزاء خلص مالك طبعا بيجي كل  
يوم يطمن عليهم وساعات ييطمن عليهم  
من التليفون من أنس لما بيكون مشغول

الاء مش راحت المدرسة من ساعة وفاة  
والدها ولا هي ولا زياد

مروة دخلت علشان تصحي الاء وزياد كانوا  
لسه نايمين

مروة: الاء زياد اصحوا يلا علشان تظفروا يلا  
الاء: لا يا خالتو انا مليش نفس

زياد: ولا أنا طالما لولو مش هتاكل أنا كمان  
مش هاكل

الاء: لا يا حبيبي روح كل انا مليش نفس لازم  
ألبس علشان فريدة مستناني علشان مش  
اتأخر علي المدرسة

مروة بفرحة: أخيرا هتروحي المدرسة ايوه  
كده يا حبيبتني لازم تفوقي لمستقبلك كده  
محمود هيبيقي مرتاح وهو شايفك بتهتمي  
بحياتك ومستقبلك يا روعي

الاء وزیاد: ربنا یرحمه

مروة: أمین یارب

الاء: طیب یا خالتو انا هروح ألبس بسرعة  
علشان ما اتأخرش علي فريدة وأنت یا  
أستاذ زیاد تفطر وتلبس وتروح المدرسة  
كفايا غیاب

زیاد: حاضر

الاء: خالتو هي ماما ما سألتش علينا

مروة : الصراحة یا حبيبتي مامتك سافرت  
عند أهلنا فی البلد قالت إن أعصابها متوترة  
وعايزة تروح تقعد هناك شوية وكام يوم  
وهتیجي

الاء بیأس: اممم ماشي یا خالتو یلا انا  
هروح ألبس

الاء لبست ونزلت علشان تعدي علي فريدة  
علشان يروحوا المدرسة بس أول ما نزلت  
شافت عربية مالك بس مشيت وعملت  
نفسها مش أخذت بالها

مالك وهو ماشي جمب الاء بعربيته: الاااا

الاء: أفندم

مالك: أركبي هوصلك المدرسة

الاء: لا شكرا حضرتك

مالك: قلت أركبي

الاء: قلت لاء هروح لوحدي

مالك: هتركبي بمذاجك ولا غصب عنك

الاء: ولا ده ولا ده

مالك وقف العربية ونزل ومسك ايدها  
وشدها وركبها العربية وقفل الباب علشان  
ما تنزلش ولف علشان يركب

مالك: انا محدش يقول لي لاء

الاء بصتله بضيق وطلعت تليفونها تتصل  
بفريدة

الاء: الو ايوه يا فريدة

فريدة: ايوه يا الاء أتأخرتي ليه

الاء: أسفة كنت هعدي عليكى بس في ناس  
الله يسامحهم قطعوا طريقي وهيوصلوني  
غصب

فريدة بمكر: الناس دول اللي هما مالك صح

الاء: اممم روجي انتي ونبقي نتقابل في  
المدرسة

فريدة: أوك سلام

الاء قفلت

الاء وهي بتوجه كلامها لمالك: لو سمحت  
ياريت اللي حصل الأسبوعين اللي فاتوا  
مش يتكرر ثاني

مالك: امممم اللي هو ايه

الاء: أولا أنك تأمرني أعمل حاجة انا مش  
عايزها ثانيا ممنوع إنك تمد إيدك عليا أنا  
مش صغيرة والقلم اللي اخدته مش هنساه  
ثالثا ممنوع تمسك إيدي ثاني أو تشلني  
ياريت تلتزم الحدود اللي بينا انا محترماك  
بس علشان وصية بابا غير كده كنت هقتلك

مالك: اممم ماشي بس هو سيادتك

بتحترمي الحدود دي اولاً انتي عليتي صوتك  
عليا أكثر من مرة وانا سكت كتبير ياريت زي

ما انا هحترم الحدود اللي بينا تحترميها كمان  
اه وحاجة كمان من النهاردة مش هتروحي  
المدرسة لوحك تاني انا هاجي أوصلك  
وهروحك أو هبعثلك السواق  
الاء: بس أنا مش بروح لوحدي بروح مع  
فريدة

مالك: ولا حتي فريدة هي كلمة واحدة انا  
اللي هوصلك او هبعثلك السواق ولو كلامي  
ما اتنفذش هتشوفي وش مش هيعجبك

الاء: والكلام ده عليا لوحدي

مالك: بعث لزياد سواق كنت هبعثلك بس  
عارف دماغك ناشفة قلت اجي اقول لك  
بطريقتي

الاء: انت ليه بتمشي كلامك عليا انا حرة  
اعمل اللي انا عايزاه

مالك طلع مسدسه ووجه ناحيتها : كلمة  
تاني هتلاقي رصاصة في نفوخك

الاء:

مالك: كان في واحدة قاعدة هنا من شوية  
بتديني درس في الأخلاق فينها مش شايفها

الاء: انا حرة

مالك: اتفضلي انزلي وحذاري تمشي قبل ما  
اجي او ابعتلك حد

الاء بهمس: همشي

مالك: بتقولي حاجة

الاء: بقول هستني حضرتك بس ياريت  
متأخرش

الاء نزلت وقابلت فريدة علي الباب ودخلوا  
المدرسة

♡♡♡♡♡♡♡♡♡♡♡♡♡♡♡♡♡♡

مالك وصل الاء وراح الشركة

في مكتب مالك الباب بيخبط

مالك: أدخل

إيمان: أستاذ مالك في ناس مستنية حضرتك

برا

مالك: مين

إيمان: بيقولوا إنهم تبع أستاذ محمود

مالك: خليههم يدخلوا

إيمان طلعت برا علشان تناديهم

إيمان: اتفضلوا مالك بيه في انتظاركم

مالك: اهلا اتفضلوا

وائل: احنا اخوات محمود قابلنا حضرتك في

العزا

مالك: اه اهلا وسهلا خير

عادل: احنا عايزين الوصية بتاعت محمود

اللي سبهالك

مالك: ليه خير حضرتكم شفتوها قبل كده

وائل: ايوه بس انت قلت إن الاء وزياد أنت

واصي عليهم يعني قلت جزء منها لكن باقي

الوصية لسه محدش يعرفه

مالك: وده يخصكم في ايه

عادل: إلا يخلصنا احنا عايزين الوصية كلها

مش يمكن مخبي حاجة كده ولا كده انت

هتبقني واصي علي عيالنا وعايزين نضمن

عليهم ما مش كل حد يجي يقول انا واصي

علي الاء وزياد نديهم له لازم محامي يشوفها

ويأكد انها صحيحة

مالك: امممم بصوا بقي انا مبحبش اللف

والدوران انتوا عايزين تعرفوا الورث قد ايه

صح مش عايزين تطمنوا عن الاء وزياد زي

ما بتقولوا

وائل: ما أسمح لكش محمود أخونا وعمرنا

ما نفكر فيه كده ابدا

مالك قاعد بتكبر: امممم بجد بأمانة لما كان

عايش كنتوا بتتخانقوا معاه علي الأرض

والبيت اللي ملكه ولا كلامي غلط عمنا انا

كنت هاجي وهجيب المحامي علشان نفتح

بقيت الوصية ونقرأها كاملة بس كنت

مستني الأمور تهدي بس خلاص بكرة إن

شاء الله هنفتحها علشان كل واحد يحط

جزمة في بوقه اتفضلوا مع السلامة وقتكم

خلص

عادل ووائل مشيوا وكانوا متعصبين جدا

وعرفوا إن مالك مش سهل

♡♡♡♡♡♡♡♡♡♡♡♡♡♡♡♡♡♡

الجرس رن جه معاد الخروج الاء ما شفتش

عربية مالك ولا هو فحمدت ربنا واستغلت

الفرصة وجريت وهي بتجري خبطت فحد

الاء: اوه معلش أسفة

.....

♡♡♡♡♡♡♡♡♡♡♡♡♡♡♡♡♡♡

في إيطاليا

جاسر كان ماسك صورة في إيده ويببصلها

وبيتأمل الصورة وجه سامح قطع تفكيره

سامح: جاسر

جاسر: ايه في اخبار جديدة

سامح: ايوه جات لنا معلومات إنهم  
هيجتمعوا مع الناس اللي هتصدر البضاعة  
مصر هيجمعوا النهاردة في الNight club  
﴿نادي ليلي﴾ أظن دي فرصتنا

جاسر: أكيد

في المساء

جاسر وسامح لبسوا لبس كلاسيك وراحوا  
الNight club

جاسر وسامح كان بيراقبوا كل المكان  
وبعد شوية دخل ناس ومعاهم حراسة  
وقعدوا علي طربييزة

سامح وجاسر بحكم شغلهم بيعرفوا يقرأو  
حركات الشفايف ويعرفوا هما بيقولوا ايه

أحمد: اهلا فاليريو ﴿اسم إيطالي﴾

فاليريو: اهلا أين زعيمك

أحمد: إنه مشغول قليلا إن ابنته مريضة

فاليريو: وصل له تحياتي

أحمد: بالتأكيد أعرفك إنه أخي أدهم

فاليريو: تشرفت بمعرفتك

أدهم أبتسم وسلم فقط

أحمد: أعتذر إنه لا يجيد الإيطالية

فاليريو: أجل تفضلوا

فاليريو: إن شحنة الأدوية سوف تصل في  
المعاد المقرر بعد أسبوعين هل قمتم  
بتجهيز أموالى

أحمد: نعم ستصل إىلك دفعة الأسبوع  
القادم ودفعة وقت التسلىم

فاليريو: حسنا سنتقابل الأسبوع القادم إذن

أحمد: بالتأكىد

فاليريو: إى اللقاء أراك لاحقاً

بعد ما مشى فاليريو

سامح: جاسر لازم نوصل المعلومات مصر

جاسر:.....

سامح: جاسر

جاسر: اممم اىوه فى ايه

سامح: أنت اللي في ايه مالك

جاسر: مش عارف بس حاسس إن اللي  
أسمهم أحمد وأدهم دول شفتهم قبل كده

سامح: شفتهم فين يعني

جاسر: مش عارف بس ليه لما كنا بندرس  
المعلومات عن العصابة مجاش أي ذكر ل  
اللي اسمه أدهم ده

سامح: مش عارف ممكن كان مسافر ولسه  
جاي بدليل إن فاليريو ميعرفهوش

جاسر: مفيش حاجة اسمها ممكن احنا لازم  
نجمع معلومات عن أدهم وأحمد في أقرب  
وقت شكلهم وراهم قصة كبيرة لازم اعرفها

سامح: أكيد هنعرف



إيمان سكرتيرة مالك خلصت شغل ونزلت

علشان تشوف عربية توصلها

إيمان كانت بتعدي الشارع وفي نفس الوقت

كانت بتحط المفاتيح بتاعتها في الشنطة وفي

اعتقادها إن الشارع ما فيهوش حد في نفس

الوقت كان في واحد راكب عربية وماشي

بسرعة هائلة ومعلي المزيكا

وفي لحظة واحدة إيمان طارت في الهوا

ووقعت علي الأرض

□ stop□

بعتذر الحلقة خلصت عارفة قصيرة بس

أسفة ما لحقتش أكتب تاني أعذروني إن شاء

الله المرة الجاية هتبقي طويلة زي ما أنتم

عايزين يا حلوين

تفتكروا الاء خبطت في مين

تفتكروا اللي خبط إيمان هينقذها ولا  
تفتكروا جاسر هيعمل ايه لما يعرف حقيقة  
أحمد وأدهم وصورة مين اللي كان ماسكها

توقعاتكم بليبيز

شاركوني برأيكم سواء تشجيع أو نقد

ايه رأيكم في حلقة النهاردة حلوة ولا لا

عايزة اعرف رأيكم وشكرا علي تعليقاتكم

العسل بجد بتسعدني جدا جدا

حاجة كمان ممكن تصوتوا للحلقة ☆ فضلا

ليس أمرا لو سمحتوا

شكرا ليكم أحبائي

معاقة لكن اعشقها

بقلم: Alaa Mohamed

معاقة لكن أعشقها

الحلقة الحادية عشر

أتمني تعجبكم

Enjoy

إيمان سكرتيرة مالك خلصت شغل ونزلت  
علشان تشوف عربية توصلها

إيمان كانت بتعدي الشارع وفي نفس الوقت  
كانت بتحط المفاتيح بتاعتها في الشنطة وفي  
اعتقادها إن الشارع ما في هوش حد في نفس  
الوقت كان في واحد راكب عربية وماشي  
بسرعة هائلة ومعلي المزيكا

وفي لحظة واحدة إيمان طارت في هوا  
ووقعت

والراجل اللي كان ماشي بالعربية أول ما  
خطها بص وراه ولقاها مرمية علي الأرض  
وبتنزف راح مشي بسرعة بالعربية قبل ما  
حد يشوفه وسابها مرمية في الشارع بتموت  
بعد شوية جت عربية شافت إيمان مرمية  
علي الأرض نزل الراجل اللي في العربية  
وجري عندها علشان يشوفها

أدم وهو بيضربها علي وشها بخفة بيحاول  
يفوقها:يا أنسة

أدم وهو بيشفو نبضها: الحمد لله لسه  
عايشة لازم اخدها المستشفى

أدم شال إيمان من علي الأرض وركبها  
العربية وراح المستشفى بسرعة

في المستشفى

أدم دخل المستشفى

أدم بنبرة عالية : حد يجيب سرير بسرعة

الممرضة: حاضر يا دكتور أدم

﴿أدم دكتور جراحة عنده 30 سنة هو أكبر  
أخواته عنده أخته جنة وفي كلية صيدلة في  
سنة تانية وأخوه محمد في اولي ثانوي أدم  
عايش مع والده ووالدته وأخواته﴾

أدم: علقوا لها محلول بسرعة قعبال ما اغير

هدومي وشوفي معاها اي رقم او عنوان و

اتصلي بأهلها بسرعة

الممرضة: حاضر يا دكتور

الممرضة فتحت شنطة إيمان واتصلت

بأخوها حسام

حسام وصل المستشفى وقابل دكتور أدم

حسام: دكتور انا اخو البنت اللي جوا هي  
حصلها ايه

أدم: اتفضل اقعد وانا فهمك

حسام قعد وبيستمع لأدم بانتباه

أدم: انا دكتور ادم الصراحة انا كنت ماشي  
بعربيتي علي الطريق ولقيت أخت حضرتك  
مرمية علي الأرض من الواضح إن في حد  
ضربها بالعربية ومشى والضربة كانت جمدة  
وده أدي إلي نزيف في المخ وكسور في  
جسمها ولازم نعملها عمليه فورا

حسام: اعمل اللازم يا دكتور وانا تحت أمرك  
في أي تكاليف

أدم: ماشي توكلنا علي الله

♡♡♡♡♡♡♡♡♡♡♡♡♡♡♡♡

في المساء

الاء قاعدة في أوضاعها وبتعيط

مروة:خلاص يا حبيبتي أهدي

الاء بدموع منهارة:أهدي ازاي بس يا خالتو

بعد لما هزقني قدام صحابي والمدرسين

مين سمح له يعمل كده

مروة:أهدي طيب وأحكي لي ايه اللي حصل

الاء فلاش باك

الاء وهي بتجري قبل ما مالك يجي

ويشوفها خبطت في حد

الاء:اوه أسفة معلش

حسن:ولا يهملك بس أنتي بتجري كده ليه

الاء:معلش عن إذتك لازم امشي

حسن استني تحبي أوصلك

الاء:لا شكرا

حسن مسك إيدها :استني بس

وقبل ما الاء ترد اخذ بوكس في وشه

حسن وقع علي الأرض والاء اتخضت

مالك وهو مستمر في ضربه :أنت ازاي تتجرأ

تمسك إيدها

حسن:وانت مالك

مالك لكمه بوكس في وشه : انا هوريك انا

مالي ازاي

حسن بعد ما خلاص عضمه اتكسر تقريبا

حسن:كح كح خلاص مش قادر أرجوك

سبني

الاء بدموع:أرجوك سيبه يمشي هيموت في

إيدك

مالك سابه ومسك إيد الاء بعنف

مالك:ياريت مسمعش صوتك انا قلت ايه  
ها قلت ايه مش انا قلتلك لو خرجتي من  
المدرسة قبل ما اجي مش هيحصل كويس  
قلت ولا ما قلتش

الاء:انا حرة اعمل اللي انا عايزاه ياريت  
ملكش دعوة بيا

مالك:لا ليا دعوة ولو كلامي ما اتنفذش وعد  
هتشوفي وش مش هيعجبك اتفضلي  
قدامي علي العريية يلاااا

الاء:لا مش هتفضل وهروح لوحدي واللي  
عندك اعمله

مالك خلاص جاب اخره

الاء وهي جاية تمشي مالك شدها من إيدها  
ورفعها علي كتفه

الاء لسه متنحة من الصدمة ودموع

الاء: ممكن تنزلي لو سمحت مش هعمل

كده تاني وعد صحابي هيقولوا ايه

والمدرسين بيتفرجوا علينا ارجوك نزلي

مالك: مفكرتيش ليه في كده قبل ما تتحديني

مالك ركبها العربية ومشيا ووصلها البيت

ومشي

باك

الاء بعياط: شفتي يا خالتو حرجني قدام

صحابي والمدرسين خلي سمعتي زي الزفت

مروة: خلاص يا حبيبتني أهدي أنا هكلم خالك

واخليه يكلمه إنه ما يعاملكيش كده تاني

خلاص

زياد:ايوه يا خالتو انا مش فاهم ازاي يعمل

كده انا كنت فاكراه طيب

الاء بسخرية:طيب انت اللي طيب خلاص

روحوا دلوقتي عايزة انام ومحدث يصحيني

الصبح مش هروح المدرسة

مروة:علي راحتك يا حبيبتي تصبحي علي

خير

الاء:وأنتي من أهله

♡♡♡♡♡♡♡♡♡♡♡♡♡♡♡♡♡♡

في المستشفى

إيمان دخلت أوضة العمليات وحسام أخوها

مستنيها بره واتصل بوالده ووالدته علشان

يجوا

سماح وإبراهيم والده ووالدته وهما جاينين

جري

سماح بدموع:حسام ايه يا بني ايه اللي

حصل لأختك مالها

حسام:ما تخافيش يا أمي تعالي اقعدي وانا

هحكيك

سماح وإبراهيم قعدوا ويستمعوا لحسام

بانتباه

حسام: إيمان وهي مروحة في عربية خبطتها

وعملت حادثة وفي دكتور من المستشفى

جابها هنا وهي دلوقتي في العمليات

إبراهيم:ااه يا بنتي يارب نجيتها يارب دي

قلبها أبيض وعمرها ما اتمنت الشر لحد

يارب نجيتها يارب

حسام:أهدي يا حج إن شاء الله هتقوم

وتبقي كويسة

سماح: اتصل يا ابني بأخوك حسن شوفه

فين

حسام: اتصلت بيه بس تليفونه مقفول

تلاقيه مشغول وتليفونه فصل

بعد شوية دكتور آدم طلع من أوضة

العمليات

حسام وسماح وإبراهيم جريوا عليه

إبراهيم والد إيمان: قول لي يا دكتور ايه اخبار

إيمان انا والدها

آدم : الحمد لله الأنسة إيمان كويسة قدرنا

نوقف النزيف اللي حصل في المخ بس

حسام: بس بس ايه يا دكتور

آدم: للأسف الحادثة اللي اتعرضت لها أستاذة

إيمان سببت لها كسور في رجلها وركبتها

وللأسف لأننا ما عالجنهاش في الوقت  
المناسب فأثر جدا علي المفاصل وحركتها  
وده للأسف سبب لها عجز وإعاقة في رجلها  
سماح:يعني ايه بنتي مش هتمشي علي  
رجلها تاني يا دكتور

أدم:احنا هنعمل اللي علينا والباقي علي ربنا  
ادعولها

سماح:اه يا بنتي يارب قومها بالسلامة  
وتقدر تمشي علي رجلها يارب

♡♡♡♡♡♡♡♡♡♡♡♡♡♡♡♡

أنس بيكلم مالك في التليفون

مالك:الو

أنس:ايوه يا مالك تقدر تقول لي ايه اللي أنت  
عملته النهاردة ده

مالك باستفهام: عملت ايه

أنس: مالك مش عليه انا فاهمك كويس ليه  
عملت كده مع الاء

مالك: ااه هي شكت لكم

أنس: وما تشكيش ليه مش احنا اهلها مالك  
انت اخرجتها قدام صحابها والمدرسين  
يقولوا عليها ايه دلوقتي لما يسألوها مين ده  
تقدر تقول لي ها

مالك: ما يخصنيش عايزني كنت اعمل ايه  
يعني وانا شايف واحد ماسك إيدها في نص  
الشارع ها انت لو مكاني مش كنت هتعمل  
كده

أنس: لا ما كنتش هعمل كده في حاجة اسمها  
عقل كنت هفكر بيه مش أنت بتفكر بإيدك  
غبي

مالك: لم لسانك إنت عارف لو أنت قصادي

كنت دفتك مكانك بعد الكلمة دي

أنس: يارب الصبر من عندك علي البني آدم

ده عمما كنت هقولك الاء مش رايحة

المدرسة بكرة ما تعديش عليها وبعد كده

مش هتوديه تاني حتي لو رايحة انا هوديه

بعد كده ولو مسافر مروة هتوديه خلاص

مالك بعصبية: يعني ايه مش رايحة قول لها

الساعة سبعة الصبح تكون جاهزة وإلا

هيكون ليا معاها تصرف تاني

أنس: يا دي النيلة يا أبني أهدي ده احنا أهلها

ومش بنعاملها كده مش عارف كان فين

عقل محمود لما كتبك واصي عليهم

وبعدين هتروح ازاي يعني ولما تشوف

صحابها والمدرسين ويسألوها عليك تقولهم

ايه أختي مثلا

مالك :قسما عظاما هاجي أدبحك قولها  
تجهز بكرة ومفيش حاجة اسمها أنت توديتها  
أنا الواصي عليها وهوديتها وهجبها وقول لها  
لو كلامي ما اتنفذش هتشوف وشي الثاني  
أنس:هو بعد اللي حصل ده كله ولسه ما  
شافتهوش مالك هي نقطة في آخر السطر  
سيبها تريح يومين وبعدين ربنا يسهل سلام

مالك رمي التليفون ونام علي السرير

مالك وهو بي فكر في اللي حصل النهاردة  
ويكلم نفسه:ااااه يا ربي انا ازاي عملت كده  
وليه اصلا ما عادي يعني وبعدين انا واصي  
بس يعني ما ليش اتحكم فيها بالشكل ده  
طب انا ليه اضايقت كده لما شفته ماسك  
إيدها ليه طب انا ليه عملت كده علشان  
واصي عليها ولا في حاجة تانية لا مالك اهدي  
كده وأرجع لعقلك إنت لازم تتصرف بعقل

وبعدين كان فين إحساسك وقلبك وهي  
بتترجك من امتي وانت كده بتتصرف بجنان  
لا انا لازم أرجع لعقلي

مالك نفص الأفكار دي من دماغه ونام نوم  
عميق

♡♡♡♡♡♡♡♡♡♡♡♡♡♡♡♡

في المستشفى إيمان خرجت من أوضة  
العمليات

أدم: الحمد لله الأنسة إيمان بقت كويسة بس  
للأسف ما عرفناش نعمل حاجة للعجز اللي  
حصل في رجلها

إبراهيم: ايه الكلام ده يا دكتور

سماح: انا يا بنتي ده انتي لسه في عز  
شبابك هتستحملي ازاي بس

حسام: طب ما فيش حل يا دكتور

أدم:للأسف لاء الحل عند ربنا أدعولها

اه صح نسيت كنت عايضة اقول لكم ياريت  
لو سمحتم لما تصحي محدش يقول لها أبدا  
إن رجلها حصلها حاجة قولوا لها إن فيها  
كسر مش أكثر علشان لو قلتوا لها ممكن  
جدا حالتها النفسية تتأثر وده هياثر علي  
العلاج فياريت لو تأجلوا الموضوع ده لحد ما  
تخف

حسام:ماشي يا دكتور شكرا لحضرتك لو  
حضرتك مكنتش أنقذتها ما حدش يعرف  
كان حصلها ايه أكثر من كده شكرا ليك

أدم:العفو ده واجبي

♡♡♡♡♡♡♡♡♡♡♡♡♡♡♡♡♡♡

في إيطاليا

جاسر مصدوم: لا لا مش ممكن

سامح: في ايه يا جاسر أنت تعرفها

جاسر: أنت متأكد إن دي مراته

سامح: ايوه متأكد

جاسر: لا لا مستحيل أنت عارف دي مين دي

نرمين صقر المنشاوي أخت مالك

سامح: بنت رجل الأعمال صقر المنشاوي

بس ازاي دي اسمها يماني سليم ازاي يعني

هتبقى نرمين ممكن واحدة شبهها ولا حاجة

جاسر: لا أنا متأكد إحساسي عمره ما هيكذب

أكيد غير لها أسمها

سامح: شغلنا ما فيش حاجة فيه اسمها

أحساس يا إما أدلة واقعية أو لاء

جاسر: عندك حق انا لازم يبقي عندي دليل

سامح: انا طالع أوضتي تصبح علي خير

جاسر:وأنت من أهله

بعد ما سامح طلع جاسر مسك موبايله  
وأتصل بمالك

مالك بنعاس: الو

جاسر:الو ايوه يا مالك

مالك:ايوه يا زفت في حد يكلم حد دلوقتي

جاسر:مالك اسمعني بس

مالك حس انا في حاجة لأن جاسر بيتكلم  
بنبرة جادة: في ايه

جاسر:هي نرمين بعنتلك صور قبل كده  
لولادها

مالك:ايوه معايا صورهم نرمين كانت بعنتهم  
لي قبل كده

جاسر:ابعتهم لي بسرعة لو سمحت

مالك: ماشي بس في ايه

جاسر: هبقي اقولك بعدين ابعتهم بسرعة

جاسر قفل ومالك بعته الصور وأول لما

شافهم اتصدم

واتصل بكريم مساعد مالك

كريم: الو

جاسر: الو ايوه يا كريم كنت عايزك في خدمة

كريم: تحت أمرك

جاسر: فاكر الواد اللي اسمه معتز

كريم: ايوه فاكره ماله

جاسر: عايزك تجبلي صورة ليه بس من غير

ما مالك يعرف

كريم:أوامرك بكرة الصبح الصورة هتكون

عندك

جاسر قفل التليفون

جاسر وهو ماسك صورة نرمين: يا تري انتي

عايشة ازاي دلوقتي يا تري شكلك اتغير ولا

لسه زي ما أنتي انا خمس سنين وانا

بتعذب كل يوم قلبي بيتعذب ويتوجع في

بعدك عمر عيني ما شافت واحدة في

جمالك ورقتك وقلبي عمره ما دق غير ليكي

وعشانك من بعد ما رحتي وقلبي مات

بيدق بس لكن هو ميت بعد ما سبتيه انا

عايش من غير روح اخدي روح وقلبي

ومشيتي قلت هنسكي بس ما اقدرتش

ارجعيلي أرجوكي ارجعيلي يا جميلتي .

□ Stop□

انا بقول نختم البارث بالكلام الحلو ده يا

جاسر

الحلقة خلصت اتمني تكون نالت إعجابكم

تفتكروا نرمين لما تعرف اللي حصلها

هتتقبل الموضوع ولا لا

تفتكروا مالك من حقه إنه يتحكم في الاء

بالشكل ده

تفتكروا ايه اللي هيحصل بعد كده في حياة

أبطالنا

شاركوني برأيكم يا حلوين

وشكرا جدا جدا علي تعليقاتكم العسل بجد

بتسعدني جدا جدا اتمني تكتبوا لي

تعليقاتكم عالطول يا حلوين ما تتخيلوش

تعليقاتكم بتشجعني قد ايه شكرا ليكم

ما تنسوش التصويت للحلقة ★ فضلا ليس  
أمر

مع السلامة أراكم الحلقة القادمة

معاقة لكن اعشقها

بقلم: Alaa Mohamed

أسفة أسفة بعذر أحبائي علي التأخير بس  
عندي مسابقة القاء بحضر لها حاليا  
فمعنديش وقت كفاية أني أكتب حاجة أسفة  
بعذر بس بجد مشغولة جدا جدا الفترة دي  
أتمني تعذروني

معاقة لكن اعشقها

الحلقة الحادية عشر

اتمني تعجبكم

Enjoy

في الصباح

في المستشفى

دكتور آدم دخل غرفة إيمان علشان يشوف

حالتها ويظمن عليها

وبعد ما خلص كشف فضل قاعد يتأمل

براءتها وجمالها

آدم في نفسه: انتي طلعتيلي منين يا تري ليه

القدر حطك في طريقي ايه هدفه يا تري انتي

قوية وهتستحملي الصدمة لما تعرفي بس

ملاحك بتقول أنك مش هتستحملي

وهتضعفي وهتنهاري بس انا مستحيل

أسمح لكده مستحيل أنتي هتبقي قوية

ماشى وانا هفضل معاكي لحد ما تقدرى

تستوعبي كده يا تري ليه قلبي بيدق

بعنف كده أول ما بشوفك ليه

إيمان ابتدت تفوق وبصت حاوليها

إيمان:ايه ده انا فين

أدم قام وقف بسرعة:حمد الله علي السلامة

يا أنسة إيمان

إيمان:انا فين

أدم:حضرتك في المستشفى

إيمان:ليه هو ايه اللي حصل انا اخر حاجة

فاكراها إني كنت بعدي الشارع وبحط

المفاتيح في الشنطة وبعدين محستش

بحاجة

أدم :حضرتك عملتي حادثة علي الطريق

ونقلناكي المستشفى

إيمان بدموع:ايه حادثة

أدم:ما تخافيش أنتي كويسة الحمد لله

إيمان:طب فين عايلتي أكيد لسه  
مايعرفوش حد أتصل بيهم

أدم بابتسامة:عيلة حضرتك كانت كلها هنا  
امبارح وراحوا يجيبولك حاجات وأخو  
حضرتك برا حاليا

إيمان براحة:طب ممكن تناديه من فضلك  
أدم:اه أكيد حاضر

أدم طلع ونادي علي حسام

وحسام فرح جدا ودخل لأخته بسرعة

حسام بابتسامة:حمد الله علي السلامة كده  
تشغلي بالي عليكي انا وماما وبابا نعمل ايه  
لو كان حصلك حاجة دلوقتي

إيمان:عادي كنتم هتتراحوا مني ومن  
صداعي

حسام:اوعي تقولي كده لو حصلك حاجة  
كنت هناكف مع مين يعني مين اللي  
هشكيله همومي لما أكون مهموم مين مين  
اللي هشكيله وجعي مين مش بيخليني  
اتفرج علي الماتش علشان يتفرج علي  
السنافر مين بيزعل مني لما ادخل البيت  
من غير شوكلاتة مين هيكويلي هدومي  
مين هيروق أوضتي مين هيعمل كل ده  
قوليلي

إيمان بغضب كالأطفال:يعني بتحبني  
علشان مصلحتك

حسام:انا مين قال كده انا برئ يا باشا  
إيمان:برئ ماشي يا عم البرئ ماما وبابا  
فين وهطلع امتي من هنا انا زهقت  
حسام:زهقتي من يوم

إيمان: أنت عارفتي بكره المستشفيات

بكرهااااا

حسام: خلاص عرفنا عمنا لسه الدكتور ما

قال علي خروج لما يقول تبقي تخرجي

إيمان: لسه هستني الدكتور و بعدين انا

كويسة اهو

حسام: كويسة فين ده انتي متجيسة من

اولك لأخرك

إيمان: مليش دعوة عايزة أخرج

وفي اللحظة دي دخل والد ووالدة إيمان

سماح: إيمان حبيبتني أنتي كويسة في حاجة

بتوجعك ورجلك ..

حسام اتكلم قبل ما سماح تغلط وتقول  
لإيمان حاجة: ما هي يا ماما كويسة قدامك  
وبقت زي القرد

سماح: أسكت يا واد أنت اللي قرد بنتي وردة  
وزي الفل

إيمان طلعت لحسام لسانها :

وحسام ردها لها:

إبراهيم: ولا العيال الصغيرة

إيمان وسماح وحسام وإبراهيم:

إيمان: قولوا لي امال فين الواد حسن ما

شفتهوش يعني

حسام اتكلم بسرعة قبل ما حد يرد علشان  
خايف لإيمان تعرف انه مش باين من امبارح

و تزعل و تتعب أكثر: عنده شغل يا حبيبتي

هيخلصه ويجي عالطول

إيمان بغضب طفولي: يعني ايه عنده شغل

شغله اهم من اخته بعني

إبراهيم: معلش يا حبيبتي انتي عارفة المدير

عندهم حازم شوية

حسام في الوقت ده جاء له مكالمة

حسام: عن إذنكم عندي مكالمة ضروري

حسام طلع بره علشان يرد علي التليفون

ومحدثش يسمعه

حسام: ايوه يا زفت أنت فين بتصل بيك مش

بترد ليه أختك عملت حادثة وحضرتك ولا

علي بالك

حسن: حسام انا في المستشفى

حسام:ايه اكيد عكست بنات تاني وحد  
ضربك صح

حسن:انا مش اضربت انا اتفرمت

حسام:انت مش ناوي تبطل العادة الزبالة  
دي بقي حرام عليك بنات الناس مش لعبة  
وده آخرتها كل مرة تعمل كده وفي الاخر أهلها  
بيعرفوا وبيضربوك تقدر تقول لي بقي  
هتفضل لحد امتي كده ده غير كدبك علي  
ماما وبابا وبتقول لهم اللي انت شغال  
وشغلك صعب وأنت عاطل

حسن:انا اتصلت بيك علشان تيجي تلحقني  
مش علشان تهزأني وبعدين انا عارف  
مصلحتي فين

حسام:مصلحتك اللي هي ايه بالظبط تقدر  
تقولي لي مصلحتك في معاكسة البنات

ومضايقتهم صح مصلحتك مع صحابك  
الفاشليين اللي هيضيعوك دول مصلحتك  
عمتا لينا كلام تاني بعدين متنيل في اي  
مستشفي

حسن:مستشفي.....

حسام:ماشي مسافة السكة

♡♡♡♡♡♡♡♡♡♡♡♡♡♡♡♡

في إيطاليا

جاسر وسامح قاعدين بيפטروا في صمت

ليقطع جاسر هذا الصمت

جاسر:لقيته

سامح باستغراب:هو ايه

جاسر:الدليل مش كنت عايز دليل إن يماني

هي نفسها ياسمين صقر المنشاوي

سامح:اممم ويا تري جبت الدليل بقي  
جاسر طلع موبايله وجاب صور أسر وأيه  
وعرضهم علي سامح وسامح اتصدم اول ما  
شافهم

جاسر:ايه اتصدمت ليه مش دول صور اسر  
وايه ولاد يمني وأحمد قصدي نرمين وأحمد  
سامح:جبتهم منين دول أنت بتجسس عليا  
ولا ايه

جاسر:لا سمح الله انا جبت الصور دي من  
مصر من مالك صقر المنشاوي أخو نرمين  
صقر المنشاوي مش دي صور برضوا ولاد  
يمني وأحمد اللي انت جبتهم وخبيتهم عليا  
صح ولا ايه

سامح:انا أسف يا جاسر أنت عارف دي  
الأوامر

جاسر بضيق:عارف عارف

جاسر:انا عايضة اتواصل مع نرمين بأي طريقة

لازم اعرف هي مجبرة علي الوضع ده ولا

برضاها عايض أعرف هي قبل ما تتجوزه كانت

عارفة انه مساعد أكبر زعيمة عصابة ولا لا

لازم اتواصل معاها سامعني

سامح:انت بتقول ايه لا مش هينفع وبعدين

دي مش مهمتنا الأساسية

جاسر:لو مش هتساعدني عند ألف حد

يساعدني

سامح:خلاص هساعدك بس ياريت ما

تعملش أي حركات متهورة لازم نفكر بهدوء

ما تخليش قلبك يسيطر علي عقلك

فاهمني

جاسر:اممم

وقام جاسر من علي السفرة وطلع اوضته

جاسر دخل الأوضة وألقي نفسه علي

السريير وترك لأحزانه وأفكاره العنان

♡♡♡♡♡♡♡♡♡♡♡♡♡♡♡♡♡♡

في مكان آخر في إيطاليا

عند نرمين وأحمد

نرمين بعياط ورجاء لأحمد: أرجوك خلاص

مش هيتكرر تاني

أحمد بغضب: مش انا قولت قبل كده إن

ممنوع تتكلمي مع أي حد من أهلك أو

الجيران قلت ولا ما قولتش ها

نرمين: أيه كانت سخنة والحرارة مش راضية

تنزل من أول امبارح وقلتلك كذا مرة وأنت

ولا هنا ما لقيت حل غير أني أشوف حد

يساعدني

أحمد:وحتي لو بتموت ما تطلبيش  
المساعدة من حد فاهمة ولا مش فاهمة آخر  
مرة هنبه عليكى وعقابا ليكي مش هجيب  
لها دكتور عالجيها أنتي بقي

وقفل الباب وراه وخرج

نرمين بعياط ودموع منهارة:ااااه يارب يارب  
ساعدني يارب يارب حد يجي ينقذنا من هنا  
اه يا جاسر يارتنى سمعت كلامك ما كانش  
هيبقى ده حالي دلوقتي

فلاش باك

نرمين وجاسر قاعدين مع بعض في كافيته  
نرمين:ايوه يا جاسر طلبت تقابلني ليه  
جاسر:الصراحة عايزة أكلمك في موضوع مهم  
نرمين:اممم ايه هو

جاسر:نرمين انا بحبك

نرمين اتصدمت وقامت وقفت:ايه الكلام ده  
يا جاسر انا بعتهبك اخويا تقوم تعمل كده  
ومالك صاحبك وأخوك مش أنت طول  
عمرك بتقول عليه كده بالكلمة دي أنت  
نهيت كل العلاقات اللي بينا وبعدين انا  
بحب أحمد وأنت عارف وأحمد جاي بكرة  
علشان يطلب إيدي من بابا ومالك

جاسر:ايه نرمين أرجوكي بلاش أحمد أحمد  
بيلعب بيكي صدقيني وهيخلي حياتك كلها  
عذاب

نرمين:لا مستحيل أحمد بيحبني أنت بتقول  
كده علشان غيران منه بس

جاسر:غيران ماشي يا أستاذة نرمين انا  
حببت أنصحك بس

بس هيجي يوم والأيام هتثبتك إن كلامي  
صح وهترجعي تترجيني إني أسامحك وحيي  
اللي انتي رفضتية هيجي يوم وتتمني ربعة  
ومش هطوليه عن إذتك

باك

نرمين: كان معاك حق ياريتني سمعت  
كلامك ياريتني كنت قبلت حبك ليا ياريت  
الزمن يرجع يارب أرجوك أمنحني فرصة  
تانية يارب أرفع عني غضبك وبلائك يارب  
خمس سنين يارب خمس سنين وانا بتعذب  
وبنهار كل يوم أرجوك يارب ساعدني  
وأمنحني فرصة أخيرة أرجوك يارب  
نرمين سمعت صوت أيه بتعيط قامت  
بسرعة وراحت أوضتها وحملت ايه بين  
إيديها

نرمين:ايه يا روجي لا متعيطيش خلاص يا  
حبيبتى هتبقى كويسة إن شاء الله ربنا هو  
الحارس وهيحميكي من كل شر يا روجي  
بس احنا لازم نثق في ربنا أكيد هو اللي  
هيحميكي وهينقذنا من هنا إن شاء الله

ايه بطلت عياط وضحكت لنرمين

نرمين:حبيبة أمها ديه اللي ضحكتها بتنور

يومي يا ناس

الاء ♡♡♡♡♡♡♡♡♡♡♡♡♡♡♡♡

الاء:خالتو انا رايحة الدرس عايزة حاجة

مروة:عايزة سلامتلك يا حبيبتى

الاء:ماشي سلام

الاء فتحت الباب علشان تروح الدرس بس

قبلت مالك في وشها

مالك:واضح أنني جيت في وقت غير مناسب

الاء:حضرتك كل أوقاتك مش مناسبة عن

إذتك

مالك:رايحة فين

الاء:ما يخصكش

مالك:رايحة فين مش هعيد سؤالي تاني

الاء:وانا قلت مش يخصك

مالك:خلاص مفيش خروج غير لما أعرف

الاء دبديت برجلها علي الأرض وقالت

بغضب طفولي:رايحة الدرس عندك مانع

مالك:اه عندي

الاء:نعم نعم نعم

مالك دخل وقعد بتكبر وخط رجل علي  
رجل:أولا صوتك ما يعلاش ثانيا الدرس اللي  
انتي رايحه ده مش في ولاد وكل واحد هيقعد  
يبصلك شوية وبعدين ايه اللي انتي لبساه  
ده

الاء بسخرية:ما له لبسي

مالك في نفسه:حلو أوي

مالك:ضيق أوي روحي غيريه

الاء:لاء مش هغيره وهخرج كده عن إذناك

مالك:انا لحد دلوقتي محترمك لكن كلامي

ما يتسمعش هيكون عندي تصرف تاني

وأظن عرفاه

الاء:مممكن اعرف ايه مشكلة حضرتك معايا

ليه بتعاملني كده حضرتك واصي علينا بس

بس مالکش حق أنك تتحكم فيا بالشكل ده

ممکن أفهم ليه بتعمل كده

مالك في نفسه:أجاوبك ازاي وانا نفسي مش

عارف الإجابة

مالك:انا واصي عليك ينعني من واجبي

أحميكم من كل حاجة تتعرضوا لها

الاء:أنت بتسمي دي حماية

مالك:ايوه إذا كان عاجبك وبعدين ما

ينفعش تروحي النهاردة علشان المحامي

جاي علشان نفتح الوصية

الاء:ايه

مالك:زي ما سمعتي أعمامك جايين

النهاردة علشان نفتح الوصية ياريت تكوني

حاضرة

الاء سابه ومشيت و متجهة لأوضتها

مالك:أستاذة الاء

الاء بغضب:أفندم

مالك بأبتسامه:كوباية قهوة لو سمحتي

الاء بصتله بغضب ومشيت

بعد قليل

مالك:اهلا وسهلا أستاذ علاء اتفضل أعرفكم

أستاذ علاء المحامي بتاعي

وائل:ونعرف منين بقي مش يمكن مديله

رشوة علشان يثبت صحة الوصية

مالك:والله دي حاجة ترجعلكم تصدقوا ما

تصدقوش أنتم أحرار أتفضل اقرأ الوصية يا

أستاذ علاء

علاء:احم بسم الله الرحمن الرحيم الحمد لله  
نحمده حمدا كثيرا طيبا مباركا فيه ونصلي  
ونسلم علي سيدنا محمد وعلي اله وصحبه  
أجمعين اما بعد انا محمود عبد الهادي  
أكتب إليكم هذه الوصية و انا بكامل قواي  
العقلية لو أنتوا شفتوا الوصية دي يبقي انا  
أكيد ميت دلوقتي أولا الاء وزياد ممنوع تنزل  
منكم أي دمعة يا حبايبي انا معاكم دايم  
ومالك هيبيقي واصي عليكم انتوا أكيد مش  
تعرفوه وممكن تكرهوه في الأول بس وعد  
هتجبهه جدا جدا بعدين انا واثق فيه ده زيكم  
بالنسبة لي أبني واحدة واحدة هتتعرفوا عليه  
انا كتبت لك يا الاء انتي وزياد الأرض والبيت  
اللي في البلد بس لحد ما تكملوا السن  
القانوني مكتوبين بإسم مالك وبعدين مالك  
هيحولهم بإسمك مالك يا أبني انا واثق فيك  
أنك هتحمي ولادي أرجوك ما تخون الثقة

دي وربنا يوفقك يارب وما تنساش أنك لازم  
أنت والاء وزياد ما تفترقوا خلي بالك منهم  
انا واثق إني عملت راجل راجل بجد هيحافظ  
علي ولادي ويحميهم

اتمنالك التوفيق يا أبني وخليك واثق أي  
راضي عنك وراضي عنك يا الاء انتي وزياد  
لازم تبقوا حاجة كبيرة وتشرفوني كده ربنا  
يحميكم ويحفظكم من كل شر يارب  
وختامي بالسلام عليكم ورحمة الله وبركاته

عادل:ايه ده أنت كذاب الوصية دي كذب  
ازاي محمود يعني يكتب لك الأرض والبيت  
واحنا ولا حاجة أنت مين يعني أنت كذاب  
مالك وقف بتكبر:والله تصدق ما تصدق دي  
حاجة ترجعلك دي الوصية وممكن تاخذ  
منها نسخة لو عايز وتروح عند أي محامي

تاني وهو اللي هيثبتلك صحتها غير كده

معنديش

وائل: احنا مش هنسكت هنرفع عليك قضية

وهناخد حقنا وهتشوف

مالك: بجد ترفع قضية علي مالك صقر

المنشاوي ما أنصحكش علشان هتخسرها

من أول جالسة

مرات وائل وهي بتوجه كلامها ل الاء: ما

تفتكريش إن الأملاك دي هنخليكي تتهني

بيها يوم لا علي آخر الزمن واحدة معوقة

زيك عايزة تاكل حقنا

مالك بنبرة عالية: ياريت تلتزمي حدودك احنا

محترمنا علشان أنتوا ضيوفنا بس كلمة

تاني ومش هقدر الأحرار ده

عادل: خليك في حالك ووجه كلامه ل الاء لو  
مش هنعرف ناخذ حقنا بالقانون هناخده  
بالقوة سامعة

الاء بنبرة شبه عالية: ده حقي وحق زياد  
ومش هسمح لحد ياخذ تعب بابا وفلوسه  
عادل بغضب: وكمان بتعلي صوتك علينا  
ومد إيديه وكان هيضربها بالقلم بس مالك  
منعه قبل ما يعمل كده

مالك: خلال ثانية واحدة لو ما طلعتوش برا  
هخلي الحرس يطلعوكم بس بطريقتهم  
بعد ما مالك قال كده خافوا ومشيووا بسرعة  
هما عارفين مين مالك صقر المنشاوي  
ويقدر يعمل ايه

بعد ما مشيوا الاء طلعت البلكونة وقعدت  
في الأرض وضمت رجلها وتركت دموعها  
تنطلق بحرية

مالك دخل وراها:مممكن أفهم بتعيطي ليه  
محدث هيقدر يعملكم حاجة انا هنا

الاء:بابا واحشني أوي

مالك بأبتسامه:تحبي تروحي له

الاء هزت رأسها بمعني ايوه

مالك:طيب روعي أجهزي

الاء راحت جهزت نفسها ومالك اخدها هي  
وزياد وراحوا قرأوا الفاتحة لمحمود وهما  
طالعين

مالك وقف قصادهم وخط إيد ورا ظهره ومد  
لهم إيدته الثانية زي وقفة الأمراء:احم احم

أستاذة الاء أستاذ زياد بعد إذنكم ممكن

تمنحوني الشرف وتخرجوا معايا

الاء وزياد بصوا لبعض وهما بيفكروا

مالك:معنديش وقت للتفكير الصراحة

زياد مد إيده لمالك:انا عن نفسي موافق

مالك:قشطة يا زيزو طب وبالنسبة لأنسة الاء

تفتكر هتوافق ولا شكلنا هنخرج من غيرها

زياد:أظن هنخرج من غيرها

الاء بغضب طفولي:كده يا زياد عايز تخرج من

غيري

زياد:لا أكيد بهزر وانا أقدر

مالك:جبان قالت لك كلمتين غيرت رأيك

عالتول كده

زياد:ممكن توافقني تخرجي معنا هنبسط

اوي

الاء:امممم ماشي موافقة بس ده علشانك

أنت بس لأحسن في ناس تانية ممكن تفتكر

أنه علشانها

مالك: الكلام ده عليا انا صح بس عادي

مش هتفرق معايا المهم أنك هتخرجي

معانا

وركبوا العربية وخرجوا وقضوا وقت جميل

مع بعض

□ Stop□

خلصت الحلقة أتمني تكون نالت إعجابكم

وطويلة اهي تعويضا عن غيابي الفترة اللي

فاتت اتمني تعذروني أحبائي احتمال النشر

الفترة القادمة يبقي يومين في الأسبوع

احتمال مش أكيد علي حسب الوقت اللي  
عندي اتفقنا وهكتبلكم في التعليقات  
موعد النشر قبل ما انزلها علشان تنتظروها  
إن شاء الله

ايه رأيكم في حلقة النهاردة حلوة ولا لا  
تفتكروا أعمام الاء وزياد ممكن ينفذوا  
تهديداتهم فعلا

تفتكروا ايه الخطة اللي ممكن يعملها جاسر  
وسامح لإنقاذ نرمين وولادها  
يا تري ايه هي توقعاتكم في اللي جاي

شاركوني برأيكم يا حلوين

وشكرا جدا جدا للتعليقات الجميلة اللي  
بتبعتموها لي بجد بتسعدني جدا جدا أتمني  
تقولوا لي تعليقاتكم كده عالطول لأنها بجد

بتسعدني أوي أوي شكرا ليكم ونستقبل  
أول و أجمل وأحلي تعليق ونقول ألو  
مع السلامة أراكم الحلقة القادمة أحبائي

معاقة لكن أعشقها

بقلم: Alaa Mohamed

معاقة لكن أعشقها

الحلقة الثالثة عشر

أتمني تعجبكم

Enjoy

في الصباح

في شركة صقر المنشاوي

مالك في المكتب وبيدور علي أوراق مهم

مالك:إيمان

طلع بره المكتب مش لاقياها

مالك:كريم

كريم:أفندم يا باشا

مالك:إيمان فين لسه مجاتش اتصلي بيها

كريم:الصراحة يا مالك بيه الانسة إيمان

عملت حادثة وهي حاليا في المستشفى

مالك:ايه ومبلغتنيش ليه

كريم:انا حاولت كتيير اقول لسعادتك بس

حضرتك بتبقي مشغول وبتقولي مش

فاضي

مالك افتكر إن كريم كان بيحاول يقول له

علي موضوع بس هو دايمًا كان بيقول له

مش وقته

مالك:امتي وازاي حصل الكلام ده





جاسر:الخطة اللي هتوصلنا لنرمين

سامح:اشجيني بأفكارك اللي هتوصلنا مصر  
أموات

جاسر:أسمع يا برنس.....

سامح:ايه الأفكار الجامدة دي

جاسر:طول عمري أفكاري جامدة يا سمس  
بس أنت اللي مكنتش بتاخذ بالك

سامح:بلاش سمس دي لأحسن أقلب  
عليك

جاسر:ماشي يا سمس

سامح:جاسر

جاسر:أسف سكت اه صح كنت عايزة اقولك  
علي معلومة كده عرفتها من فترة بس كنت  
ما أجلها لحد ما اتأكد

سامح:امممم ما هي المصايب مش  
بتيجي غير ورا بعض قول

جاسر:فاكر الواد اللي جه مع أحمد اللي  
أحمد قال أنه أخوه ده

سامح:ماله

جاسر:فاكر لما قولتلك إن خطيبة مالك  
كانت متفقة مع واحد اسمه معتز علشان  
ياخدوا فلوس مالك ويهربوا

سامح:ربنا ينتقم منهم بس مش فاهم ايه  
علاقتهم بأحمد وأخوه

جاسر:ايه الغباوة دي ده انا طول عمري  
بقول عليك نبيه وبتفهمها وهي طيارة

سامح:ما هو م القرده بقيت غبي الحمد لله  
قول وخلصني

جاسر:اسمع يا سيدي رجاله مالك لما كانوا  
بيجيبيوا معتز علشان يعلموه الأدب في  
المخزن بتاع مالك في رجاله اتهجمت عليهم  
وضربوهم وخذوا معتز وهربوا

سامح:وبعدين لخص

جاسر: جايلك في الكلام اهو انا لما شوفت  
اللي أسمه أدهم ده حسيت أني شوفته قبل  
كده فبعث لحد في مصر بيعتلي صور معتز  
والنتيجة

سامح:طلعت مطابقة وإن أحمد أكيد هو  
اللي عرف إن مالك عرف الحقيقة و باعت  
رجالته علشان يخطفوه فبعث رجاله تنقذ  
أخوه من مالك و حجزلوا طيارة علشان  
يهربه ومالك ميعرفش طريقه

جاسر:الله ينور عليك



في المستشفى

دكتور آدم وهو داخل أوضة إيمان علشان

يطمن عليها

آدم بآبتسامه: مساء الخير

إيمان بآبتسامه: مساء النور

آدم: عاملة ايه النهاردة أحسن من الأول ولا

لسه في حاجة بتوجعك

إيمان: انا الحمد لله كويسة بس مش عارفة

رجلي وجعاني أوي مش قادرة حركها

آدم: ده شئ طبيعي علشان الكسور اللي في

رجلك

إيمان: ربنا يسامحه اللي كان السبب لو

أشوفه كنت خنقته بإيدي

حسام: ما تخافيش هياخد حسابه أكيد  
اتقبض عليه امبارح

إيمان: بجد الحمد لله كنت عارفة إن ربنا  
هياخد لي حقي

والدة إيمان سماح: ربنا ينتقم منه ويقعد  
علي كرسي زي ما قعدك يارب

إيمان: ايه يقعد علي كرسي دي يا ماما  
وقعدني علي كرسي ازاي ولا يعني علشان  
رجلي لا ما تخافيش ده كله كسر بسيط  
يخف وهقوم اجري لكم زي الحصان ما  
تستعجليش

سماح بدموع: عارفة يا حبيبتني

إيمان: بتعيطي ليه بس ما تخافيش هبقي  
كويسة إن شاء الله

سماح: إن شاء الله

حسام مسح دمعة كانت خلاص هتنزل من  
عينه بحرية:ايه يا جماعة قلبناها نكد ليه كده  
لا انا مش بتاع الكلام ده انا أحب الفرغشة  
بلاش تنكدوا علينا كفاية النكد اللي قضيناه  
الكام يوم بسبب الأنسة

إيمان بغضب طفولي:انا سبب في نكدكم  
ماشى اطلع بره بقي وياريت متجيش هنا  
تاني مش عايزة أشوفك

حسام:انا قلت أنسة انتي أنسة

إيمان:امال انا ايه

حسام:أنتي طفلة يا حبيبتي أنتي أكبر طفلة  
في الوجود

أدم حس بضيق لما لقي حسام بيقولها كده  
مش عارف ليه فقرر إنه ينسحب بسرعة  
قبل ما حد ياخذ باله

أدم:طيب عن أذنكم ألف سلامة عليكمي يا

أنسة إيمان

إيمان:الله يسلمك يا دكتور

أدم خرج وأول ما خرج اتنفس بحرية كأنه

كان غرقان وقطع النفس وحد أنقذه وخلاه

يرجع ياخذه تاني بحرية

أدم في نفسه:ليه ليه بحس الإحساس ده أول

ما تكلمني قلبي يدق وأول ما أخوها دلعتها

حسيت إن حد بيخنقني وكاتم علي نفسي

مع إنه أخوها مش حد غريب ااااه ياربي

ياريت تديني إشارة إشارة واحدة بس تبين لي

سبب اللي انا فيه ده

الممرضة:دكتور أدم

أدم:.....



مروة: ماشي يا حبيبتي متأخريش

الاء: حاضر

الاء نزلت علشان تشتري حاجة من السوبر  
ماركت وهي طالعة قابلت توفيق أبن عمها

الاء: توفيق اذيك

توفيق: وليكي عين تقولي لي أذيك لعد ما  
أخذتي حقي وحق أبويا وأخواتي وعمي وولاده  
ليكي عين

الاء: ياريت تحترم رابط القرابة اللي بينا

توفيق بسخرية: قرابة وأنتي كنتي أحترمتي  
القرابة دي أحترمتيها لما أكلتي حقنا  
أحترمتيها لما جبتي واحد يهنا ويقلل من  
قيمتنا ويهددنا أحترمتيها ها فين القرابة دي  
القرابة دي أنتي قطعتيها من ساعة موت  
والدك كأنك ما كنتي مصدقة انه مات



مروة:يا ربي يا أنس رد بقي طب هعمل ايه  
دلوقتي اتصل بمالك لاء لاء بس مش  
قدامي غيره هتصل بيه وخلص

مروة اتصلت بمالك

مروة:الو أكلم أستاذ مالك

كريم:عنده أجمع حاليا

مروة:معلش لازم اكلمه ضروري انا خالة الاء  
وزياد ولازم اكلمه في موضوع ضروري ممكن  
تديله التليفون بسرعة لو سمحت

كريم حس إن فيه حاجة ضروري ومهمة جدا  
من صوتها وقلقها

كريم قرب من أذن مالك :مالك باشا أستاذة  
مروة علي التليفون وعايضة تكلمك وبتقول  
الموضوع ضروري

مالك شعر بخوف: امم طيب هات التليفون

كريم:اتفضل

مالك:عن إذنكم عندي مكالمة ضروري

اعذروني خمس دقائق

مالك:الو

مروة بدموع:مالك الحقني الاء نزلت بقي لها

ساعة ولسه مش رجعت

مالك بنبرة عالية تجعل كل من بالاجتماع

ينظرون إليه:ايه الكلام ده هو انا مش هنبه

عليها قبل كده ما تنزلش غير ما تقولي

مروة:هي قالت لي نازلة السوبر ماركت اللي

علي أول الشارع لقيتها اتأخرت قلت يمكن

راحت لفريده شوية بس دلوقتي بتصل بيها

تليفونها مقفول

مالك: ماشي سلام دلوقتي انا هتصرف

مالك: معلش يا جماعة الأتماع هيتأجل

لظروف طارئة اعذروني

وطلع مالك من غرفة الأتماع

مالك وهو متجه لعربيته بيوجه كلامه

لكريم: هو انا مش قلت إنه يتم تعيين حراسة

عند البيت

كريم: حصل سيادتك

مالك: امال ايه فين البهايم اللي عينتهم

قسما عظاما لو حد لمس منها شعرة

لأدفعكم التمن غالي

مالك ركب العربية وراح بسرعة علي بيت

مروة

امام بيت مروة

مالك بعصبية:تقدروا تفهموني انتوا شغلتمكم

ايه هنا عمنا حساي معاكم بعدين

مالك بنبرة شبه عالية:كريم

كريم:أفندم يا باشا

مالك:في ظرف عشر دقائق تسجيلات

الكاميرات بتاعة السوبر ماركت تكون قدامي

كريم:اوامرك

بعد عشر دقائق كريم جاب تسجيلات

الكاميرا لأخر ساعتين

مالك جاب اللابتوب وشغل التسجيلات

وشاف فعلا إن الاء دخلت السوبر ماركت

وبعد ما قابلت واحد ووقفت معاه وبعد

شوبة جت عربية واخذتها في اللحظة دي

مالك كان دمه بيغلي

مالك:مين اللي كانت واقفة معاه ده

مروة بصدمة:ده توفيق أبن عمها

مالك:أبن عمها يبقي هما اللي قرروا يلعبوا

مع مالك صقر المنشاوي ووعد نهايتهم

هتبقي علي إيدي

□ Stop□

أسفة لأني اتأخرت بس انتوا عارفين كنت  
مشغولة الفترة اللي فاتت المسابقة وتوتر  
النتيجة بعذر اتمني تكون الحلقة عاجبتكم  
مع السلامة اسفة مش قادرة اقول الكلام  
الحلو بتاع كل حلقة ده لأني مخنوقة شوية  
ومضايقة جدا بجد مستنية تعليقاتكم  
الحلوة لعلها تسعدني قليلا اتمني تكونوا  
استمتعتموا مع السلامة أحبائي

إن شاء الله النشر هيبقي السبت والأثنين

والخميس بإذن الله

معاقة لكن أعشقها

بقلم:Alaa Mohamed

معاقة لكن أعشقها

الحلقة الرابعة

اتمني أن تنال إعجابكم

Enjoy

مالك جاب اللابتوب وشغل التسجيلات

وشاف فعلا إن الاء دخلت السوبر ماركت

وبعدين قابلت واحد ووقفت معاه وبعد

شوية جت عربية واخذتها في اللحظة دي

مالك كان دمه بيغلي

مالك بعصبية:مين اللي كانت واقفة معاه

ده

مروة بصدمة:ده توفيق أبن عمها

مالك:أبن عمها يبقي هما اللي قرروا يلعبوا

مع مالك صقر المنشاوي ووعد نهايتهم

هتبقي علي إيدي

مالك تليفونه بيرن هو مش كان عايز يرد

علي حد بس قلبه قال له انه لازم يرد اخده

بعصبية

مالك:الو

الاء بعياط:أستاذ مالك الحقني

مالك:الالاء

وائل:لو عايزها سليمة تسمع وتنفذ اللي  
هقول عليه ولو فكرت تعمل نفسك عبقري  
هترجعلك جثة تحت رجلك

مالك بعصبية:قسما عظاما لو لمست منها  
شعرة لأدفئك

وائل:تؤ تؤ أسمع بس يا مالك بيه كده  
وأهدي علشان نعرف نتكلم بعد شوية  
هيجي المحامي بتاعي هتروح الشهر  
العقاري وتنقل الأملاك بإسمي وتبعثهم مع  
المحامي وأول ما يوصلوا هبعثلك الأمورة  
معززة مكرمة علي البيت

مالك قفل التليفون بعصبية

مالك:كررررررررر

كريم:أفندم يا باشا

مالك:الكلام اللي هقوله دلوقتي ده يتنفذ  
بالحرف الواحد فاهمني

كريم:اوامرك



في إيطاليا

جاسر:جابوها ولا لسه

سامح بابتسامة فخر:في الطريق

بعد قليل

نعمة:سيبوني انا ما عملتش حاجة ربنا  
يرضي عنك يا بيه سيبني انا ست كبيرة وفي

حالي

جاسر:ما تخافيش يا حجة احنا هنقولك

حاجة بس وهتروحي عالطول

نعمة بدموع:ايه ده هو أنت مصري

جاسر بابتسامة:ايوه

نعمة:طب أنت عايز مني ايه الله يرضي  
عنك سيبيني أروح

سامح:احنا هنتكلم معاكي كلمتين  
وهنروحك متقلقيش

جاسر:في واحدة ساكنة جمبك في العمارة  
اسمها يمني (نرمين) تعرفيها

نعمة:ايوه ده العمارة كلها عارفها من  
صديخها كل يوم جوزها بيضربها وهي  
بتصرخ وبستنجد علشان يسبها وهو بيعذبها  
أكثر ده مرة كانت بتسأل عن دواء علشان  
بنتها كان عندها سخنية راح ضربها ربنا  
ينتقم منه بس أنت بتسأل ليه

جاسر مع كل كلمة كان بيسمعها منها كان  
يبقي فيه سكاكين باردة بتقطع في قلبه

طفلته حبيته صغيرته اللي كبرت قدام  
عينية بتصرخ بتتعذب بتستنجد ومفيش  
حد يساعدها مفيش حد يطمنها مفيش حد  
يחסسها بالأمان اه يا حبيتي وعد هاجي  
اخلك من الحيوان ده أرجوكي استحملي  
لحد ما اجي

سامح:علشان عايزين مساعدتك

نعمة بتساؤل:مساعدتي في ايه

سامح:عايزينك تساعدينا نوصل ليمني

(نرمين) و نلقدها من إيد المتوحش ده

نعمة:ازاي

سامح:.....

نعمة:ايه لاء لاء مقدرش ده جوزها ممكن

يموتني لو عرف اللي بتطلبه ده صعب أوي

جاسر بترجي: أرجوكي ساعدينا هي لو كانت  
بنتك كنتي هتسبيه يعمل فيها كده مش  
بتصعب عليكى لما بتسمعيها بتصرخ  
وبتستنجد أرجوكي ساعديها وخدي اللي  
انتي عايزاه أي فلوس انتي محتجاها أي  
مبلغ اطلبي و انا هدفعهولك

نعمة: لا يا ابني انا مش عايزة فلوس خلاص  
انا هساعدكم بس ممكن طلب

سامح: أكيد اتفضلي

نعمة بدموع: انا عايزة أرجع مصر نفسي  
أعيش آخر أيامي هناك

جاسر مسك إيدها ونزل لمستواها: وعد أول  
ما نخلص مهمتنا هرجعك معانا مصر

نعمة:ربنا يحفظك يا أبني وإن شاء الله  
تخلصوا مهمتكم علي خير وترجعوا  
منصورين بإذن الله  
جاسر:إن شاء الله



في المستشفى

داخل أوضة إيمان

إيمان واخدة مسكن ونايمة وسماح وإبراهيم  
قاعدين جمبها

سماح والدة إيمان:يا عيني عليكى يا بنتى  
يا ترى لما تعرفى اللي حصلك هتعملي ايه  
بس

إبراهيم والد إيمان:ما تخافيش يا أم إيمان  
بنتك قوية إن شاء الله هتستحمل

سماح: بنتنا يا إبراهيم بنتنا هتقعد علي

كرسي بعجل طول حياتها

إبراهيم: ادعيلها أنتي بس ربنا يشفيها ربنا

وحده هو اللي في إيده العلاج مفيش حاجة

بعيد عن ربنا

سماح: يارب أشفيها يارب

إبراهيم: يلا تعالي نطلع نقعد بره شوية

وسببها تنام شوية يا عالم لسه الأيام مخبيه

لها ايه

سماح بحزن: عندك حق

بعد ما طلوعوا إيمان فتحت عينها هي مش

كانت نايمة وسمعت كل كلمة قالوها

إيمان: يعني ايه قصدهم أني مش همشي

علي رجلي تاني يعني أنا خلاص بقيت عاجزة

اه يا ربي يا رب اللي انا فيه ده يكون حلم

مش أكثر يارب يكون حلم لاء لاء مستحيل  
مش هقدر مش هقدر يارب أشوف الناس  
بتبصلي نظرة شفقة مش هقدر يارب لو ده  
ما كانش حلم خدني يارب انا عايزة أموت  
الموت أحسنلي من أني أشوف حد ببصلي  
بشفقة يارب أرجوك لو ما كانش حلم خدني  
يارب مش هقدر أعيش وانا عاجزة وحد  
يبصلي بشفقة يارب

أدم دخل الأوضة لقي إيمان صحيت

أدم:صباح الخير

إيمان ابتسمت ابتسامة صغيرة من ورا قلبها

وما ردتش

أدم:أتمني تكوني أحسن النهاردة

إيمان بسخرية:أحسن أنا من بعد النهاردة

عمري ما هكون أحسن

أدم بحزن:ليه بتقولي كده

إيمان بدموع:دكتور أدم قولي بصراحة انا  
رجلي فيها ايه انا مش هقدر امشي عليها

تاني صح

أدم بصدمة وخوف من ردة فعلها: ايه مين  
اللي قالك كده

إيمان:لو سمحت قولي بصراحة

أدم بحزن:للأسف احنا عملنا جهدنا بس  
مفيش حاجة بعيد عن ربنا و انا كلمت أكبر  
دكاترة في مصر علشانك وإن شاء الله  
هتخفي و تقومي بالسلامة مفيش حاجة  
بعيد عن ربنا أرجوكي تبقي قوية علشان  
تخفي وتتعالجي اوعي تتضعفي علشان لو  
ضعفتي ده هيبأثر علي علاجك لو سمحتي  
إيمان بدموع:انا خلاص بقيت عاجزة

أدم: لاء متقوليش كده انتي مش عاجزة وانا  
هكون جمبك ومش هسيبك لحد ما تخفي  
و عيلتك كمان هيدعموكي صدقيني  
أرجوكي تبقي قوية وما تستلميش

إيمان: انا عايزة أخرج من هنا

أدم: مش هينفع دلوقتي علشان أنتي لسه  
تعبانة

إيمان: أنا عايزة أخرج دلوقتي مش قادرة  
اقعد هنا أرجوك اكتبلي علي خروج

أدم: بس لسه عندك جروح لازم تبقي عندنا  
شوية لحد ما نطمئن عليكي

إيمان بدموع وإصرار: لو سمحت عايزة أخرج  
مش هقدر أقعد أكثر من كده هنا

أدم:طيب خلاص هخليهم يكتبولك ورق  
الخروج و إن شاء الله الصبح تخرجي اهم  
حاجة ما تبقيش زعلانة عن إذناك

و خرج أدم من الغرفة و هو مضايق وراح  
مكتبه و قعد علي الكرسي وبدأ الحوار بين  
عقله وقلبه

قلبه:♥:مستعجلة علي الخروج ليه مش  
فاهم

عقله :و أنت مالك دي مجرد مريضة عادية  
مهتم بيها ليه لدرجادي عادي ما أنت عالجت  
مرضي كتيبير اشمعنا مهتم بيها سيبها  
تخرج وأنت مالك

أدم لعقله :عندك حق

قلبه:♥:لاء غلط مش عنده حق أنت مش  
عايزها تخرج علشان أنت بتحبها وعايزها

قريبة منك عالطول وعايذ كل يوم الصبح  
تشوفها وتملي عينك منها ومن ضحكتها  
ومن عيونها بس مش عايذ تعترف أنت لازم  
تساندها وتدعمها وخصوصا بعد ما عرفت  
موضوع رجليها هتسيبها تنهار يعني وتضعف

أدم لقلبه♥:صح أنا لازم اساعدها وأقف  
جمبها مستحيل أسبها تنهار هي محتاجه لي

عقله :هتحتاجلك ليه أهلها جمبها

قلبه♥:بس أنت لازم تفضل جمبها و  
تساعدها لحد ما تخف لازم تساعدها هي  
هتحتاجك هتحتاج الحب هتحتاج حد  
يطمنها ويحميها أنت لازم تكسب قلبها لازم  
تخفف عنها

أدم بعصية :بببببب اسكتوا انا عارف  
هعمل ايه مش عايذ اسمع صوت انا اخدت

القرار خلاص انا بحب إيمان وهفضل جمبها  
ومستحيل اسبها وهي كمان هتحنني  
برضاها أو غصب عنها



عند الاء محبوسة في أوضة ضلمة مش فيها  
غير نور من شباك صغير

الاء بدموع: يارب انقذني يارب و احميني يارب  
من كل شر يارب مالك يقدر يوصلني قبل ما  
يعملوا فيا حاجة صحيح انا بكرهه بس  
هعمل ايه مفيش حل غيره

وفاجأة بابا الأوضة اتفتح و دخل عمر ابن  
عادل عم الاء

عمر بمكر وهو بيقرّب من الاء: اهلا اهلا وأخيرا  
جيتي ده انا مستنيكي من بدري أوي

(عمر ابن عادل عم الاء وهو أكبر منها)

(بسنتين )

الاء:لو سمحت ابعء عني

عمر:ليه بس و هو اللي اسمه مالك ده  
أحسن مني في ايه يعني جايه واحد غريب  
بيننا وبتقولي واصي عليك و يحميكي وانا  
هنا انتي صحيح معوقة بس جمالك حاجة  
كده جنان

الاء بخوف بتحاول تداريه:لو سمحت ما

تتجاوزش حدودك

عمر بمكر و هو بيقترب من الاء:و أنتي لسه

شفتي تجاوز حدود

في اللحظة دي دخل توفيق

توفيق:في حاجة يا عمر

عمر بتوتز:لاء مافيش

توفيق:امال ايه اللي جابك هنا

عمر:كنت جاي اسألها لو عايزة حاجة

توفيق:لاء مش عايزة ولو عايزة انا هجيب لها

ياريت مالکش دعوة بيها وياريت مش

أشوفك هنا تاني

عمر طلع و هو مضايق و مخنوق علشان

توفيق قطع عليه اللي كان هيعمله

توفيق ل الاء:انا جاي اقولك تجهزي نفسك

أول ما المحامي يجيب الورق اللي هيبقي

في الأملاك بعد ما طبعا هتكون اتكتبت

بإسمنا و كل واحد اخذ حقه المأذون هيجي

علشان نتجوز جهزي نفسك يا عروستي

توفيق خرج و قفل الأوضة علي الاء

وأول ما خرج الاء بدأت تنهار حسنت خلاص  
روحها بتتطلع

الاء بدموع منهارة:اه يا ربي ارحمني يارب و  
انقذني من هنا يارب يارب مالك يجي يارب  
ماااااااااااالك أرجوك تعالي أنت قلت  
هتحميني فين وعدك انت مش قلت أنك  
هتحمينا أرجوك تعالي خدني من هنا مالك  
أرجوك تعالي يارب يارب ارحمني يارب يارب  
مالك يجي يارب

الاء فضلت تعيط و تدعي لحد ما دماغها  
صدعت ونامت

□ Stop□

خلصت حلقة النهاردة اتمني تكون نالت  
إعجابكم

يا تري ايه الخطة اللي جاسر و سامح  
هيعملوها ونعمة هتساعدهم ازاي و في ايه

يا تري مالك هيقدر ينقذ الاء

يا تري إيمان بعد ما عرفت اللي حصل في  
رجلها هتعيش حياتها ازاي بعد كده و ايه  
اللي هيحصل

يا تري ايه توقعاتكم

شاركوني برأيكم وتعليقاتكم الجميلة ولو في  
أي حد عنده أي نقد للحلقة خاصة والرواية  
عمتا اهلا وسهلا بيه ده شئ يسعدني جدا ان  
حد يقدملي نصيحة شكرا ليكم وشاركوني  
برأيكم عايزة أشوف تعليقاتكم سواء نقد او

تشجيع

و شكرا شكرا جدا للناس اللي دعت لي لما  
كنت مخنوقة المرة اللي فاتت بجد شكرا

أحبائي بحبكم جدا جدا أنتم عايلتي الثانية  
بجد عيلتي اللي بتدعمني و تشجعني شكرا  
أحبائي شكرا عائلتي الثانية



مواعيد النشر بإذن الله السبت والأثنين  
والخميس

ممکن تصوتوا ☆ للحلقة فضلا وليس امرا

مع السلامة أحبائي

معاقة لكن أعشقها

بقلم: Alaa Mohamed

معاقة لكن أعشقها

الحلقة الخامسة عشر

أتمني أن تنال إعجابكم

Enjoy

في المستشفى

سماح والدة إيمان: أهدي يا حبيبتي ما  
تعمليش في نفسك كده

إيمان بدموع منهارة: انا بقيت عاجزة بقيت  
عاجزة يا ماما حلمك أنك تشوفيني عروسة  
خلاص اتحطم وبقي رماد

إبراهيم والد إيمان : ليه بتقولي كده بس يا  
حبيبتي إن شاء الله هتتجوزي و تبقي  
عروسة زي القمر

إيمان: أتجوز وابقى عروسة ازاي وانا خلاص  
بقيت عاجزة يا بابا بقيت عاجزة تقدر تقولي  
مين هيرضي يتجوز واحدة عاجزة تقدر تقولي

إبراهيم بدموع ضم إيمان لحضنه:ليه بتقولي

كده بس ده أنتي ألف واحد يتمناكي يا

حبيبتي

حسام بزعيق :أنتي مش عاجزة ولا حاجة

قريب أوي هتعملي العملية و هترجعي زي

الأول بلاش هبل

أدم جه بسرعة أول ما الممرضة بلغتته بحالة

نرمين و انهيارها

أدم:لو سمحتم اطلعوا بره مينفعش

كده...كده حالتها هتسوء اطلعوا بره من

فضلكم

بعد ما طلغوا بره

أدم:لو سمحتي ممكن تهدي وإلا هضطر

أديكي منوم أهدي

إيمان هديت شوية

أدم:ممکن نتکلم شویه

إيمان:انا مش عايزة حد يتكلم معايا انا عايزة  
أموت مش عايزة أعيش مش عايزة أشوف  
نظرة الشفقة اللي في عيون الناس تجاهي  
ولا عايزة أشوف حد بيعايرني ويقول يا عاجزة  
ولا يا مشلولة ولا يا معاقة مش هقدر مش  
هقدر أنا عايزة أموت يارب خدني و ريحني  
من العذاب ده يارب

أدم: أنتي لازم تبقي قوية و تتغلب علي  
المصاعب اللي هتواجهك مش لازم تبقي  
ضعيفة لازم تواجهي الحياة كل واحد فينا  
بتقابلة مصاعب يومية في حياته القوي بس  
هو اللي هيقدر يتغلب عليها و يعيش حياته  
سعيد اما الضعيف اللي مش هيقدر يواجه  
مشاكله المشاكل دي ممكن تزيد وتسبب  
له اكتئاب و هيعيش بقيت عمره

خايف، حزين و وحيد أنا هديكي منوم  
دلوقتي نامي و أهدي و بلاش تفكري  
بسلبية كوني إيجابية و خدي الموضوع ده إنه  
اختبار من ربنا ليكي علشان يشوف قوة  
صبرك و إيمانك بيه

أدم إيداهها المنوم و أول ما اتأكد انها نامت  
طلع من الأوضة أدم أول ما طلع قابل أهل  
إيمان

إبراهيم: طمني يا دكتور إيمان بنتي مالها  
أدم بأسف: للأسف مضطرين نلجأ للحل اللي  
مش كنا عايزين نلجأ له بس للأسف مفيش  
غيره

حسام بإستفهام: اللي هو ايه

أدم: الطب النفسي

سماح بصدمة:ايه يعني بنتي بقت مجنونة

خلاص يا دكتور

أدم بتوضيح:مش معني إن الشخص يروح

عند دكتور نفسي يبقي هو مجنون كلنا

مرضي نفسيين بس بمراحل إيمان محتاجه

دكتور نفسي يشخص حالتها علشان نعرف

نعالجها بطريقة صحيحة و تقدر تتعدي

المرحلة دي انا كلمت دكتور زميلي و قالي

إنه هيتابع حالتها بنفسه ما تقلقوش

حسام:كثر خيرك يا دكتور تعبناك معانا

أدم:مفيش و لا تعب و لا حاجة عن إذنكم

سماح بدموع بتدعي ربنا:يارب يارب بنتي

تقوم بالسلامة يارب



في إيطاليا

في بيت الحجة نعمة

سامح: احنا أسفين جدا يا حجة جينا و عملنا

لك إزعاج

نعمة: إزعاج ايه يا أبني ما تقولش كده ده

انتم منورين البيت

جاسر بأبتسامة: ده بنورك يا أمي

وفجأة وهما قاعدين سمعوا صوت بيصرخ

من الشقة اللي جمبهم

جاسر قام مفزوع من الصوت: نرمين

نعمة: حسبي الله ونعم الوكيل فيه اهو كل

يوم من ده

جاسر: و الله لأدفنه بإيدي

وكان لسه هيقوم يخرج و هو مندفع لبيت  
نرمين سامح مسكه بسرعة

سامح:لاء أهدي كده هياخد جزاءه بس في  
الوقت المناسب أهدي علشان الخطة ما  
تفشلش

جاسر سمع كلام سامح و قعد يفكر بهدوء  
علشان ما يعملش حاجة يندم عليها بعد  
كده

سامح قعد جمبه:أهدي علشان تعرف  
تتصرف وعد مني ليك هنجيب حقها وندمه  
علي كل يوم كان بيعمل فيها كده

جاسر بتوعد لأحمد:وعد أول ما أمسكه  
هخليه يتمني الموت و ما يطلوش

و بعد شوية سمعه صوت الباب اللي  
بيخص شقة أحمد ونرمين اتفتح واتقفل

أول ما سمعوا صوت الباب عرفوا إنه أحمد  
هو اللي خرج لأن نرمين مش بتخرج يبقي  
مفيش غيره أكيد

سامح بأبتسامه:يلا دي فرصتنا

جاسر اوما برأسه بمعني نعم إنها الفرصة  
راحوا علي المطبخ ونطوا من شباك مطبخ  
الحجه نعمة إلي شباك المطبخ الخاص  
بنرمين

دخلوا بكل هدوء و حاولوا إنهم ما يظهروش  
في الكاميرات قبل ما يعطلوها سامح طلع  
الجهاز اللي معاه وعطل الكاميرات اللي  
بداخل المطبخ وجاسر مسك كوباية ورماها  
علي الأرض علشان نرمين تسمع وتيجي  
بسرعة تشوف اللي وقع علشان طبعا هما  
ميقدروش يخرجوا علشان هما كانوا

محددین الكامیرات اللی بداخل المطفب بس  
من خلال نافذة شباك المطفب الذی یخص  
نعمة لكن باقی البیت لاء

نرمین كانت واقعة علی الأرض من الضرب  
كالعادة وهی بدموع منهاره وأول ما سمعت  
صوت حاجة اتكسرت فی المطفب قامت  
وهی بتقاوم الوجع اللی فی جسمها علشان  
تشوف لأحسن یكون حد من الولاد حصله  
حاجة

وأول ما وصلت المطفب شافت الكوبایة  
مكسورة علی الأرض وفجأة لقت حد بیكتم  
بوقها م

نرمین برعب:امممممم امممم

جاسر وهو لسه كاتم بوقها علشان مش  
تصرخ:بس بس أهدي

و شال إيدته من علي بوقها

نرمين وهي بتحاول تاخذ نفسها:أنت مين

سييني

جاسر:هسيبك بس أهدي وأسمعي

نرمين أومأت برأسها بمعني ماشي و جاسر

لفها ليه بهدوء نرمين أول ما شافته حلت

الصدمة علي وجهها

نرمين بصدمة وبفرح مخالط دموع:أنت أنت

جااا جا

جاسر بابتسامة:ايوه انا جاسر

نرمين مدت إيدها لوجه جاسر لكي تتأكد

من وجوده:جاسر أنت جاسر أنت هنا صح انا

مش بحلم أنت هنا قول لي اللي أنت هنا وده

مش حلم

جاسر مسك إيدها اللي علي وجهه:ايوه انا  
هنا مش بتحلمي انا جيت ربنا بعثلي ليكي  
علشان أنقذك من إيد المتوحش ده

نرمين ضمت جاسر لحضنها جامد

نرمين بدموع:أرجوك أوعي تسبني انا تعبت  
أوي

جاسر ضمها أكثر بتملك:عمرى ما هسيبك  
نرمين بدموع:يارتني كنت سمعت كلامك و  
ما تجوزتهوش ياريتني

جاسر:مفيش فائدة من الكلام ده دلوقتي

نرمين بدموع:جاسر انا بتعذب كل يوم كل  
يوم من خمس سنين بشوف كل ألوان و  
أشكال العذاب كل يوم حاجة شكل

جاسر:بس بس أهدي إن شاء الله كل  
العذاب ده هتخلصي منه قريب

نرمين بفرحة:بجد امتي

جاسر وهو ييمسح لها دموعها:قريب قريب  
أوي

سامح:هو الجو الرومانسي ده هيخلص  
امتي علشان عندنا شغل

جاسر بصله بغضب:بس يا بارد

وبعد شوية من الكلام الكتيير اللي نرمين  
كانت بتحكيه لجاسر كأنها ما صدقت تلاقي  
حد تقوله ايوه ايوه انا اللي اتوجعت سنين  
انا اللي كنت بشوف العذاب ألوان انا اللي  
تخليت عن الحب وقولت له امشي روح  
مش عايزاك انا اللي رحت للنار اللي حرقتني  
سنين وسنين انا اللي قلت للعذاب اهلا بيك

انا اللي تخليت عن السعادة والحب والحياة  
ايوه انا انا الغبية اللي اتخدعت بنظرة واحدة  
من شخص كاذب خدع قلبي و موته في  
اليوم الف مرة انا اللي اتخدعت بكلمة حب  
مذيفة انا الموجوعة انا المخدوعة انا الندمانة  
أنا اللي سبت الاجنة ورحت النار برجليا

مع دل كلمة مع كل حرف جاسر قلبه كان  
بينزف كان بيتقطع من الوجد حبيبه  
وصغيرته كانت بتشوف العذاب ده كله كان  
بيندم وبيعاتب نفسه مع كل كلمة مع كل  
حرف انه ما منعهاش بالقوة واخذها خطفها  
حتي لو بالغصب علي الأقل ما كانتش  
هتتعذب العذاب ده كله ما كانتش هتتألم

بأختصار هما الأثنين نفسهم يرجع الزمن  
يرجع الوقت علشان يختاروا الصح يرجعوا  
اللي كان كلنا نفسنا يرجع الزمن كلنا بنقول

لو كنت اخترت ده لو كنت عملت ده ما  
كانش هيحصل اللي حصل كل إنسان غلط  
غلطة وندم عليها بيقول ياريت ياريت يرجع  
الزمن علشان أصلح الغلط ده علشان ارجع  
اللي انا عملته واصلحه بس للأسف عزيزي  
القارئ عمر الزمن ما هيرجع إلا بإرادة الخالق  
عز وجل فاختر قراراتك بحرص و تفكير  
عميق لكي لا يأتي يوما ما وتقول ياريت لو  
يرجع الزمن ياريت لو كنت عملت كذا ياربت  
لو اخترت ده أختر قراراتك بحرص نرجع بقي  
للرواية


سامح:جاسر يلا بسرعة أحمد وصل

جاسر:يلا سلام مؤقتا وعد هاجي لك تاني

نرمين:ماشي سلام بس أرجوك خلي بالك

من نفسك

جاسر أوما لها برأسه وأبتسم ثم ذهب هو  
وسامح كما جاءوا من طريق النافذة



في المخزن القديم

شعبان المحامي: ااه خلاص مش قادر  
أرجوك يا مالك بيه سييني انا معرفش حاجة  
معرفش

كريم: مالك بيه العيال اللي كانوا بيراقبوا  
سعادتك وصلوا

مالك: دخلهم علشان حابب أرحب بيهم  
ترحيب خاص

كريم دخلهم بس طبعا كانوا مضروبين وما  
فيهم حنة سليمة

واحد منهم:مالك باشا أحنا أسفين  
مستعدين نعيش جزم تحت رجلك بس  
أرجوك سبنا نمشي

مالك:ههههههه لا بجد و ما فكرتوش ليه في  
كده قبل ما تفكروا أنكم تلعبوا مع مالك  
صقر المنشاوي بس عمنا خلاص أنا  
هسامحكم

هما:بجد

مالك:بس عندي شرط

واحد منهم:اللي انت عايزه احنا تحت أمرك  
يا مالك بيه

مالك: الاء فين

كلهم بصوا لبعض و سكتوا

مالك:أظن انا سألت سؤال وعايز إجابته

هما:

مالك: امم طيب انتوا اللي اخترتوا لو الذوق  
مفيش منه فايذة عندي طريقة تانية وعد  
هتعجبكم

مالك قام وقلع الجاكت وشمر القميص  
وفي ثانية واحدة كانوا هما الثلاثة واقعين  
علي الأرض من أثر ضربة مالك

مالك:ها تحبوا نكمل كده ولا هتقولوا بالذوق  
واحد منهم:لاء خلاص خلاص هنقول الاء في

.....

مالك:تمام أوي

كريم قول للرجالة تربطهم لحد ما نيحي  
نشوف هنعمل معاهم ايه

كريم شاور للرجالة علشان تربطهم وذهب  
هو ومالك وبعض البودي جارد الخاصين  
بمالك إني المكان الذي تتواجد به الاء

□ Stop□

حلقة النهاردة خلصت اتمني تكون نالت  
إعجابكم

شاركوني بتعليقاتكم عايضة أعرف رأيكم سواء  
نقد أو تشجيع

النشر بإذن الله السبت والأثنين والخميس

ياريت ما تنسوش تصوتوا للحلقة فضلا  
وليس أمرا أحبائي

معاقة لكن أعشقها

بقلم: Alaa Mohamed

معاقة لكن أعشقها

الحلقة السادسة عشر

أتمني أن تنال إعجابكم

Enjoy

وصل مالك ورجالته علي المكان الذي  
تتواجد به الاء

مالك يوجه الكلام لرجالته: انا هنط من علي  
السور علشان أنقذ الاء وأنتم خليكم جاهزين  
عند الإشارة

كريم: أوامرك

مالك نط من علي السور بمنتهي السلاسة  
والرشاقة

ودخل البيت بكل هدوء وطلع الدور اللي  
فوق كان في غرفة في آخر الممر وكانت  
مقفولة بحرص وكمان كان خارج منها صوت

بكاء أول ما سمعه قلبه دق بعنف راح  
بسرعة وحاول يفتح الباب وفتحته ودخل  
وأول ما دخل كانت الصدمة

Alaa

عند مروة التليفون بين جريت بسرعة  
علشان تشوف لو في أخبار جديدة عن الاء

مروة بلهفة:الو

فريدة:الو ايوه يا طنط انا فريدة صاحبة الاء  
انا بكلمها علي تليفونها مش بترد ممكن  
أكلمها

مروة بحزن ودموع:اهلا ازيك يا فريدة الاء  
مش هتعرف ترد عليكي حاليا علشان هي  
مش موجودة

فريدة:مالك يا طنط بتعيطي ليه هي الاء  
حصلها حاجة

مروة بدموع منهاره:الاء اتخطفت يا فريده  
فريده بصدمه و عدم استيعاب:لاء مستحيل  
ازاي ايه اللي حصل مين اللي خطفها و  
خطفها ليه

مروة بحزن:أعمامها خاطفوها علشان الورث  
حسبي الله ونعم الوكيل فيهم

فريده بدموع: طب وهنعمل ايه احنا  
هنسيبهم يخذوها مننا كده يعني

مروة:لا يا حبيبتي إن شاء الله هترجع لنا  
مالك قالي إنه هيرجعها بإذن الله

فريده:إن شاء الله يا طنط انا هقفل دلوقتي  
وأول ما تعرفي حاجة بلغيني لو سمحتي

مروة بحزن:ماشي سلام يا حبيبتي

مروة قفلت مع فريده

مروة بدموع ورجاء لربنا:يارب يا حبيبتني  
ترجعي بالسلامة يارب رجعها لنا بالسلامة  
يارب

Alaa

في إيطاليا

سامح:مهمتنا خلاص قريت

جاسر اوماً له براسه بمعني نعم

جاسر:سامح أرجوك لو حصلي حاجة تخلي

بالك من نرمين والولاد وتوصلهم لمالك

مصر من غير ما حاجة تحصلهم

سامح:ليه بتقول كده أنت اللي هترجعهم

لمالك بنفسك و هترجع حبك و تبدأ حياتك

من أول و جديد

جاسر ابتسم بسخرية:حبي و حياتي اللي هما  
فين دول مستحيل طبعا مستحيل حاجة  
ترجع انا صحيح كان نفسي أشوفها وكنت  
بتمني المحها بس مش حب ابدأ مستحيل  
قلبي يرجع يدق لها من تاني و حتي لو ده  
حصل انا هممنعه مستحيل أرجع ضعيف  
تاني مستحيل اسمح لحد يهني و يجرحني  
من تاني مستحيل

سامح:لا بجد مش حب مش عليا يا حبيبي  
ده انا سمسم أنت مش كنت شايف لهفتك  
عليها شوقك ليها ومشفتش أنت حضنتها  
بتملك ازاي كأنها ملكك كأنك عايز تخبيها  
من العالم كله

جاسر بإنكار:لاء مش كده ممكن بس علشان  
احسسها بالأمان اللي بقالها سنين ما  
شافتهوش بس مش أكثر من كده

سامح: أنت هتجنني صح لو أنت مش بتحبها

ليه عايز تحميها ليه بتخاف عليها ليه ها

جاسر: انا عايز احميها علشان هي زي أختي

وهي كمان بتعتبرني زي أخوها لكن غير كده

لاء ممكن زمان كان فيه حب بس من طرف

واحد هي اللي قررت من سنين إن احنا

نبقي أخوات وانا هحقلها رغبتها و علاقتنا

مش هتتعدني حدود الأخوة

سامح: هتفضل طول عمرك غبي انا غلطان

أني بتكلم مع واحد زيك

قولي صح أنت جبت سيرة لمالك عن أخته

أو أحمد او كده

جاسر: لاء طبعا مالك مجنون ما ضمنش لو

عرف ممكن يعمل ايه ده لو عرف ممكن

يجي يهد الدنيا والخطة تفشل

سامح ضحك بسخرية: ده علي أساس  
أنك أنت اللي عاقل ده أنت أول ما سمعته  
بيضربها كنت هتبوظ لنا الخطة لولاي لو  
مكنتش منعتك كنت هتودينا في داهية  
سامح بغرور مش عارف انا لو ما كنتش  
موجود في العالم ده كنتوا هتعملوا ايه من  
غيري

جاسر :كنا هنعيش عادي زي بقيت الناس  
اللي خلقهم ربنا أنت بس اللي شايف  
نفسك علينا

سامح :لا بجد شوفوا مين اللي بيتكلم  
جاسر باشا اللي بيقول كده اللي موقف  
جهاز المخابرات كلها علي رجل وكل يوم  
يطردله اتنين تلاتة كأنها هواية عنده

جاسر:خليك في حالك انا اعمل اللي علي  
مذاجي

سامح: هموت و اعرف مين المتخلف  
اللي عينك في المخابرات

جاسر :نفس المتخلف اللي عينك

وفضلوا يضحكوا ويتكلموا ويهزروا كمحاولة  
منهم في نسيان الخوف من القادم من  
حياتهم

Alaa

في المستشفى

حسام أخو إيمان واقف خارج غرفة إيمان و  
يتحدث في الهاتف

حسام:أنت فين يا زفت مش ناوي تيجي  
تشوف أختك اللي مرمية في المستشفى

حسن:مش هينفع أصلي سافرت

حسام:سافرت امتي و ليه ما قولتليش

حسن:أصل في واحد صاحبي جابلي شغل في

فندق واضطريت اسافر

حسام:شغل ايه اللي يمنعك تيجي تشوف

أختك وما جتش ليه تشوفها قبل ما تسافر

حسن:ايوه صح كنت جيت علشان أمك

تشوف اللي في وشي و تفرج عليا أمة لا إله

إلا الله

حسام:ما أنت لو بعدت عن الطريق اللي أنت

ماشي فيه ده عمر ما هيحصلك كده بس

اقول ايه ربنا يهديك

حسن بخنقة:سلام دلوقتي علشان عندي

شغل

## حسن قفل مع حسام

شادي صاحب حسن:ايه يا معلم أخوك  
سمعك كلمتين برضوا من بتوع كل مرة

حسن:ايوه مش فاهم ليه مش عايزني أعيش  
كل واحد حر في حياته إيمان سابوها تدخل  
الكلية اللي نفسها فيها وسابوها تشتغل في  
الشركة اللي اخترتها وحسام دخل كلية  
هندسة وبقي مهندس كبير وانا مركون  
علي الرف مفيش حد بيهتم بيا مفيش حد  
مهتم انا عايز ايه مفيش حد مهتم انا قد ايه  
موجوع وبتألم وكل يوم بتعذب مفيش حد  
مرة فكر يسألني مالك محدش فكر يشوفني  
موجوع و قال يهون عليا كلهم دايمًا يلوموني  
ويوجعوني ويكسروني عمر ما حد فيهم فكر  
ياخد بإيدي لبر الأمان كل واحد همه نفسه

وبس

شادي:ايه يا عم النكد ده نكدت عليا ربنا

يسامحك أمسك دي

حسن باستفسار:ايه ده

شادي:ده صنف جديد لسه نازل السوق

هيخليك تطير كده وتنسي أي حاجة وجعاك

هيخلي مزاجك عالي أوي

حسن خدها منه

حسن:قولي يا شادي أنت ليه بتشرب البتاع

ده عايز تنسي ايه مع إن أبوك غني و أنت

معاك فلوس تعيشك طول العمر مبسوط

شادي:بيتهياً لك مش كل حاجة الفلوس في

حاجات تانية في حياتنا أهم من الفلوس

مليون مرة

حسن:ازاي يعني

شادي:انا صحيح معايا فلوس الدنيا بس انا  
مش عايز فلوس انا عايز عيلة نفسي أعيش  
في جو هادي وجميل مع عيلة هادية مش أم  
وأب كل يوم بخناقة جديدة أم همها بس  
لبسها و شكلها وصحابها و منظرها قدام  
الناس وأخر حاجة تهمها ولادها وأب أهم  
حاجة مصلحته و شغله ولاده تعبانين مش  
تعبانين بيروحوا فين بيعملوا ايه ده آخر  
همه في الحياة

حسن:انا بس اللي نكدي واضح إن أنت  
كمان شايل ومعبي يا صاحبي

شادي:معبي بس انا لو فضلت اقول اللي  
جوايا من هنا لحد بكرة عمري ما الوجد اللي  
جوايا هيخلص ولا عمري هرتاح

حسن:ما تيجي نتغير

شادي: تتغير انت اتسطلت ولا ايه

حسن: انا بتكلم بجد علي فكرة

شادي: احنا لو اتغيرنا هنتوجع أوي

حسن: نتوجع بس المهم إن احنا نتغير ونرجع

لحياتنا الطبيعية و نحاول نغير حياتنا

ونشتغل و ننجح لازم نثبت للناس اللي قالت

علينا فاشلة ومش نافعيين في حاجة اللي

احنا أقوي منهم و اتغيرنا ونجحنا في حياتنا

شادي: عندك حق احنا لازم نتغير بس ازاي

اوعي يكون اللي في بالي

حسن: ايوه هو مش قدامنا غيره هنروح

المصحة ده الحل الوحيد ومفيش غيره

علشان نرجع نقف علي رجلينا

شادي بأبتسامه: عندك حق

حسن مد له يده:بكرة هنروح المصححة اتفقنا

شادي مسك إيده وقال بكل حماس:اتفقنا

Alaa

مالك فتح الباب ودخل وأول ما دخل كانت

الصدمة

توفيق:ايه يا مالك باشا أتأخرت أوي بقالي

كتييير مستنيك

الاء:مالك

مالك بص ل الاء بصدمة من منظرها الاء

كانت واقفة علي كرسي ومتعلق في رقبته

حبل

مالك برعب:الاء

توفيق:تؤ تؤ اهدي يا مالك باشا بلاش تهور  
لو حاولت تتهور الأمورة دي هتبقي في عداد  
الأموات

مالك:ايه المطلوب

توفيق:احبك وانت فاهمني كده اولاً لازم  
تخلي رجالتك تسيب المحامي ورجالتنا اللي  
أنت خطفتهم أنا كنت متوقعك أذكي من  
كده بس للأسف طلعت غبي خطفت  
المحامي واتهجمت عليه ده غير الناس اللي  
كانوا بيراقبوك برضوا عملت معاهم نفس  
الحركة بس اللي أنت مش عملت حسابه أي  
حطيت ناس تانية يراقبوا الناس اللي  
المفروض يراقبوك شوفت بقي أي أذكي  
منك

مالك:عندك حق انا طلعت غبي بس مش  
أغبي منك

توفيق بخوف بيحاول يداريه:يعني ايه

مالك:عايزك تعد من واحد لتلاثة كده

وبعديها هتعرف انا قصدي ايه يلا عد يا

توفيق

توفيق: لو فاكر نفسك بتستغل وقت تبقي

غبي

مالك:ابدا الصراحة انا معنديش وقت علشان

أضيعه معاك يلا عد ايه شكلك مش عايز

تعد خلاص أعد انا ولا يهملك واحد..... اتنين

.....تلاثة

وفي لحظة واحدة مالك ضرب توفيق علي

رأسه جابه علي الأرض وفقد الوعي

بس من أثر الضربة الكرسي اللي الاء كانت

واقفة عليه وقع بس مالك مسكها بسرعة

قبل ما الحبل يشتد وتتخفق وتموت ورفعها

وفك الحبل من علي راقبتها وشالها بين  
إيديه وطبعها هي كانت مغمي عليها من  
الصدمة هي خلاص كان في اعتقادها إنها  
هتموت فاستسلمت للموت

مالك نزل بعد ما رجالته رشوا البيت بمواد  
منومة بتخلي أي حد يشمها ينام في ظرف  
دقيقة مالك لبس المسك علشان مش  
يشم الريحه ولبس واحد كمان ل الاء خوفا  
منه إنها تتأذي بسبب الريحه

كريم:مالك باشا العربية جاهزة

مالك:تمام انا هاخذ الاء المستشفى وطبعها  
أنت عارف هتعمل ايه

كريم بأبتسامه ثقة:طبعها

مالك راح العربية نيم الاء ورا وركب وساق  
بأقصي سرعة

□ Stop□

خلصت الحلقة اتمني تكون نالت إعجابكم

في حد سألني سؤال الحلقة اللي فاتت  
وحابه اجابوب عليه علشان الناس كلها تبقي  
عارفة

السؤال هو ليه مالك خطف المحامي ليه  
مش راقبه مثلا

الإجابة هي مالك لو كان مثلا ما خطفش  
المحامي كده وكان راقبه مثلا كان المحامي  
هيجي وكان مالك هيضطر يكتب له الورق  
اللي فيه الأملاك وكان ممكن المحامي بكل  
سهولة يهرب وهما يخطفوا الاء وتمشي  
بعيد عنه وميعرفش يوصلها وكده ما  
استفدش حاجة اداهم الورق وعليه الاء هدية  
هتقولولي طب ليه ما هو ممكن كان يضحك

عليه ويكتبه ورق مزور صح معاكم حق  
بس هو ميقدرش يعمل خطوة زي دي هو  
ما يضمنش ممكن يعملوا ايه في الاء لو  
عرفوا إن الورق مزور هو ابدأ ميقدرش  
يضحي بيها اتمني تكون الإجابة وصلت

ولو حابين أوضح أي حاجة تاني أو حابين  
تسألوا علي حاجة ده شئ يسعدني جدا جدا  
أتشرف بأسئلتكم الجميلة دي وبالنسبة  
لموضوع مالك والمحامي هو ضحه أكثر من  
كده في أحداث الحلقات القادمة إن شاء الله

وبالنسبة للناس اللي بتقولي الحلقات  
صغيره وكده أنتوا عارفين انا الحلقة الواحدة  
بس بتاخذ معايا يوم كامل كتابة أنا بكتب  
مية سيناريو وأكتب حاجة وأرجع اقرأ  
الفصل الاقي حاجات لاء مش نافعة أروح

مسحها وأعيد الكتابة أنتوا متعرفوش انا  
بتعب قد ايه علشان تطلع الرواية بالأبداع ده  
ده غير الحاجات الثانية اللي بعملها الشعر  
والألقاء والرواية وغيره وأسفة مش بلحق أرد  
علي التعليقات كلها بس مشغولة جدا جدا  
والله اتمني تعذروني و شكرا جدا جدا علي  
تعليقاتكم الجميلة دي بجد بتسعدني أوي  
اوي ولو في حد عنده سؤال او نقطة عايزني  
أوضحها يقول وأكد انا هوضح كل حاجة

شاركوني برأيكم

ما تنسوش التصويت للحلقة فضلا وليس  
أمرا

مع السلامة أحبائي أراكم الحلقة القادمة

معاقة لكن أعشقها

بقلم: Alaa Mohamed

معاقة لكن أعشقها

الحلقة السابعة عشر

أتمني أن تنال إعجابكم

Enjoy

مالك وصل المستشفى

مالك دخل وهو شايل الاء

مالك بعصبية: أنتوا يا بهائم عايز دكتور هنا

بسرعة

دكتور: يا أستاذ مينفعش كده أنت في

مستشفى

مدير المستشفى جاي يجري بسرعة: مالك

باشا أهلا وسهلا المستشفى نورت ثانية

وهجيب سرير علشان تحط الأنسة

مالك: لاء شكرا أنا هشيّلها

مدير المستشفى: ماشي سيادتك اتفضل  
بعدين دخل مالك والدكتور وراه وبدأ يكشف  
عليها ومالك طبعا كان مضايق جدا منه  
ونفسه يضربه بس حاول يهدي علشان مش  
قدامه حل تاني

الدكتور: لو سمحت ممكن تخرج برا

مالك بنظرة شر: بتقول حاجة

الدكتور بخوف: ابدا يا فندم

مالك: بحسب

الدكتور بعد ما خلص

الدكتور بيوجه كلامه لمالك: واضح إنها  
اتعرضت لصدمة عصبية أو حالة من الخوف  
والفزع وده كان نتيجة للأغماء اللي حصلها  
مالك: طب هي هتفوق أمتي

الدكتور:للأسف دخلت في غيبوبة ومضطرين  
نحطها في العناية تحت الملاحظة وللأسف  
الغيبوبة ملهاش وقت محدد

مالك:مفيش حاجة اسمها كده انا مستعد  
أدفع مال الدنيا كله مقابل إن هي تفوق  
سامعني اعمل أي حاجة بس هي تفوق  
الدكتور بكل هدوء:يا أستاذ مالك الحكاية  
مش فلوس الحكاية إن هي مش عايزة  
تتقبل الواقع عقلها رافض تماما يرجع كأنها  
مستسلمة للموت وعايزة تهرب من الحياة  
بس في حل بينجح غالبا

مالك:حل ايه قول بسرعة أنت هتنقطني  
بالكلام

الدكتور:حضرتك ممكن تكلم معاها تتطمئنها  
تحسسها إن هي في أمان وإن الخطر خلاص

مش موجود وتخلي أي حد بتحبه يتكلم  
معاها يطمئنها تفكروها بذكريات حلوة  
تخلوها عايزة ترجع تاني وتحب الحياة

مالك: ماشي تقدر تروح دلوقتي

الدكتور: عن إذناك

بعد ما الدكتور خرج مالك جاب كرسي وقعد  
جمب سرير الاء وفضل قاعد وهو بيتأمل  
ملاحها قد ايه باينة زي الأطفال

مالك تنهد بتعب

مالك: ااه خلاص تعبت بجد تعبتييني من  
ساعة ما دخلتي حياتي وأنتي قلبتيها رأسا  
علي عقب مش عارف اعمل ايه طول  
الوقت عقلي وقلبي مشغولين بيكي ليه  
القدر حطك في طريقي ايه هدفه ليه قلبي  
بيدق كده ويبقي مبسوط لما يشوفك ليه ها

تفتكري ممكن أكون.....ايه لا لا مستحيل لا  
يارب يارب ارحمني يارب من العذاب ده  
يارب

بعد شوية مالك افتكر كلام الدكتور فقدر  
يستفذهها ويشوف ردة فعلها

مالك بيحاول يعصب الاء علشان يشوف  
هتعمل ردة فعل او لاء وبصوت شبه  
عالى:غبية ومجنونة وعنيدة شوفي وصلتينا  
لأيه قلتك ما تنزليش من البيت لكن لا ازاي  
برنسيس الاء لازم تمشي اللي في دماغها  
وتكسر كلامي وقرب من ودانها علشان  
تسمعه أكثر ورحمة أبوكي لأندمك علي عدم  
سماع كلامك مش طفلة زيك هي اللي  
تعصي كلامي وبص علي ملامحها اللي  
بدأت تبان كأنها منزعجة ليكمل كلامه  
ويضايقها أكثر ايوه طفلة و وعد هتشوفي

عقاب عمرك ما شوفتية ولا هتشوفيه في  
حياتك كلها وعد من مالك صقر المنشاوي

و...

مالك تليفونه بيرن ليقطع كلامه ويشوف  
مين بيتصل

مروة بخوف: الو ايوه يا مالك وصلتوا لحاجة

مالك بتذكر إنه ما اتصلش بمروة  
يطمنه □♂: ايوه الحمد لله الاء بخير أسف  
بس معرفتش اقولك عالطول علشان  
انشغلت بالاء

مروة: عادي ولا يهملك المهم هيا بخير

مالك: الحمد لله بس للأسف جتلها صدمة  
عصبية ودخلت في غيبوبة

مروة بصدمة: ايه يا حبيبتي يا بنتي قولي أنت  
في مستشفى ايه عايزة اجي اشوفها

مالك:ايه لاء مفيش زيارات دلوقتي بكرة إن

شاء الله انا هاجي أخدمك أنتي وزياد

مروة:ماشى ياريت تخلي بالك منها يا أستاذ

مالك لو سمحت

مالك:مش محتاج حد يوصيني علي حاجة

ملكي

مروة:ايه

مالك:قصدي ما تخافيش عليها

مروة:ماشى شكرا ليك مع السلامة

مالك:سلام

في الوقت اللي مالك كان بيكلم مروة دخلت

ممرضة علشان تغير المحلول وكانت

سامعة المكالمة

الممرضة:مممكن اسأل حضرتك سؤال

مالك:.....مردش عليها

الممرضة:ليه حضرتك قتلها مفيش زيارات  
دلوقتي مع إن حضرتك مدير المستشفى  
يعني تقدر تدخل اللي أنت عايزه في الوقت  
اللي تحبه

مالك:عندك حق ممكن أعمل كده ممكن  
أكسر القوانين وادخل اللي انا عايزه في  
الوقت اللي احبه وممكن كمان أطرده من  
شغلك لو اتدخلتي في حاجة مش تخصك  
تاني

الممرضة:أسفة عن إذتك

بعد ما الممرضة طلعت مالك سأل نفسه  
وقعد يفكر في السؤال اللي الممرضة قالته

مالك في نفسه:عندها حق انا ليه عملت كده  
ليه قتلها مفيش زيارات مع إن عادي انا  
مممكن كنت دخلتها ما انا مدير المستشفى  
ليرد قلبه بالإجابة:علشان عايزها تبقي ليك  
بس ومحدث يشوفها غيرك طول الفترة  
اللي فاتت وأنت مهتم وخايف وغيران  
وحريص عليها حتي أكثر من زياد

مالك يوجه سؤال لقلبه:طب ليه ليه بعمل  
كده

قلبه:علشان بتحبها مفيش جواب غير ده  
مالك بنفي:لا انا مش بحبها انا خلاص  
موتك من زمان ومستحيل أرجعك تدق لحد  
تاني وتوجعني تاني مستحيل

قلبه:انا ما موتش انا عايش جواك وبدق....  
زمان حد جرحني ووجعني وأنت موتني

سنيين بس دلوقتي مش هتقدر لأن جه  
شخص ورجعني للحياة وانت مش هتقدر  
تمنعه

مالك:لاء هقدر وهمنعك بأي طريقة حتي لو  
كانت الأنتحار

خلص الحوار اللي بين مالك وقلبه وطلع  
مالك من أوضة الاء علشان ما يضعفش  
قدام قلبه ويعترف بحبه ليها

Alaa Mohamed

حسن وشادي راحوا المصححة وهما واقفين  
قدام باب المصححة قبل ما يدخلوا  
حسن يوجه كلامه لشادي:احنا واقفين هنا  
دلوقتي بس واحنا مدمنين عايزين نخرج من

هنا واحنا ناس تاني مستعد نبدأ الرحلة

الصعبة دي

شادي بأبتسامه:المهم إنك أنت تكون

مستعد

حسن:أكيد

ودخلوا المصححة لتبدأ رحلة الوجد والألم

والتعب والعلاج

Alaa Mohamed

في المستشفى التي تتواجد بها إيمان

إيمان قاعدة في أوضتها صامته تتأمل الفراغ

ليدخل شخص مجهول من دون استئذان

شريف دخل بأبتسامة قفل الباب وجاب  
كرسي وقعد عليه :اهلا انا أسمي شريف  
ممکن اتكلم معاكي

إيمان نظرت له بأستغراب

إيمان في نفسها:دخل أوضتي من غير ما  
يستأذن وكمان عايز يتكلم معايا ايه البجاجة  
دي

شريف :طبعاً بتقولي عليا بجح بس دي  
طبيعتي أعرفك بنفسي انا شريف دكتور  
هنا في المستشفى وعالفكرة مش مرتبط  
إيمان :وانا ما سألتكش وياريت تتفضل برا

شريف بأبتسامة أكثر :أنتي مرتبطة

إيمان بعصبية وصوت عالي :اطلع برا

شريف قام وقف واتعصب :صوتك

ميعلاش عليا

إيمان خافت منه شكله كان يرعب وهو  
متعصب إيمان بصوت مبحوح:أأنت فففاكر  
أنك لو عملت كده وعليت صوتك هخاف  
يعني مش انا اللي بخاف

شريف اتعصب أكثر وإيمان خافت أكثر  
وفضلت السكوت

شريف بأبتسامه :ايوه كده شطورة أحبك  
وأنتي هادية

إيمان بصدمة من تغيره السريع:أنت ازاي  
بتتحول بسرعة كده

شريف :أنتي لسه ما شوفتيش حاجة

كنا بنتكلم في ايه اه كنت بسألك أنتي  
مرتبطة

إيمان:.....

شريف :لو مجاوبتيش علي سؤالي هتحول

تاني بس أوحش وهتبقي جنيتي علي

نفسك

ها أسمع الإجابة

إيمان هزت رأسها بمعني لاء

شريف :شكلي هبدأ اتعصب فهمت ايه انا

من هزت رأسك انا عايز اسمع

إيمان بصوت واطي:لاء

شريف: ايه ما سمعتش

إيمان علت صوتها:لاااا

شريف:خلاص فهمت من أول ما هزيتي

رأسك لازم تأكدي لي تلت مرات يعني

إيمان اتعصبت وجابت آخرها خلاص بس

مش عايزة تبين لأحسن يقلب

إيمان:دكتور شريف

شريف :عيون وقلب دكتور شريف

إيمان:مممكن تنادي دكتور آدم لو سمحت من

برا

شريف :هو انا مش عاجبك ولا ايه

إيمان بكذب :لا خالص بس عايزاه ضروري

علشان تعبانة شوية علشان حاسة إن في

حاجة أو حد كاتم علي نفسي

شريف:طبعا أكيد في حاجة هتكتم علي

نفسك طالما قاعدة في الأوضة الكئيبة دي

تحبي تتمشي شوية

إيمان في اللحظة دي عيونها دمعت

شريف:مالك هو انا قلت حاجة غلط

بتعيطي ليه

إيمان بدموع:أصل أنت قلت تتمشي

شريف:طب وايه الغلط

إيمان بدموع:أصل انا عملت حادثة ومش

هعرف أمشي علي رجلي تاني

شريف:انا أسف

إيمان:لا عادي انا خلاص حياتي وقفت مش

هروح الشغل تاني ولا هعرف أخرج تاني

وكمان مش هعمل فرح زي ما انا عايزة ولا

هكمل الدكتوراه خلاص كل أحلامي اتهدمت

وادمرت

شريف:ليه بتقولي كده أنتي ممكن تعملي

كل ده عادي جدا مش علشان حادثة هتهدي

أحلامك أنتي ممكن تشتغلي في البيت

وتدرسي في البيت وإذا كان علي الخروج  
اجي أخرجك كل يوم ولا يهملك يا جميل وإذا  
كان علي العريس واقف قدامك اهو

إيمان بضحكة عالية: بالبساطة دي

شريف: طبعا ده انا شريف وممكن

تدلعييني شيفو علي فكرة

إيمان: طيب يا أستاذ شيفو اولاً اتشرفت  
بمعرفتك ثانياً معندناش بنات للجواز أنت  
مرفوض

شريف: ماشي ولا يهملك هيجي الوقت  
وتتحايلي عليا علشان أقبل ابصلك

إيمان: ده في أحلامك بس

شريف بثقة: هنشوف عن إذناك

إيمان: مع السلامة يا أستاذ شيفو

وطلع شريف من أوضتها وراح أوضة آدم

أدم:ايه المهمة تمت

شريف بثقة:تمت وبنجاح

□ Stop□

حلقة النهاردة خلصت أتمني تكون نالت

إعجابكم ☺

مفيش اسئلة النهاردة هسيبكم تخمنوا أنتوا

بس في سؤال حابه اسئله في حد مر في

حياتكم قبل كده زي دكتور شيفو

شاركوني برأيكم وشكرا جدا علي تشجيعكم

وتعليقاتكم العسل بجد بتسعدني جدا جدا

إن شاء الله مواعيد النشر السبت والأثنين

والخميس ☺

حابه اقول لكم حاجة قبل ما أسيبكم

ممکن تقولولي رأيكم في عملي الثاني هو  
مش رواية ولا قصة دي مناقشة هناقش  
معلومات ومواضيع من الكتب مع بعض لو  
حابين تعرفوا أكثر ادخلوا علي حسابي  
وهتلاقوه اسمه ببساطة اتمني الفكرة  
تعجبكم قولولي رأيكم في الفكرة فضلا وليس  
امرا

ما تنسوش تصوتوا للحلقة★ من فضلكم

لو سمحتم

معاقة لكن أعشقها

بقلم: Alaa Mohamed

معاقة لكن أعشقها

الحلقة الثامنة عشر

أتمني تنال إعجابكم

Enjoy

في المستشفى

طلع شريف من أوضة إيمان وراح أوضة آدم

أدم:ايه المهمة تمت

شريف بثقة:تمت وبنجاح

أدم:قول بسرعة عملت ايه حسنت إنك دكتور

نفسى أو حاجة

شريف:ولا عمر هيجي في بالها أني دكتور

نفسى

أدم:كويس أوي ورأيك ايه في حالتها قالت لك

ايه اتكلمتوا في ايه

شريف:ايه يا عم براحة عليا أستني أخذ  
نفسى الأول وبعدين أنت فاكر أني هقولك  
ببساطة كده

أدم:يعني ايه

شريف:يعني تطلبنا حاجة ناكلها ما انا أكيد  
مش هتكلم وانا علي لحم بطني مثلا

أدم:طول عمرك طففس

شريف:هو في أحلي من الطفاسة يا دومة

أدم:أطلب أنت لحد ما أروح أطمئن عليها

واجي

شريف:ماشى بس أنت اللي هتدفع

أدم:يا خربيت البجاجة

خرج أدم من مكتبه ودخل أوضة إيمان وأول

ما دخل لقاها بتعيط

أدم: في ايه مالك أنتي كويسة

إيمان بدموع وسخرية: كويسة .. كويسة ازاي

وانتوا فاكريني مجنونة ورايحين تجيبوا لي

دكتور نفسي فاكرني مش هعرف

أدم بهدوء: كويس أنك عرفتي ياريت بقي

تبطلي جنان

إيمان: جنان جنان ايه هو انا مش من حقي

ازعل واحدة هتعيش بقيت حياتها عاجزة

عايزها تعمل ايه يعني

أدم: لما كل شوية تقولي انا عاجزة أموت ده

مش جنان وياريت ما تقوليش عاجزة أنتي

مش عاجزة ولا حاجة وبعدين مين قال لك

أنك هتعيشي حياتك كده أنتي هتعملي

عملية وهتبقي كويسة

إيمان:وأنت مالك اصلا أموت ولا أعيش شئ

مش يخصك

أدم:لاء يخصني علشان بب

إيمان:علشان ايه

أدم:علشان أنتي مريضة عندي و انا لازم

أعالجك

إيمان:لو سمحت اطلع برا انا عايضة أنا

أدم سابها وخرج علشان مش يضغط عليها

أدم بيأنب نفسه:غبي غبي ليه سكت ليه ما

قولتش كان عندك فرصة وضيعتها يا عالم

هتيجي فرصة تاني امتي لاء وكمان جرحتها

أكثر واتهمتها بالجنان غبي

أدم راح مكتبه وهو لسه متعصب وبيأنب

نغسه

شريف:ايه يا معلم مالك

أدم:أسكت خالص مسمعش صوتك قعدت  
تقولي عمرها ما هتعرف عمرها ما هتحس  
أني دكتور نفسي وعملتلي فيها سوبر مان  
وفي الآخر عرفت وكشفتك يا غبي

شريف بدهشة:بجد ازاي بس انا مجبتش  
سيرة ولا لمحت لها حتي تلاقيها سمعت حد  
من عليتها وهما بيتكلموا في الموضوع  
أدم:مش عارف بقي المهم اللي هي عرفت  
ونفسياتها أزدات سوء

شريف:ما تخافش عمرها ما هتزداد سوء وانا

موجود

أدم:لما نشوف اه اعمل حسابك الأكل اللي  
طفحته ده هتدفع حسابه ماشي مش كفاية

بوظت لي الدنيا وكمان عايزني أدفع الحساب  
وخرج آدم من المكتب ليمر علي المرضي

آدم وهو خارج:عالم بجحة

شريف:بتقول حاجة يا دومي

آدم:ايه دومي انا الدكتور آدم عز الدين بقيت

دومي

شريف:عادي جدا ما انا من شوية كنت

شيفو بس بمذاجي طبعاً

آدم:شيفو طيب يا أخويا كل ونصف الطريزة

وروح علي عيادتك أرجع الاقي المكتب بيبرق

وما تكونش موجود سامعني

شريف بهمس:ليه كنت الخدمة اللي

جبهالك أبوك

آدم:بتقول حاجة

شريف:بقول ترجع بالسلامة يا حبيبي

أدم:ما تنساش تكلمني بليل لسه ما

خلصناش كلامنا

شريف قعد بتكبر وخط رجل علي رجل:بليل

علي حسب الصراحة اصلي مش فق جناية

النهاردة

أدم خرج من مكتبه وشريف كمل أكل

ومشي من غير ما ينضف المكتب

Alaa Mohamed

في أوضة إيمان

إيمان نايمة علي المخدة ودموعها غلي

خدها وبتفتكر كلام حسام ومامتها

فلاش باك

إيمان كانت عاملة نفسها نايمه علشان  
تسمع هما بيذكروا في ايه تاني من وراها

سماح والدة إيمان:الدكتور آدم قال لك  
الدكتور النفسي ده هيجي امتي

حسام:بكرة إن شاء الله

سماح:هو اسمه ايه الدكتور ده

حسام:شريف تقريبا

سماح: ربنا يجعل في إيده الشفا ويعرف  
يخرجها من اللي هي فيه يارب


حسام:اللهم آمين

إيمان كانت بتسمعهم وعنيها دمعت نفسها  
تصرخ نفسها تطلع كل اللي جواها


إيمان في نفسها:يارب أرحمني يارب من  
العذاب ده رجلي مش هقدر امشي عليها  
تاني و دلوقتي جابولي دكتور نفسي يا تري  
لسه الدنيا هتعمل فيا ايه تاني أكثر من كده  
يارب أرحمني يارب من البلاء ده ربي لا  
اسئلك رد القضاء ولكني اسئلك اللطف فيه

باك

إيمان بدموع بتترجي ربنا:يارب ارحمني يارب  
أرجوك



Alaa Mohamed



في المستشفى عند الاء

مروة بدموع:هي هتفوق امتي

مالك:الدكتور بيقول دخلت في غيبوبة ويا

عالم

هتفوق منها امتي بس قال إن احنا لازم  
نتكلم معاها ونفكرها بذكريات حلوة نقولها  
حاجات تخليها تحب الحياة وتبقي عايزة  
ترجع

مروة:ماشي شكرا ليك بجد لو مكنتش معانا

وأنقذتها معرفش كان ممكن يحصلها ايه

مالك:مفيش داعي للشكر ده واجبي عن

إذتك لازم اروح دلوقتي علشان عندي شغل

وهرجع تاني بليل وأي حاجة تحتاجيها اطلبي

من أي حد المستشفى كلها هنا تحت أمرك

مروة:كثر خيرك يا أستاذ مالك

مالك:ماشي عن إذتك

Alaa Mohamed

مالك نزل من المستشفى وراح مكان شبه  
البيت المهجور

مالك قاعد علي كرسيه بتكبر

مالك:امم ايوه يا توفيق فكرني كنت بتقول  
علي ايه كده كنت بتقول غبي صح

توفيق:لا العفو يا مالك باشا أنت الغباء  
نفسه

مالك اتعصب وضرب توفيق بوكس في وشه

عادل برجاء لمالك:خلاص يا مالك باشا  
أرجوك سيب أبني واضربني انا مش مهم  
لكن سيب عمر وتوفيق الله يرضي عنك



الفيلم كان عبارة عن تسجيلات الكاميرا اللي

كانت في الأوضة المحبوسة فيها الاء

مالك:ايه رأيكم أتمني يكون عجيبكم

وبنظرة شر والله لأدفعكم تمن كل دمعة

نزلت منها وراح عند عمر وضربه بوكس

قوي

مالك لعمر:إذا كان أهلك ما عرفوش يربوك

أربيك انا بس بطريقتي

وضربه بوكس تاني

مالك يوجه كلامه لكريم:كررريم ممنوع حد

يقدم لهم أكل او شرب لحد ما اقول وياريت

تقول الرجالة يتوصوا بتوفيق وعمر

وخصوصا عمر

كريم:أوامرك يا مالك بيه

مالك مشي راح ركب العربية

في العربية

مالك يوجه كلامه للسائق:روح علي البيت

السائق:اوامرك

مالك سند رأسه لورا لتعيد ذاكرته الذكري

المؤلمة

فلاش باك

مالك بعد لما خرج من أوضة الاء بيتكلم في

التليفون

مالك:الو

كريم:مالك باشا احنا لاقينا إن في كاميرات

فعلا في الأوضة اللي كانت محبوسة فيها

أنسة الاء

مالك:حلو أوي أبعثهم لي فورا

كريم:تمام

كريم بعث لمالك الفيديوهات ومالك كان  
بيتفرج علي الاء وهو حزين وبيأنب نفسه إنه  
مش عرف يحميها كان شايف قد ايه كانت  
بتعيط وخايفة ووحيدة وكان مبسوط وطاير  
من الفرحة لما سمعها بتدعي ربنا إنه يجي  
وينقذها وتوعد لعمر وتوفيق لما شافهم  
عملوا فيها ايه

مالك بتوعد ليهم:والله لأدفعكم التمن غالي  
وأوريكم مين مالك صقر المنشاوي

باك

السائق:مالك باشا مالك باشا

مالك:ايه

السائق:وصلنا يا فندم

مالك:اه ماشي

مالك نزل من العربية

دخل البيت وكان طالع أوضته علشان يغير  
هدومه ويروح المستشفى ليقاطعه صوت  
أحد ما قبل صعوده

كريمة والدة مالك:مالك

مالك بابتسامة راح عندها

مالك وطي وباس إيدها ورأسها:ازيك يا ست  
الكل عاملة إيه

كريمة بسخرية:وانا همك في ايه إذا كنت

كويسة أو لاء أو حتي مت

مالك:ليه بتقولي كده بس

كريمة:أنت مش ملاحظ أي مش كنت

بشوفك خالص الفترة اللي فاتت تمشي

الصبح قبل ما نصحي وترجع بليل بعد ما

أنام كأنك مستقصد أتي مش أشوفك

مالك:لا والله مش كده بس أنتي عارفة

الشغل ومشاكله معلش وعد هعوضك

كريمة:ولا تعوضني ولا زفت انا زعلانة منك

مالك:ليه كده يا كوكي بس يرضيكي مالك

حبيبك ينام زعلان ومهموم علشان أنتي

زعلانة منه

كريمة بحنية:لا ميرضنيش بس لو عايزني

أسامحك عندي شرط

مالك:أنت تشرط براحتك يا جميل وانا أنفذ

كريمة:تقعد معايا النهاردة نتعشي سوا

مالك بتفكير هو مش عايز يزعلها وفي نفس

الوقت لازم يروح ل الاء المستشفى فكر إنه

ممکن یقعد معها لحد ما تنام وبعديت  
يروح ل الاء

مالك: ماشي موافق بس بشرط

كريمة: ابتدينا اشروط وخلصني

مالك: تطبخي لي بايدك يا كوكي زهقت من  
أكل المطاعم

كريمة: من عنيا يا عيون كوكي

كريمة عملت لمالك الأكل ومالك ساعدها  
واتعشوا سوا وبعد ما كريمة نامت مالك  
لبس بسرعة وراح ل الاء

Alaa Mohamed

في إيطاليا

في منزل نرمين وأحمد

أحمد لنرمين: انا مسافر كام يوم لو عاوزه  
حاجة الحراس واقفين برا أطلبي منهم اللي  
أنتي عايزاه

نرمين: ماشي

أحمد: مفيش ترجع بالسلامة

نرمين: لا مفيش

أحمد اتعصب وخذ شنطته وخرج

نرمين بعد ما مشي: عايز يضربني ويهني  
وكم ان ا قوله ترجع بالسلامة وأكون سعيدة و

مبتسمة

نرمين سمعت حاجة اتحدت علي شباك  
المطبخ فعرفت إنه أكيد جاسر راحت

بسرعة المطبخ وفتحت الشباك وجاسر نط

من شباك نعمة لشباك مطبخ نرمين

جاسر:ايه مشي

نرمين:ايوه

جاسر:تمام اتتوا لازم تسافروا مصر النهاردة

نرمين:نسافر طب ازاي الحراس برا

والكاميرات في كل حته هنخرج ازاي

جاسر:مفيش حل غير نط من الشباك

وشاور علي شباك المطبخ

نرمين بصدمة عايزنا نط من شباك المطبخ

أنت مجنون

جاسر:مفيش حل تاني وبعدين المسافة

مش كبيرة كلها متر ومتخافيش أكيد مش

هسيبيكم تقعوا يعني

نرمين:أمري لله

□ Stop□

الحلقة خلصت أتمني تكون نالت إعجابكم  
كان نفسي أكتب لكم مشهد تاني بس عيني  
وجعاني أوي النهاردة بعذر

ما تنسوش تشاركوني برأيكم حابه أعرف  
توقعاتكم للأحداث القادمة مع السلامة  
أحبائي

بالنسبة لكتاب ببساطة أول فصل هينزل  
بكرة إن شاء الله أتمني تتابعوه لأن بجد  
هتستفادوا هتلاقوه علي حسابي الشخصي  
اللي علي واتباد ده عملي التاني اتمني  
تتابعوه بجد هيعجبكم وبجد هتستفادوا  
النشر بإذن الله هيبقي يوم السبت والأثنين  
والخميس

معاقة لكن أعشقها

بقلم: Alaa Mohamed

معاقة لكن أعشقها

الحلقة التاسعة عشر

أتمني تنال إعجابكم

Enjoy

في إيطاليا

في المساء

جاسر: بس قبل ما نخرج لازم نعمل حاجة

نرمين: ايه

جاسر: جاب مليكانات شبه نرمين واسر واية

ولابسين نفس لبسهم

جاسر: لازم نخط دول مكانكم علشان الحراس  
اللي بيراقبوا الكاميرات ما يستغربوش من  
اختفائكم ويشكوا في حاجة

نرمين: طب وهنعمل كده ازاي

جاسر: اولاً روعي هاتي ايه وأسر هنا وبعدين  
انا هطلع واحاول اعطل الكاميرات لمدة  
خمس دقائق في الخمس دقائق دول هنكون  
حطينا المليكانات و هربنا

نرمين: طب ما هما لما يلاقوا الكاميرات  
اتعطلت هيشكوا

جاسر: لا متخافيش الجهاز ده هيبين لهم إن  
العطل من عندهم هما

نرمين اومأت رأسها بمعني ماشي وراحت  
جابت ايه وأسر وجاسر وسامح ثبتوا حاجة  
بين شباك نعمة ونرمين عبارة عن خشبة

علشان يعرفوا يعدوا ويوصلوا لشباك نعمة  
سامح اخذ الولاد وعدي بيهم اما جاسر طلع  
وعطل الكاميرات وحط المليكانات ومكانهم  
ورجع الكاميرات وخرج هو ونرمين

في منزل نعمة

جاسر: احنا لازم نتحرك دلوقتي

نرمين: طب هنخرج ازاي والحراس برا

سامح: ما تخافوش سيبوا الموضوع ده علينا

نرمين هتعملوا ايه

جاسر وسامح لبسوا مسكات علي وشهم

علشان ملامحهم مش تبان وفتحوا الباب

وخرجوا

جاسر وهو متخن صوته شويه ولبس لبس  
واحد كبير:لو سمحت تعرف دكتور قريب من  
هنا علشان مراتي تعبانة وعايزة دكتور بسرعة

الحارس:لا يا حج مش عارف

وفي ثواني طلع جاسر وسامح بخاخات مخدر  
وخذروا الحراس ومن حسن حظهم إن أحمد  
مش مركب كاميرات علي الباب

بعد ما خدروهم أخذوا نعمة ونرمين والولاد  
ونزلوا وراحوا المطار

في مطار روما

جاسر:أول ما توصلوا مصر هتلاقوا عربية  
هتوصلكم القصر وأنتي يا حجة نعمة تقدري  
تقعدي في شقتي لحد ما تشوفي مكان  
تقعدي فيه

نعمة:والله يا ابني ما عايزة اتقل عليك

جاسر:لاء متقوليش الكلام ده أنتي ليكي  
فضل كبير بعد ربنا طبعاً في إننا نوصلهم  
نعمة:لا يا أبني لا فضل ولا حاجة ده واجبي

سماح:يلا قبل ما الطيارة تفوتكم

نرمين لجاسر:مع السلامة وأرجوك طمني  
وخلي بالك من نفسك أخمد أول ما يعرف  
مش هيسكت

جاسر:ما تخافيش المهم أنتوا توصلوا  
بالسلامة

نرمين ونعمة والولاد أسر وأية دخلوا علشان  
يركبوا الطيارة بعد ما مشيوا

سامح:يلا بينا

جاسر:مش عارف ليه قلبي مش مرتاح

سامح: ما تخافش رجالتنا معاهم ولو

حصلهم حاجة هيبعلغونا

جاسر: ربنا يستر علي اللي جاي

سامح وجاسر طلعا من المطار ليبدأوا

خطوتهم القادمة

Alaa Mohamed

في المصحة

شادي: ااه مش قادر خرجوني من هنا

حسن بيتكلم بصعوبة ومش قادر يستحمل

بس بيحاول يبقي قوي: لاء يا شادي لازم

نستحمل لازم

شادي: مش قادر همووووت

الدكاترة جاينين وهما بيجروا لما سمعوا  
صوت صراخ شادي

الممرضين مسكوا شادي علشان يدوه  
مسكن للألم وبعد ما أخذ المسكن سيطر  
عليه النوم ونام

الدكتور لحسن: أنت كويس

حسن اوما برأسه بنعم

الدكتور: ياريت تفضل مستحمل كده

كده هتخف أسرع لو أخذت مسكن مش  
هيفيدك وهتخف ببطء لازم تتغلب علي  
نفسك

حسن اوما له برأسه بكلمة نعم

الدكتور: بالشفاء إن شاء الله

بعد ما خرج الدكتور

حسن طلع حبوب كانت معاه وبلعها قبل ما

حد يشوفه

حسن فلاش باك

قبل ساعتين حسن كان في الحمام ويبرجع

وكان بيتوجع كان بينهار وبيعرق بطريقة

رهيبة في الوقت ده دخل عليه ممرض

الممرض:ايه ده مالك شكلك تعبان أوي

وقرب من ودنه وبهمس أمسك الحباية دي

وهتبقي كويس

حسن اخدها منه وبلعها وهدى

حسن:أنت عملت كده ليه

الممرض:يعني أشوفك بتتعذب وأسيبك

حسن:وأنت بتعمل مع الناس كلها هنا كده

الممرض:مفيش حد بيخرج من المستشفى

الا وهو مدمن أكثر من الأول كمان

حسن:وأنت ليه مش عايظنا نخف

الممرض:يا باشا أنتوا لو خفيتوا احنا هناكل

منين احنا فقراء وده أكل عيشنا ويدوبك

الفلوس اللي بناخذها بتعيشنا بالعافية ولو

وقفتموا وخفيتوا احنا هنجوع والبلد دي

هيبقي فيها مجاعة أنت عارف إن ربع شباب

البلد بيشتغلوا الشغلانة دي وبيسترزقوا

منها ولو أنتوا خفيتوا هنجوع يا باشا

حسن:طب وليه ما أنت شغال اهو في

المستشفى وممرض وأكيد بتقبض من

المستشفى

الممرض بسخرية:بقبض كام يعني ٢٠٠

جنيه اللي بيرموهم في وشي كل أول شهر

ولما أعيش حياتي بالمتين جنيه أعيش أُمي  
وأبويا وأخواتي منين ها تقدر تقولي

حسن:عندك حق

الممرض:اتفضل

حسن:ايه ده

الممرض مد ايده بشريطين برشام:اتفضل  
يا باشا دول هدية مني ليك

حسن:لا مش عايز

الممرض:أمسك بس هتحتاجهم

حسن بضعف أخذهم منه بعد ما الشيطان  
اللعين وسوس له طبعاً

حسن طلع فلوس من جيبه وأعطاها له:انا  
هخذهم منك بس مش ضعف مني لا انا  
حباب أساعدك بس اتفضل

الممرض:كثر خيرك يا باشا

حسن:بالنسبة لشادي لو لقيتك أديت له

حاجة هفضحك في المستشفى كلها

سامعني

الممرض:مش هديله بس ليه

حسن:هو لازم يخف لازم علي الأقل حياة

واحد فينا تكون كويسة

الممرض:مش مقتنع بس ماشي

الممرض خرج وحسن خرج وراه بشوية

باك

حسن يببص علي شادي

حسن:انا أسف بس أنت لازم تخف علشان

تساعدني انا كمان أخف أنت لازم تقوم وتقف

علي رجلك أرجوك أنا اللي قويتك وقلتك

لازم نروح ونخف ونرجع نشتغل ونقف علي  
رجلينا ونثبت نفسنا بس انا فشلت  
وضعفت لكن مستحيل أسيبك تفشل  
وهساعدك لحد ما تخرج وتقف علي رجلك

Stop

أسفة بعنذر طبعا المفروض كان فيه حلقة  
امبارح ومنزلتش ونزلت النهاردة وطبعا  
قصيرة بس تليفوني مهنج وكل شوية يقفل  
معرفتش أكتب حاجة كتبت دول بالعافية  
وكمان انت فاصل بعنلكم الحلقة دي من  
الباقة والله أسفة أول ما التليفون يخف  
ويرجع زي الأول وربنا يهديه عليا علشان لو  
باط مستقبله هيضع وربنا يهدي شركة  
we وترجعلنا انت هنزلكم حلقتين أو ثلاثة  
في يوم واحد بس ادعولي ربنا يهدي التليفون  
والشركة

مع السلامة

معاقة لكن أعشقها

Alaa Mohamed:بقلم

معاقة لكن أعشقها

الحلقة العشرين

أتمني أن تنال إعجابكم

Enjoy

في المستشفى عند الاء

مالك قال للسواق بتاعه ياخذ مروة وزياد  
ويوصلهم البيت وهو دخل وقعد جمب الاء  
علي الكنبة المواجهة بس غلبه النوم

بعد شوية

الاء ابتدت تفوق وفتحت عنيا وبصت  
حاوليا عرفت إنها في المستشفى وفجأة  
باب الأوضة اتفتح ليدخل زياد

الاء بأبتسامة: زياد

زياد بينهت واضح إنه كان جاي جري وباين  
التعب علي وشه

الاء برعب من منظره: زياد مالك بتنهت كده  
ليه في ايه

زياد بدموع: الحقيني عايزين ياخدوني  
هياخطفوني الحقيني مش تسببهم ياخدوني

الاء: هما مين دول اللي عايزين ياخدوك

وبدون سابق إنظار يدخل ثلاث رجال  
مسلحين

الاء بخوف: أنتوا مين وعايزين منا ايه

لينظروا إلي زياد وليمسك أحدهم يديه بقوة  
ويحمله ليأخذه معهم

زياد بصراخ: لاء سيبوني الاااااااا

الاء: زياد لاء ماتخدهوش وتلاحظ الاء مالك  
اللي نايم علي الكنبه ومش حاسس بحاجة  
الاء بصراخ: مااااالك قوم مااااالك الحق زياد  
ماااالك

مالك قام من النوم مفزوع من صوتها لقاها  
نايمة وبتصرخ بأسمه

مالك بيحاول يفوقها: الاء الاء قومي واضح  
أنها بتحلّم أعمل ايه دلوقتي مالك قرب من  
ودنها ومسك إيدها علشان تحس بالأمان  
وتبطل تصرخ

مالك بهمس جمب ودنها وماسك إيدها: بس  
أهدي انا هنا ما تخافيش أرجوكي أنا جمبك

لتهدي الاء تلقائيا وتبدأ تفتح عينيها اللي  
مليانة دموع من أثر الحلم وتبص حوليها  
وتفتكر اللي حصل في الحلم وتقوم بسرعة

الاء بدموع مسكت إيد مالك اللي كانت  
ماسكة إيدها:زياد مالك زياد أتخطف مالك  
الحقه أرجوك مش هستحمل حاجة تحصله  
أرجوك الحقه هما خطفوه

مالك مد إيده الثانية ومسح دموعها:بس  
أهدي مفيش حاجة أنتي كنتي بتحلمي زياد  
كويس أهدي

الاء بدموع وعدم تصديق:لاء مش كويس انا  
شفته كان بيصرخ وبينادي عليا وفي ثلاثة  
كده شبه الدولار أخذوه وهو كان خايف  
منهم

مالك :شبهه الدولاب لاء ما تخافيش مفيش  
دولابات دخلت هنا محدش يقدر يدخل هنا  
وانا موجود

الاء:بص بقي مش وقت هزار و تكبر وغرور  
قولي الحقيقة زياد بخير ولا لاء

مالك:زياد بخير ما تخافيش

الاء بعدم تصديق:لاء أنت كداب مش  
مصدقك

مالك :أعملك ايه علشان تصدقي يعني

الاء:هات أكلمه

مالك برفض وتكبر:لاء

الاء :ليه

مالك:أخليكي تكلميه بأمانة ايه أنك  
سمعتي كلامي ومنزلتيش من غير أذني



الاء:

مالك قلبه حن وصعبت عليه هو كان  
بيتقطع وهي بتعيط بس كان عايز يعاقبها  
مالك مد إيده ورفع رأسها ومسح دموعها  
مالك: خلاص ما تعيطيش خدي كلميه بس  
العقاب لسه مش أنتهي سمعاني  
الاء بدموع: موافقة بأي عقاب بس خليني  
أكلمه

مالك أداها الموبايل

والاء خدته بسرعة واتصلت بزياد

زياد بصوت نعسان: ألو

الاء بفرحة لأنه رد: ألو زياد

زياد بفرحة: الاء أنتي فوقتي

الاء بتساءل عن حالته:ايوه أنت كويس  
طمني عليك

زياد:الحمد لله انا كويس المهم أنتي عاملة  
ايه انا كنت خايف عليك اوي

الاء:لا يا حبيبي متخافش انا كويسة

زياد بحماس:انا هروح أصحي خالتو ونجيلك  
حالا

الاء:لا يا حبيبي مش تيجوا دلوقتي الساعة ٢  
دلوقتي مش هتلاقوا عربيات ابقوا تعالوا  
الصبح

زياد:ماشى خلي بالك من نفسك

الاء:ماشى وأنت كمان يلا سلام

زياد:سلام

الاء قفلت مع زياد وأدت التليفون لمالك

الاء بشكر لمالك:شكرا

مالك بأبتسامة:العفو

وبعد شوية الاء بدأت تفتكر اللي حصلها  
وبدأت تعيط

مالك عمل نفسه زهقان من عياطها علشان  
يعرف بتعيط ليه بس بطريقة غير مباشرة:ها  
ايه تاني

الاء بدموع:لو سمحت سبني في حالي مش  
عايزة أتكلم مع حد وبعدين أنت مين قال  
لك تقعد معايا أطلع برا لو سمحت

مالك بتكبر:انا أقعد في المكان اللي يعجبني

الاء :ليه هي كانت المستشفى بتاعتك

مالك:ايوه بتعتي

الاء :خلاص لو مش عايز تطلع هطلع انا

مالك بتوعد: لو جربتي تتحركي من مكانك  
شوفي هعمل فيكي ايه  
الاء بعند: هتعمل ايه يعني

الاء قامت وحاولت تفك المحلول من إيدها  
بس خايفة

الاء في نفسها: لاء مش هينفع لازم اتغلب  
علي خوفا عادي هتطلع دم شوية وخلاص  
يارب ساعدني جتلها فكره إن هي ممكن  
تاخذ المحلول معاها حاولت تشيلها من  
الأرض بس ثقيلة وهي تعبانة اصلا ودايخة  
وحاولت تاني بس مالك مسكها

الاء بعصبية: أبعد عني

مالك ما ردش عليها وشالها وحطها علي  
السريـر

الاء بعند:سبني عايضة أمشي من  
المستشفى المتخلفة بتاعتك دي

مالك بتحذير:ما أسمعش صوتك

مالك ضغط علي جرس التنبيه علشان حد

يجي

وفي ظرف دقيقة جت الممرضة

الممرضة:حضرتك تؤمر بحاجة

مالك بنظرة توعد ل الاء وبيوجه كلامه

للممرضة:روحي هاتيلي حبل

الممرضة بعدم استيعاب للي قاله:أفندم

مالك بعصبية:ما سمعتيش قلت ايه هاتيلي

حبل

الممرضة بخوف:حاضر فورا حضرتك

بعد خمس دقائق الممرضة جت ومعاها

الحبل

مالك بنظرة توعد ل الاء:أطلعي برا وأقفلي

الباب

الممرضة بتبص ل الاء بشفقة:بسسس

مالك بعصبية:قلت برا!!!!

الممرضة طلعت وقفلت الباب لينظر مالك

ل الاء بتوعد

الاء بتبعد بخوف ورعب

الاء بخوف بتحاول تداريه وتبين إنها

قوية:أنت فاكر أنك كده هتخوفني أنا مش

بخاف

مالك بتوعد:هنشوف دلوقتني هتخافي ولا لاء

مالك جاب حبل وربط إيديها ورجليها الأثنين  
والاء كانت بتترجاه وبتحاول تفك نفسها  
وحاولت تعضه أكثر من مرة بس مالك كان  
المتحكم بعد ما ربطها راح قعد علي الكنبه  
المواجهه ومسك اللابتوب بتاعه وما اهتمش  
بترجيها ليه

الاء ببراءة:يا أستاذ مالك ممكن أفهم انا  
عملت ايه علشان تعمل فيا كده  
مالك:لا ابدأ ما عملتيش حاجة غير أنك بس  
ما سمعتيش كلامي وخرجتي من غير أذني  
وقمتي من علي السرير رغم أني قلت لاء  
وظلعتيلي لسانك وعليتي صوتك عليا بس  
كده

الاء:هو أنت أنقذتني علشان تيجي تربطني  
هنا مش كفاية كنت مربوطة هناك مش  
فاهمة الصراحة هي الناس ليه بتحب

تربطني أوي كده هو انا حمار ولا كلب لو

فكيتوه هيجري

مالك بسخرية:لا لسمح الله مين قال كده انا

لو كنت سايب كلب ومش رابطه وقتله

خليك هنا كان هيسمع الكلام

الاء:ها ها ها

بعد شوية الاء جتلها فكرة

الاء في نفسها:عندي فكرة انا هقوله أني

جعانة ولما يروح يجيب لي أكل هدوس علي

جرس الإنذار وأي حد يجي أخليه يفكني

ويشيل المحلول من إيدي وأهرب بعد كده

الاء:أستاذ مالك ممكن طلب

مالك:أفندم

الاء:انا جعانة أوي

مالك:عايزة ايه

الاء:عايزة بيتزا وشيكولاتة وبيبسي وبطاطس  
وكاتشب

مالك بصدمة:كل ده هتاكلييه لوحك

الاء :ايون

مالك:مسك التليفون واتصل بحد

الاء:اوبس لو كان اتصل ببتاع الدليفري يبقي  
الخطه كده باظت أكيد اتصل ببتاع الدليفري  
يا غبية يعني رجل أعمال هيجيب الأكل  
بنفسه غبية

وفي لحظة الباب اتفتح ودخل واحد معاه  
طرابيزة أكل

الاء بصدمة أول ما شافت الأكل:ايه ده

مالك:زي ما أنتي شايفة شربة خضار ولبن

الاء:بقولك عايذة بيتزا وشوكولاتة تقولي شربة

خضار ولبن

مالك:كلي وأنتي ساكتة

الاء بتذمر:لاء بقي مش كفاية ربطني وكمان

عايزني أكل شربة خضار وبعدين مش بحبها

مالك بتوعد:لو ما كلتيش وأنتي ساكتة

هيبقي في حاجة اسوأ من الربط

الاء كانت لسه هتطلع لسانها وتعانده بس

اتراجعت في آخر لحظة واضطرت تاكل وهي

ساکتة خوفا من القادم خلاص عرفت إن

مالك مش بيهدد وبس

في المستشفى عند إيمان

في أوضة إيمان

في مكتب آدم

أدم قاعد وبيفكر بصمت

أدم في نفسه: انا هروح اقولها بحبك واللي  
يحصل يحصل طب لو رفضت بس برضوا  
هبعي جربت وخلص بس لاء بلاش خليني  
أكسب قلبها الأول علي الأقل لما أقلها  
بحبك توافق ايوه لازم أكسب قلبها وأخليها  
تحبني

وبينما أدم شارد في أفكاره بدون سابق إنذا  
يدخل حسام أخو إيمان  
حسام بخوف: دكتور أدم إيمان مش في  
أوضتها

أدم بصدمة: ايه ازاي

حسام: مش عارف انا سبتها ورحت أجيب لها  
أكل رجعت مش لاقيتها

أدم:طب تعالي معايا نشوفها

وراحوا أوضة إيمان وفعلا مش كانت  
موجودة أدم نادي علي الممرضة

الممرضة جت بسرعة

الممرضة:نعم يا دكتور

أدم بعصبية:تقدري تقوليلي الأنسة اللي هنا  
فين انا مش طلبت منك تخلي بالك منها ها

الممرضة بأسف:أسفة يا دكتور

أدم بعصبية:أسفة هيفدني أسفك انا ايه  
دلوقتي أنتي مرفودة يا أنسة حذاري أشوفك  
في المستشفى تالي أو حتي معديّة من قدام  
الباب حتي اطلعي برا

حسام بخوف:هتكون راحت فين ياربي أقول  
لبابا وماما ايه دلوقتي لما يسألوني عليها  
أقولهم اختفت

أدم:أهدي يا حسام وخلينا نفكر بعقل

حسام:أهدي أهدي ايه بس

وفجأة الباب يتفتح ليدخل دكتور شيفو وهو  
شاييل إيمان

أدم وحسام أول ما شافوهم اتصدموا  
والأتنين عايزين يضربوا شريف أو يطحنوه

شريف:اتفضلي يا أنسة أي خدمات تاني

إيمان:لاء شكرا ☺

حسام بزعيق وعصبية :كنتي فين يا هانم

إيمان ببراءة طفولية:كنت خارجة مع دكتور

شيفو

حسام مسك إيمان من ودنها:أخذتي إذن مين

علشان تخرجي مع دكتور زفت

شريف:أنت مسكها كده ليه وبعدين انا اللي

غلطان انا اللي أجبرتها هي مش كانت عايضة

تخرج أسبها محبوسة في المستشفى

والأوضة الخنيقة دي يعني وبعدين انا جيت

لاقيتها بتعيط قلت أخرجها تغير جو

أدم بعصبية:مين سمحك تعمل كده انا

الدكتور بتاعها وأقول أمتي تخرج وامتي لاء

إيمان بعصبية:أنتوا بتتكلّموا معاه كده ليه

علي الأقل هو الوحيد اللي حس بيا وحس

اللي انا مخنوقة وفهم انا عايضة ايه أفهم

زعلانين ليه بقي مش كنتوا عايزين تخرجوني

من الحالة دي هخرج ازاي من الحالة اللي انا  
فيها وانا في المستشفى والأوضة الكئيبة  
شريف:معلش يا حبيبتى هما ناس حقودين  
عايزة حاجة مني قبل ما أمشي

إيمان ☺: لاء شكرا

شريف :سلام أشوفك بكرة يا قمر

إيمانأبتسامة رفعت إيدها  
لتوديعه:باي دكتور شيفو

شريف قبل ما يخرج بعتلها بوسة في الهوا  
وخرج يجري قبل ما أدم وحسام يلحقوه

♂ □

إيمان بعد ما شريف خرج:تصبحوا علي خير  
ياريت تطفوا النور وتخرجوا بره علشان عايزة  
انام قبل ما دكتور شيفو يجي تاني بكرة

خرج حسام طلع بره ولقي إنه يسيب إيمان  
علشان حالتها الصحية هو ما صدق شافها  
بتضحك ورغم ذلك توعد لشريف اما  
بالنسبة لأدم فضل يأنب نفسه ازاي مش  
كان فاهمها شريف فهمها أسرع منه  
وحققها طلباتها وخلاها مبسوطه وهو مش  
شافها غير من يومين بس اما هو شافها من  
أسبوعين ومقدرش يرسم الأبتسامه  
والسعادة دي يا تري هيقدر يكسب قلبها  
ولا خلاص شيفو احتله

في المستشفى عند الاء

الاء بعد ما خلصت أكل نامت من التعب  
ومالك كان بيراقبها طول الوقت وأول ما  
شافها نامت راح عندها وفك الحبل من علي  
إيدها ورجلها كذلك وجاب مرهم ودهنه لها

إيدها ورجلها علشان مش تورم وراح نام علي  
الكنبة المواجهه وهو بيبص عليها بترقب  
مالك:مجنونة وهتجنيني معاكي يا تري  
هعمل ايه معاكي في أيامي اللي جاية اه  
يارب ساعدني يارب وصبرني علي المجنونة  
ديه يارب وراح في نوم عميق

في إيطاليا

تليفون جاسر بيرن

جاسر بنعاس:الو

المتصل:.....

جاسر بصدمه:.....

□ Stop□

خلصت الحلقة أتمني تكون نالت إعجابكم

وأظن طويلة اهي زي ما وعدت

هسيبيكم تخمنوا أنتوا ومش هقول اسئلة

علشان ما أحرقش الحلقات شاركوني

بتعليقاتكم وعايزة أعرف توقعاتكم

النهاردة هنلعب لعبة حلوة هختار لكم

شخصية وتقولولي لو كنتوا مكانها كنتوا

هتعملوا ايه والشخصية هي (أدم) لو كنتوا

مكانه كنتوا هتعمله ايه سواء في أحداث

حلقة النهاردة او بعد كده شاركوني برأيكم

النشر بإذن الله السبت والأثنين والخميس

ممکن تصوتوا للحلقة فضلا وليس أمرا

مع السلامة

معاقة لكن أعشقها

بقلم: Alaa Mohamed

معاقة لكن أعشقها

الحلقة الحادية والعشرون

أتمني تنال إعجابكم

Enjoy

في إيطاليا

سامح يوجه كلامه لجاسر:جهاز التنصت

اتعطل

جاسر بتساءل:الجهاز اللي قلنا لنرمين تركبه

في تليفون أحمد

سامح بأسف:للأسف ايوه

جاسر بتساءل:طب مش هينفع يرجع

سامح:ينفع بس هياخد وقت كبير

جاسر:مش مهم المهم يتصلح لو ما  
اتصلحش مش هنعرف أحمد بيعمل ايه ولا  
ناوي علي ايه والدنيا هتبوظ

سامح:هحاول

بعد شوية تليفون جاسر بيرن

جاسر:ألو

المتصل:ايوه يا جاسر باشا أستاذة إيمان  
والحجة نعمة اختفوا ومش لاقينهم  
جاسر بعصبية:يعني ايه يعني ايه اختفوا ها  
هو انا مش قلت ما يغبوش عن عينكم  
لحظة

المتصل:ايوه يا باشا احنا كنا بنراقبهم فعلا  
بس فجأة قبل ما يطلعوا الطائرة كان فيه  
زحمة وضاعوا مننا

جاسر بوعيد: قدامك نص ساعة نص ساعة  
علشان تلاقهم يا اما ما تلومش غير نفسك

المتصل: حاضر يا باشا

جاسر قفل التليفون وهو متعصب ومرعوب

سامح بتساءل: ايه اللي حصل

جاسر بعصبية: المخبرين اللي بعتنهم  
علشان يخلوا بالهم من نرمين والولاد ونعمة  
ويراقبوهم لحد ما يوصلوا مصر تاهوا منهم  
وسط الزحمة ويبدوروا عليهم

سامح بيحاول يطمئه: ما تخافش إن شاء

الله نلاقهم

جاسر: يارب

في المستشفى عند الاء



الاء بتبعد بخوف:مش انا انا كنت بشرب  
مالك بسخرية وعدم تصديق:لا والله بتشربي

الاء ببراءة:ايوه

مالك بوعيد:انا هوريكي تشربي ازاي كويس

مالك مسك إزازه مايه ويبجري بيها ورا الاء

الاء طلعت علي سريرها بخوف:لاء خلاص  
آخر مرة مش هعمل كده تاني بص انا هقعد

هادية خالص ومش هعمل كده تاني بس  
بليبيز سبني مش هعرف أجري والبتاعة دي

في إيدي بص أول ما أخف ودي تتشال من  
إيدي أبقى خد حقك زي ما أنت عايز قشطة

مالك:قشطة تصدقي صعبتني عليا عندك

حق

الاء بدموع تماسيح:ايوه شفت



مروة جريت علي الاء وحضنتها:حبيبتي حمد  
الله علي سلامتک يا روعي

الاء حضنت مروة جامد كأنها كانت محتاجة  
الحضن ده هي اه بتظهر إنها فرحانة  
وبتبتسم بس من جواها نار قايدة

زياد:حمد الله علي سلامتک

الاء:الله يسلمک يا حبيبي

مروة بتساءل:أستاذ مالك هو الدكتور مش  
قال لك هتخرج أمتي من المستشفى ديه

مالك:بليل إن شاء الله

مروة:طب الحمد لله

مالك :لو سمحتي انا هاخذ الاء وزياد يعيشوا

معايا

مروة بنفي:ايه لا طبعا مش هينفع

مالك بعند:أسف بس انا مش هسيبهم تاني  
بعد اللي حصل وانا الواصي عليهم والقانون  
يسمحلي أني أخذهم يعيشوا معايا في أي  
وقت

الاء برفض:لاء مستحيل انا مستحيل أعيش  
معاك في بيت واحد ده علي جثتي

مروة:ازاي بس يا أستاذ عايزها تعيش معاك  
إذا القانون يسمحك بده فالشرع والدين ما  
يسمحش بده الاء مش أختك ولا مراتك ولا  
بنتك أنت محرم عليها مينفعش

مالك:ومين قال أني هخالف شرعي أو ديني  
الاء وزياد هيجوا معايا القصر وهيعشوا مع  
والدي وانا اصلا مش بكون في البيت معظم  
الوقت وأغلب الوقت بسافر أما بالنسبة  
لوالدي فنفس النظام هو مسافر طول  
الوقت أو في الشغل يعني مش هيشفوه

اصلا وإذا كان عليا أنا هاخذ شقة لوحدي  
وأعيش برا المهم أني مش هسيبهم يعيشوا  
هناك تاني

الاء برفض:لاء لاء مستحيل أروح القصر ده  
علي جثتي أنت واصي علينا مش متحكم  
فينا احنا أحرار

مالك بعند وإصرار:انا قلت اللي عندي  
وكلامي هيمشي برضاكي أو غصب عنك انا  
همشي دلوقتي وهرجع اخذ الاء وزياد بليل

بعد ما مالك خرج

الاء بعصبية:غبي ومستفز

مروة:الاء أهدي بلاش مشاكل وفعلا هو  
عنده حق هو الوحيد اللي يقدر يحميكم أنتوا  
لازم تروحوا وبعدين قال لك هو هيعيش برا

الاء:يا خالتو

مروة: خلاص بقي بلاش مشاكل أنتي عارفة  
ممکن يعمل ايه الأحسن تقعدني ساكتة  
علشان هو كده هياخدكم هياخدكم برضاكم  
أو لاء وبعدين متخافيش لما تروحي هناك  
خدي زياد واقفلوا علي نفسكم وانا هكلمكم  
كل يوم

الاء بدموع: انا مش فاهمة أنتوا ازاي أهلنا  
ماما سبتنا ويا عالم راحت فين وأنتوا كأنكم  
عايزين تخلصوا مننا وأعمامي خطفوني  
وعايزين ورثنا انا مش فاهمة الدنيا دي عايزة  
مننا ايه انا خلاص عايزة أموت

مروة بلوم: احنا يا الاء احنا عايزين نخلص  
منكم احنا بس خايفين عليكم ومالك مش  
سهل وأنتي عارفة هياخدكم يعني هياخدكم  
حتي لو الدنيا كلها وقفت قصاده

الاء: خلاص يا خالتو خلاص احنا اصلا مش  
بقي لينا حد غير ربنا والحمد لله لو سمحتي  
عايزة أنام يا عالم امتي هيجيلي نوم تاني بعد  
اللي هيحصل

مروة وزياذ سابوا الاء تنام بس طبعاً هي  
مش قدرت تنام فضلت دموعها علي خدها  
وبتفكر يا تري القدر مخبي لها ايه يا تري  
مخبي لها سعادة عمرها ما حلمت بيها ولا  
كابوس عمرها ما هتطلع منه

في المستشفى عند إيمان

أدم دخل غرفة إيمان وهو مبتسم وجايب لها  
فطار

أدم بأبتسامه: صباح الخير والسعادة علي  
وردة المستشفى

إيمان بخجل: صباح النور

أدم وهو بيقدم لها الفطار بأبتسامه: اتفضلي

إيمان بتسأل: ايه ده

أدم وهو بيشاور بإيده علي الحاجة اللي

بيقولها: زي ما أنتي شايفة فطار نوتيل

وتوست وعصير

إيمان بفرحة: واو نوتيل ده انا بحبها أوي

أدم: هي بتحبك أكثر

إيمان بخجل: ايه

أدم: قصدي طيب الحمد لله كنت خايف

لتكوني مش بتحبها

إيمان بأبتسامه: لا بحبها

أدم: طيب اتفضلي كلي

إيمان أخذت منه صنبة الأكل وكانت لسه  
هتمد إيدها وتاكل ليدخل أحد الغرفة من  
غير أستئذان

يدخل شريف مع أبتسامته الذي ترافقه  
شريف بأبتسامة: صباح الخير علي أحلي  
شيكولاتة ووردة في الوجود وطلع شيكولاتة  
ووردة من جيبه وأداهم لها

إيمان بخجل: دول ليا شكرا

شريف: أي خدمة

أدم: أحم

شريف: ايه ده دوما حبيبي معلش مش  
شوفتك ووجه كلامه لإيمان يلا كلي بسرعة  
علشان نتفرج علي الفيلم

إيمان:

أدم:شريف ممكن نتكلم ثواني برا

شريف:اه طبعا عن إذتك يا إيمي هشوف  
دوما عايز ايه وأجيلك جري

أدم وشريف خرجوا برا

أدم:ممكن أفهم في ايه بينك وبين إيمان

شريف فاهم يقصد ايه بس مش عايز  
يبين:يعني ايه في ايه مريضة عندي وبعالجها

أدم بعدم تصديق:لا بجد عايزني أصدق إن  
الخروجة والشيكولاتة والدلع ده مجرد علاج

شريف:ايوه مجرد علاج بس مش ليها ليك

أدم بتساءل:يعني ايه

شريف:أنت فاكرني غبي ومش فاهم لاء أنا

فاهم فاهمك كويس أنت بتحب إيمان

وبتحبها أوي ما هو مفيش دكتور بيهتم

بالمريضة بتاعته كده انا من أول ما كلمتني  
عنها وشايف لهفتك حبك خوفك مشاعرك  
تجاهها انا دكتور نفسي مش لاعب بازل انا  
أقدر أفهم الناس من نظرة واحدة

أدم بتساءل: طلاما عارف أني بحبها ليه عملت  
فيا كده

شريف: علشان تحس وتتعترف لها بحبك أنت  
ما عملتش ولا حاجة خلتها تحس بس مجرد  
إحساس أنك بتحبها عملت كده علشان  
تغيير وتبدأ تكسب قلبها وتعرفها أنك بتحبها  
بس أنت غبي وما بتفهمش

أدم: صدقتي أنا حاولت كتيير حاولت أكسب  
قلبها بس بفشل وبتراجع

شريف: بص يا أدم أنت صاحبي وانا فاهمك  
كويس بس أنت لو بتحبها بجد مش هيكون

عندك التردد ده لو بتحبها بلاش تتردد  
وحاول تكسب قلبها حارب الدنيا علشانها  
القدر أراد إنها تعمل حادثة وأراد إن اللي  
خبطها يسبها ويمشي ومش يساعدها  
علشان تيجي أنت تساعدها وتقابلها  
وتخطف قلبك

أدم حزن شريف بشدة:شكرا ليك بجد أنت  
صاحب جدع أسف أني شكيت فيك أسف  
شكرا ليك ووعد أني أحاول أكسب قلبها بس  
عايزك تساعدني

شريف بأبتسامه:أكيد بص أنت أدخل عندها  
دلوقتي وخذ الفيلم ده وأتفرج عليه معاها  
وحاول تسألها بتحب ايه بتكره ايه حاول  
تتكلم معاها

أدم:طب لو سألت عليك

شريف: قول لها جالي شغل ضروري

أدم: بجد أنت أجدع صاحب

شريف بأبتسامه: وأنت كمان يلا سلام

أدم: سلام

شريف مشي وأدم دخل لإيمان

أدم بأبتسامه: اتفضلي جبت الفيلم نتفرج

عليه

إيمان بتساءل: امال دكتور شريف فين

أدم بإجابة: عنده شغل ضروري فمشي

إيمان بحزن: اممم ماشي

أدم بحماس: يلا نتفرج علي الفيلم

إيمان: لاء خلاص مش عايزة تعبانه شوية

وعايزة أنام

أدم بتفهم: ماشي عن إذتك

وخرج أدم وبرضوا ما نفذش اللي قال عليه

في عربية شريف شريف ماشي بالعربية

بسرعة ومضايق جدا من نفسه ووقف

العربية عند المكان اللي بيرتاح فيه البحر

ليبدأ الحوار بينه وبين قلبه

شريف: غبي غبي ليه عملت كده ليه سبتها

لغيري يا تري هقدر اسيبها لأدم هقدر

أشوفها معاه هقدر لاء لاء مش هقدر أنا

خلاص بموت حكمت عليها وعلي نفسي

بالتعاسة أدم ايوه بيحبها بس يا تري هيقدر

يسعدها زي ما يسعدها هيقدر أدم متردد

ومش عارف يسعدها ولا حتي فكر يتقدملها

ولا يكسب قلبها بأي طريقة تفتكر هيقدر

يسعدها أنت مش بتشوفها لما بتكون

معاك بتكون في قمة السعادة هي هي

عمرها ما بتبقي سعيدة معاه دايمًا بشوفها  
مضايقة وأول ما بتشوفني بتبتسم وتبقي  
سعيدة هسيبها هسيبها بعد ما خلاص  
الوقت فات وكسبت قلبها انا خايف خايف  
حد فينا يجرح قلبها وهي بريئة مش  
هتستحمل مش كفاية اللي مرت بيه انا في  
أختيار صعب أختار الحب اللي مستنيه بقالي  
كتييير ولا أختار صاحبي وعشرة عمري اااااه  
ياربي أرجوك ساعدني أنا تعبت أوي طيب ليه  
هي ليه مثلاً مش حد تاني يارب ساعدني  
أرجوك وبعد تفكير طويل قرر إن القرار اللي  
أخذه هو الصح إنه هيساعد صاحبه علشان  
يكسب قلبها ويخليها تحبه وطلع زي مدونة  
ملاحظات من جيبه وبدأ يكتب معاناته  
ليه ليه يا قلبي حكمت عليا أكون تعيس  
حكمت عليا بالعذاب أستنيك من زمان

علشان تدق ووقت ما جه الوقت ودقيت  
هتخلي عنك هتخلي عن أحلامي حبي  
وحياتي سعادتي وأملي في الحياة بيقولوا أني  
بداوي المريض وبرسم ضحكة علي وش  
الحزين طب وأنا مين مين اللي هيرسم  
ضحكة علي خدي وقلبي اللي اتجرح مين  
هيدويه كانوا بيقولولي نار الحب قاسية ما  
صدقتش وقتلهم الحب ده إحساس جميل  
كنت بتمني الحب من زمان واهو الحب جاني  
وحرقني بنار بتحرق بلاد حرقني وجرحني  
وحطني في اختيار يا أما الحب يا أما الصداقة  
وانا للأسف هختار الصديق وحبي هشوفه  
بس من بعيد لا بينا كلام أو حتي سلام وداعا  
يا قلبي وداعا يا حبي وداعا يا أحلي

الذكريات هـ

□ Stop □

الحلقة خلصت أتمني تكون نالت إعجابكم

عايزة أعرف توقعاتكم للقادم شاركوني

بتعليقاتكم ☺

ما تنسوش تصوتوا للحلقة فضلا وليس أمرا

مع السلامة

النشر بإذن الله السبت والأثنين والخميس

معاقة لكن أعشقها

بقلم: Alaa Mohamed

معاقة لكن أعشقها

الحلقة الثانية والعشرون

أتمني تنال إعجابكم

Enjoy

في إيطاليا

سامح بفرحة: جاسر الجهاز أتصلح

جاسر بلهفة: شغلة بسرعة

سامح شغل الجهاز

سامح: واضح إن في مكالمة لأحمد دلوقتي

وخطوا الساعات بسرعة علشان يسمعوا

فاليريو: تم تجهيز البضاعة هل أنتم جاهزون

للتسليم

أحمد: نعم إن المركب ستصل ليلا أريدك أن

تكون جاهزا في الوقت

فاليريو: نعم إذن لنلتقي ليلا

أحمد: إلي اللقاء

سامح وجاسر شالوا السماعات من علي

ودنهم

سامح مسك تليفونه ليتصل باللواء عاصم

سامح:الو سيادة اللواء التسليم النهاردة يا

فندم

عاصم بتحذير:تمام لازم تكونوا جاهزين مش

عايز غلطة يا سامح

سامح:أكيد تمام سيادتك

سامح قفل التليفون

جاسر بيوجه كلامه لسامح:سامح انا مش

هتحرك خطوة واحدة قبل ما اطمن علي

نرمين والولاد قتللك اهو

سامح بعدم أستيعاب:أنت بتقول ايه دي

عملية خطيرة ولو فشلنا عارف هيحصل ايه

آلاف الناس هتموت أطفال وكبار وأنت همك  
مصلحتك وبس فوق بقي

جاسر بعصبية: أنت عايز ايه عايزني أضحي  
بيهم صح انا مستحيل أضحي بيهم فاهمني

سامح بعصبية: ما اتضحيش بيهم لكن  
تضحى بالألاف من الناس اللي هتموت انا  
بقلك اهو لو العملية دي فشلت هيبقي  
بسببك والناس اللي هتموت دول حقهم في  
رقبتك

جاسر قعد وخط إيده علي رأسه بضيق  
وسامح قعد جمبه ليهون عليه

سامح: جاسر أسمعني احنا لازم نعمل  
العملية دي وما تخافش انا كمان خايف  
عليهم زيك واهو رجالتنا بيدوروا عليهم وإن  
شاء الله هيلاقوهم أهدي أنت بس وبعدين

أنت لازم تروح أنت ناسي أنك ليك طار مع  
أحمد ولازم تاخده

جاسر اوماً رأسه بمعني نعم

سامح: انا هطلع ارتاح شوية قبل بليل يا  
عالم ممكن تكون آخر مرة أنام فيها

بعد ما سامح طلع جاسر مسك تليفونه  
لإجراء مكالمة

جاسر بتنبيهه وتحذيره: اللي هقول عليه ده  
يتنفذ بالحرف الواحد

في المساء

أمام قصر المنشاوي

مالك: يلا أتفضلوا أنزلوا

الاء وزياذ نزلوا وبببصوا علي القصر بأنبهار

مالك:أفضلوا

دخلوا القصر وكريمة أستقبلتهم

كريمة بأبتسامه:اهلا وسهلا القصر نور بيكم

أنتي الاء وأنت زياد صح

الاء وزياد أومأوا برأسهم بمعني نعم

كريمة:مالك حكالي عنكم ومدت إيدها ل الاء

علشان تعزيها

كريمة:البقاء لله يا حبيبي عارفة إن وفاة

بباكي كانت حاجة صعبة عليكي بس

خليكي قوية أنتي قدها إن شاء الله

الاء بأبتسامه:الدوام لله وحده شكرا

كريمة بأبتسامه:يلا روحوا غيروا هدمكم

قعبال ما أحضر لكم العشاء

الاء بتعب:لاء شكرا انا مليش نفس وكمان  
تعبانة شوية وعايزة أنام

كريمة بأبتسامه:اللي يريحك يا حبيبيتي ولو  
عايزة أي حاجة أعتبريني زي مامتك

الاء بأبتسامه:شكرا

كريمة نادت علي الخدمة علشان تتطلعهم  
أوضتهم

كريمة:نعيمة خدي الشنط وطلعيها فوق  
ووريهم الأوضة

نعيمة:تحت أمرك يا هانم

نعيمة خدت الشنط وطلعتها فوق وورتهم  
الأوضة بتاعتهم

مالك:انا طالع أوضتي تصبحي علي خير

كريمة بتسائل:مش هتتعشي

مالك:مليش نفس

كريمة:ماالك

مالك:نعم

كريمة بتساءل:كلمت أختك

مالك بكذب:ايوه كلمتها وسألتني عليكي  
وأطمنت عليها وعلي الولاد

كريمة بعدم تصديق:بجد

مالك بتوتر:ايوه

كريمة:مالك بيه ياريت ماتنساش أني أمك  
وعارفة أمتي بتكذب عليا وأمتي لاء أنت  
مكلمتش أختك

مالك بضيق وحزن:ايوه بس حاولت أتصل  
كتيير بس مفيش رد أنتي عارفة هما

ساكنيين في منطقة مش فيها شبكة وصعب  
أوصلهم

كريمة بأمر:مالك بكرة الصبح تحجزلي أول  
طيارة لإطاليا

مالك:يا أمي يا حبيبتي أهدي بس وانا وعد  
بكرة الصبح هحاول أتصل بيها لو مردتش انا  
اللي هسافر إيطاليا بنفسي

كريمة بدموع قعدت علي للكرسي:ياريت يا  
مالك تتصل بيها قلبي مقبوض عليها من  
امبارح حاسة إن في حاجة وحشة هتحصل  
مالك حضاها علشان يطمئنها:أهدي أنتي بس  
متخافيش إن شاء الله كل حاجة هتبقى  
تمام أهدي

كريمة بدموع:يارب

مالك بأبتسامة:يلا روعي نامي وانا كمان  
هطلع أنام

كريمة مسحت دموعها وأبتسمت له:ماشي  
يا حبيبي تصبح علي خير

وطلع مالك أوضته وأخذ دش وغير هدومه  
وجه علشان ينام بس معرفش ينام وطلع  
البلكونة لقي الاء واقفة في البلكونة بتاعة  
أوضتها وبتبص علي القمر

مالك بأبتسامة:ايه عجبك

الاء زفرت بضيق ومردتش عليه

مالك بتساءل:زياد نام

الاء ببرود:ايوه

مالك بتساءل:وأنتي ما نمتيش ليه

الاء:عادي مش جيلي نوم

مالك:عارفة نفسي في ايه دلوقتي

الاء بتساءل: ايه

مالك:كوباية قهوة تشربي معايا

الاء اوامأت رأسها بمعني نعم

مالك:طيب تعالي نعمل قهوة ونقعد في

الجنينة

الاء أبتسمت له واومأت له رأسها بمعني

نعم

الاء ومالك نزلوا وراحوا يعملوا قهوة وقعدوا

يشربوها في الجنينة

مالك:الاء

الاء:نعم

مالك بأبتسامه:ياريت تنسي اللي فات ونبدأ

صفحة جديدة ونبقي أصدقاء

الاء:مش عارفة بس هفكر

مالك أبتسم لها:وعد مش هعمل حاجة  
تضايقك تاني

الاء بأبتسامه:وعد

مالك:أكيد

مالك:عايزك من بكرة تبدأي مذاكرة ضيعتي  
وقت كتيبير وأي كتب تحتاجيها قوليلي  
الاء:فعلا ضيعت وقت كتيبير هو انا ممكن  
أطلب طلب

مالك:أكيد أتفضلي تقدرني  
العفريت السحري

الاء: لا مش لدرجة دي انا عايزة أشتغل

مالك بعدم أستيعاب:نعم

الاء:ايه بقولك عايزة أشتغل ما أنا أكيد مش

هقبل أنك تصرف عليا أنا و زياد

مالك برفض:لاء طبعا مستحيل وبعدين

ازاي عايزة تشتغلي وأنتي خلاص في آخر

سنة في الثانوية العامة فاهمة يعني ايه

يعني هي اللي هتحدد مستقبلك تقدر

تقوليلي ازاي هتعملي الحاجتين مع بعض

الشغل والمذاكرة

الاء:ما انا هشوف شغل الصبح وأرجع من

الشغل أذاكر لحد بليل عادي

مالك برفض:قلت لاء انا جاييكم هنا علشان

أحميكم مش علشان أرميكم في الخطر

سامعة وحذاري موضوع الشغل يتفتح تاني

الاء بغضب:أنت لسه قايل هنتفتح صفحة

جديدة فين الصفحة الجديدة دي بقي

مالك:مش معني اللي احنا نفتح صفحة  
جديدة يعني تمشي كلامك عليا انا بقول  
نباقي صحاب وحاداري موضوع الشغل ده  
يتفتح تاني

الاء سابتة ومشيت وهي متعصبة

مالك زفر بضيق وطلع أوضته

في إيطاليا

في المساء وقت تسليم البضاعة

سامح أمر رجالته يحاصروا المكان علشان  
يعرفوا يهاجموهم

وأول لما حاصروا المكان و جه وقت  
التسليم سامح وجاسر ورجالتهم بدأوا  
يضربوا نار علي المافيا والمافيا أول ما  
شافت ضرب النار بدأوا كمان يضربوا عليهم

وأثناء الضرب لاحظ جاسر أحمد وزعيمه  
وهما يهربوا بمركبة صغيرة وحاول يروح  
عندهم مع تفاديه لضرب النار وأول ما وصل  
عندهم مسك أحمد وضربه وأحمد كان  
بيردله الضرب وزعيم المافيا أول ما شافهم  
كده راح زقهم هما الأثنين في الماية وشغل  
المركب علشان يتحرك بس سامح ضرب  
عليه نار في رجله وأتصاب اما جاسر وأحمد  
فضلوا يضربوا بعض

جاسر بعصية:والله لدفعك تمن الضرب  
اللي ضربته لنرمين هدفكك تمن كل دمعة  
كل صرخة آه كانت بتصرخها

أحمد بسخرية وهو بيردله الضرب:ههه ده في  
أحلامك بس

جاسر بتهديد:نرمين والولاد سافروا مصر  
ومش هخليك تشوفهم ثاني ده لو سبتك  
عايش اصلا

أحمد بسخرية:اه ما انا عارف بأمارة ما  
حراسك الأغبية ما عرفوش يلاقوهم

جاسر ضربه جامد وأحمد كان بيردله الضربة  
وجاسر ضربة في رأسه لحد ما فقد الاتزان  
وسامح وصل عندهم وحاول يطلع جاسر  
وجاسر فعلا طلع وقبل ما يطلع ضرب أحمد  
براسه ورجله وأحمد فقد الأتزان لفترة  
بسيطة وفجأة لاحظ مسدس علي سطح  
المايه وقع من أحد اللي ماتوا وفي الوقت ده  
كان جاسر وسامح وصلوا الشط وأحمد  
مسك المسدس ووجه اتجاه جاسر وضرب  
نار عليه والطلقة جت في ضهره

سامح بخوف:جاسر



سامح بصراخ ودموع: جاسر جاسر جاسر جاسر جاسر  
قوم لاء ما تسبنيش احنا لازم نكمل العملية  
سوا قوم أرجوك لاء ما تسبنيش أرجوك  
سامح قام علشان يلحق أحمد اللي أنقذه  
شخص مقنع وطلعوا من المايه حاول  
يلحقهم بس للأسف هربوا وتم القبض علي  
فاليريو والزعيم اللي أحمد كان بيشتغل  
عنده وباقي أفراد العصابة

في المستشفى عند إيمان

أدم دخل عندها

أدم: مساء الخير

إيمان بابتسامة بسيطة تداري وراءها

حزن: مساء النور

أدم بيسألها بابتسامة: عاملة ايه

إيمان بلا مبالاة: الحمد لله

أدم بآبتسامة: لو زهقانة تحبي نخرج

إيمان بحزن: لاء شكرا

أدم بحزن: اممم ماشي عن إذذك

إيمان: دكتور أدم

أدم لف لها بآبتسامة توقعا منه أن تغير

رأيها: نعم

إيمان بطلب: ممكن رقم دكتور شريف

أدم بخيبة أمل: دكتور شريف اه ماشي حاضر

أفضللي

إيمان بآبتسامة: شكرا

بعد ما أخذت الرقم

أدم خد تليفونه واستأذن منها

بعد ما خرج إيمان مسكت تليفونها وأتصلت

بشريف

شريف بص في تليفونه ولما لقاها رقم غريب

قفل

إيمان زفرت بضيق وأتصلت عليه تاني

شريف مسك التليفون بضيق

شريف بضيق:ألو مين معايا

إيمان بخوف:أنا

شريف أول ما سمع صوتها هدي وأبتسم

وفي نفس الوقت اتوتر مش كان عارف يقولها

ايه

شريف بيتصنع إنه مش عارف صوتها:أنتي

مين

إيمان بصوت رقيق:مش عارف صوتي

شريف قلبه مش مطاوعه يقولها لاء

شريف بأبتسامه:طبعا عارفه

إيمان بأبتسامه:أمال قلت لاء في الأول ليه

شريف:عادي كنت عايز أشوف ردة فعلك

إيمان:امم ماشي أنت ليه مشيت الصبح

مش قلت لي هنتفرج علي فيلم

شريف:أسف كان عندي شغل مستعجل

بس قلت لأدم هو مش فرجك

إيمان:هو قال لي بس أنا مش رضيت

شريف:ليه

إيمان:مش عارفة

شريف حس بتأنيب الضمير لأنه عارف إنها

مش رضيت تتفرج علي الفيلم علشانه

علشان مشي

شريف:اممم ماشي أنا مضطر أقفل دلوقتي  
علشان عندي شغل هبقي أكلمك تاني  
بعدين

إيمان:ماشي سلام

بعد لما أقفل انا ايه اللي عملته ده لاء مش  
هينفع انا لازم أخليها تكرهني لو فضلت كده  
وأتعلقت بيا أكثر هتتحطم لو سبتها لازم  
أخليها تكرهني وتشوف آدم أحسن مني  
وتحبه ايوه لازم أعمل كده

في إيطاليا

في المستشفى

سامح واقف أمام أوضة العمليات اللي فيها  
جاسر

بعد شوية الدكتور طلع

سامح راح عنده بلهفة:طمني يا دكتور جاسر  
عامل ايه

الدكتور بأسف:للأسف حالته في خطر أدعيه

سامح بدموع : يارب يارب

في الصباح في قصر المنشاوي

مالك كان خارج من البيت و أول ما فتح

الباب

□ Stop□

الحلقة خلصت أتمني تكون نالت إعجابكم

يا تري مالك أتصدم ليه لما فتح الباب

يا تري شريف هيقدريكره إيمان فيه

يا تري مين الشخص المقنع اللي أنقذ  
أحمد

أتمني تشاركوني برأيكم

النشر بإذن الله السبت و الأثنين والخميس

مع السلامة

معاقة لكن أعشقها

بقلم: Alaa Mohamed

معاقة لكن أعشقها

الحلقة الثالثة والعشرون

أتمني تنال إعجابكم

Enjoy

في الصباح في قصر المنشاوي

مالك كان خارج من البيت وأول ما فتح

الباب

مالك بصدمة:نرمين

نرمين حضنت مالك جامد وفضلت تعيط

مالك:في ايه مالك وايه اللي عمل فيكي كده

وفين أحمد

نرمين بعياط ودموع

مالك:خلاص بطلي عياط تعالي تعالي ادخلي

مالك أخذ نرمين ودخلوا وأول ما دخلوا

كريمة شافتهم وأتصدمت وعنيها دمعت

من الفرحة أحساس لما نشوف حد بنحبه

بقالنا سنين مش شفناه أجمل إحساس في

الدنيا خصوصا لما يكون حد غالي وعزيز

علينا أم او اب اخت أو اخ بنت او ابن بجد

إحساس جميل فرحة مع حزن مشاعر  
مختلطة

كريمة بدموع الفرحة:ننرمين

نرمين جریت علیها وحضنتها جامد:ماما

كريمة:بنتي نرمين وحشتيني يا حبيتي

نرمين بدموع:وأنتي أكثر

كريمة:تعالی اقعدی امال فین أحمد مجاش

معاكي لیه

نرمين بسخرية:أحمد أحمد مين يا ماما تاجر

المخدرات ولا الأعضاء ولا السلاح ولا مساعد

زعيم أكبر مافيا في إيطاليا

كريمة بعدم استيعاب:ايه أنتي بتقولي ايه

نرمين:هحكي لكم

نرمين قعدت وبدأت تحكيلهم ايه اللي كان  
بيحصل معاها طول الخمس سنين اللي  
فاتوا من اول ما أحمد قال لها إنه مساعد  
أكبر زعيم مافيا في إيطاليا وقد ايه كان  
بيعذبها ويهناها ويضربها وإنه كان بيمنعها  
تكلّمهم لحد ماجه جاسر مالك وكريمة كانوا  
بيسمعوها وهما في صدمة من الكلام اللي  
بتقولوه

نرمين بدموع:ولما جاسر سبنا وكنا رايعين  
نركب الطائرة قالوا لنا إن الطائرة هتتأخر ربع  
ساعة قعدنا انا والولاد والحجة نعمة في  
الأستراحة ولما قالوا إن الطائرة وصلت رحنا  
وقبل ما نركب

فلاش باك

.....:لو سمحتم عفوا أنتم مش هتقدروا

تركبوا

نرمين ونعمة بصوا لبعض بصدمة

نرمين بتساءل:ليه

.....:عادي يا فندم مشكلة صغيرة بس في

الورق اتفضلوا معنا نحل المشكلة وتقدرنا

تركبوا الطائرة بعد كده

نرمين ونعمة راحوا معاه ودخلوا أوضة

صغيرة وأول ما دخلوا تم تخديرهم

ولما فقت شفت أحمد كان شايل أية

وماسك أسر

أحمد يوجه الكلام لأحد رجاله وبيتظر لنرمين

بضحكة شر:هات كرسيين وقعد عليهم ياسر

وأيه عايزهم يتفرجوا علي أمهم وهي

بتتعذب تحت إيدي

أحمد وهو يتجه نحو نرمين بضحكة شر:حمد

الله علي السلامة يا حبيبتي

نرمين بخوف بترجع لورا: لاء أبعد عني

أحمد قرب من نرمين ليبدء بوصلة التعذيب  
بس المرة دي كان التعذيب أكثر وأقسي من  
أي مرة

وبعد ساعة من التعذيب المتواصل اللي  
كان تحت مشاهدة أية وأسر وصريخهم  
وعياطهم هما ونعمة اللي بترجي أحمد  
يسيها

نعمة: يا أبني سبها هتموت في إيدك

لينظر لها أحمد نظرة توعد وشر

أحمد ساب نرمين وأتجه لنعمه

أحمد بنظرة شر وتوعد لنعمة: أنتي بالذات ما  
أسمعش صوتك أنتي عارفة أنتي أتحدثي  
مين أتحدثي أحمد كامل وانا محدش يقدر

يتحداني وعد لتموتي أبشع موتة وشاور لأحد

رجاله بأن يحضروا حبل

ومسك إيد نعمة وقومها بعنف وأجبرها إنها

تتطلع علي الكرسي وهددها بقتل نرمين

والولاد لو مطلعتش وشنقت نفسها بنفسها

ونعمة علشان كانت خايفة علي نرمين

والولاد نفذت طلبه وشنقت نفسها وماتت

أحمد بنظرة شفقة يشوبها سخرية:تؤ تؤ تؤ

يا خسارة أنتحرت بس للأسف هي اللي

اضطريتني اعمل كده لو مكانتش ساعدت

الظابط ما كانش حصلها كده بس نقول ايه

بتحب الخير والناس اللي بتحب الخير ما

لهمش غير مصير واحد هو ده

نرمين بصراخ ودموع منهارة:|||||||اه ليه ليه

عملت كده هي عملتك ايه

أحمد راح عند نرمن وضربها بالقلم

أحمد بعصبية: أنتي تسكتي خالص حذاري  
أسمع صوتك

ليقول بهدوء وهو ييمسح دموعها: يا نرمن  
يا حبيبتي قلتك مية مرة مش تعلي صوتك  
بتعصب خلاص معلش أهدي كان نفسي  
اصالحك بس للأسف عندي شغل دلوقتي  
هخلصه واجي علشان اصالحك ونرجع بيتنا  
بقي ما تزعليش يلا سلام

ليرحل أحمد وتنهار نرمن من البكاء

نرمن بدموع بتترجي ربنا: ااه يارب يارب  
أنقذني أرجوك لو رجعت معاه تاني هموت  
يارب أرجوك أنقذني يارب مليش غيرك  
دلوقتي أرجوك أنقذني من هنا لو رجعت  
هناك تاني معرفش ممكن يحصل ايه ممكن

تبقى نهايتي أرجوك أرجوك أنقذني انا والولاد

ملناش غيرك يااارب

وبعد شوية يدخل الغرفة رجال مقنعين

نرمين بصتلهم برعب وضمت أية وجاسر

نرمين:أنتوا مين

حسام:جاسر بيه بعتنا لسيادتك علشان

ننقذك

نرمين بفرحة:بجد جاسر طب هو فين

حسام:للأسف مفيش وقت للشرح لازم

نتحرك حالا

نرمين اومأت له برأسها وخرجت معاهم

وطلعوا بنجاح وركبوا العربية

نرمين بتساءل:احنا رايعين فين دلوقتي

حسام:هتعرفي لما نوصل سيادتك

وبعدين وصلنا لمكان زي مخزن كده

حسام:اتفضلي سيادتك

نرمين:اممم شكرا بس هو فين جاسر

حسام:الصراحة مش عندي أي معلومات  
المعلومات اللي عندي أني أوصل سيادتك  
هنا عن إذتك

وبعد شوية سامح جه

نرمين أول ما شافت سامح فرحت جدا

نرمين بدموع فرحة:سامح كويس أنك جيت  
أحمد أحمد وبعدين انهارت بالدموع  
ومقدرتش تكمل

سامح:خلاص أهدي مفيش داعي تحكي  
أنتوا لازم تسافروا مصر دلوقتي حالا

نرمين:ماشى بس فين جاسر

سامح: جاسر اتصاب في العملية وحالته في  
خطر وأحمد هرب يعني في خطر عليكم لازم  
تسافروا مصر دلوقتي

نرمين بصدمة ودموع وعدم استيعاب:ايه  
جاسر أتصاب

سامح بحزن:ايوه أنتوا لازم تسافروا مصر زي  
ما جاسر وصاني يلا

نرمين برفض:لاء لاء مستحيل أسافر وأسيبه

سامح:لازم تسافروا لو مش خايفة علي  
نفسك خافي علي الولاد وكمان دي وصية  
جاسر ليا قبل ما يغيب عن الوعي ولازم  
أنفذها يلا

سامح أخذهم ووصلهم المطار وأمن عليهم  
بنفسه في الطائرة وبعث وراهم حراس  
يحرصوهم لحد ما يوصلوا مصر

باك

نرمين بدموع:بس هو ده اللي حصل وجاسر  
دلوقتي حالته خطر وفي غيبوبة

مالك وكريمة مصدومين مش مستوعبين  
الكلام اللي قالته أحمد اللي سلموه بنتهم  
أمانة اللي كانوا فاكرينه طيب يطلع مساعد  
أكبر زعيم مافيا في إيطاليا ويعذب نرمين  
العذاب ده كله ويقتل في الناس بمنتهي  
البرود

كريمة بعدم أستيعاب:انا مش مصدقة لاء  
مستحيل أحمد يعمل ده كله

مالك راح عند نرمين ومسح دموعها:والله  
لأندمه علي كل دمعة نزلت منك

ونرمين حضنته وفضلت تعيط

مالك: خلاص أهدي عايزك تنسي كل اللي  
فات ووعد مني كل لحظة ألم كل دمة  
نزلت منك هيندم عليها صدقيني

نرمين مسحت دموعها وأومات لها برأسه

مالك بأبتسامة: يلا أطلعي أوضتك وانا لازم  
أسافر إيطاليا علشان أشوف جاسر

نرمين: ماشي وياريت تطمني عليه

مالك بأبتسامة: أكيد

نرمين طلعت أوضتها ومالك أتصل بكريم  
علشان يحجز له تذكرة علشان يسافر إيطاليا  
وبعدين طلع أوضة الاء وزياد

مالك بيخبط علي الباب

زياد راح فتح له

مالك: زيزو أزيك

زياد بأبتسامه: الحمد لله

مالك: ممكن أدخل

زياد: أكيد أتفضل

مالك دخل لقي الاء بتذاكر

مالك: احم

الاء بصتله ورجعت بصت في كتبها تاني هي  
لسه زعلانة منه من اللي حصل أمبارح

مالك: انا جيت أقولك أي مسافر كام يوم  
ومش معني أي مسافر أنك تاخدي حريرتك  
وتعملي اللي أنتي عايزاه من ورايا ها ممنوع  
تطلعي من البيت أنتي أو زياد أيا كانت  
الظروف لحد ما أجي مفهوم

الاء: ايه يعني ايه ممنوع أطلع أنت هتحبسنا  
يعني أحنا عندنا مدرسة لازم نروحها

مالك:هتأخذوا أجازة لحد ما أجي ومسمعش

كلمة تاني مفهوم سلام

وطلع مالك من الأوضة

الاء: فإكر نفسه مين ده يارب يارب صبرني  
يارب الكام سنة اللي هعيشهم يارب مفيش  
حد يجي يخطفني من هنا علي الأقل أخلص  
منه

الاء كانت مضايقة جدا من أوامر مالك بس  
أبتسمت لما أفكرت إنه قال مسافر ومن  
هنا جتلها فكرة مسكت التليفون وأتصلت  
بفريدة

فريدة:الو ايوه يا لولي صباح الخير

الاء:صباح النور يا فوفا بقولك هو الشغل  
اللي أتني قولتيلي عليه ده لسه موجود

فريدة:ايوه بس بتسألني ليه هو مش مالك

رفض

الاء:ايوه

فريدة:امال ايه هتروحي من وراه يعني

الاء:هو قال لي إنه مسافر كام يوم قعبال ما

يجي يكون انا اشتغلت شوية علي الأقل

أجيب مصروف نص شهر علشان مش كل

شوية أطلب منهم وبعدين انا وزياد عايزين

نجيب حاجات ومش كل شوية هنطلب

منهم يقولوا علينا ايه وبعدين مش كفاية

عايشين معاهم كمان يصرفوا علينا لا انا

مش هتقبل الوضع ده المهم أنتي شوفيلي

الشغل اللي قتللك عليه

فريدة:بس يا الاء أنتي عارفة مالك لو عرف  
مش هيرحمك مش فاكرة الحبل المرة دي  
هتبقي بموتة أكيد

الاء:سيبك من مالك وياريت ما تجبلش  
سيرته ولا هو ولا الحبل تاني وشوفيلي  
الشغل زي ما قلتك ولما يجي وقت مالك  
نبقي نتصرف يلا سلام

الاء قفلت مع فريدة وغصب عنها ذاكرتها  
رجعت ليوم الحبل

الاء:يارب يارب أرحمني وأطلع من القصر ده  
علي خير يارب كن معي يارب

في المستشفى

إيمان قاعدة سرحانة بتفكر في شريف

إيمان في نفسها: ياربي هو مش هيحي طب  
وانا مالي يجي أو لاء هو مش مهم اصلا بس  
انا اتعودت عليه هو الوحيد اللي بيقدر  
يفهمني ويعرف مشاعري وبعدين ايه ده هو  
أنتي بطلتي تحبي جاسر جاسر لاء انا كنت  
معجبة بيه بس وبعدين هو بيحب نرمين  
وبعدين أكيد مش هيتقبلني بعد اللي  
حصلي وبعدين دكتور شيفو مختلف  
بيفهمني بيعرف ايه اللي بيخليني سعيدة  
وايه لاء متقبل إعاقتي صحيح بيقي شكله  
مرعب لما بيتعصب بس بيقي لطيف  
ووسيم جدا وهو بيضحك بس لاء لاء انا مش  
لازم أفكر بالطريقة دي لاء أعوذ بالله من  
الشیطان الرجيم إيمان بس أسكتي وشيلي  
الأفكار دي من دماغك اصلا مين هيحبني  
بعد ما بقيت معاقبة الإجابة no one لا أحد  
أسكتي بقي بطلي تخيلات وأحلام فاضية

ليقطع تفكيرها صوت فتح الباب

أدم بأبتسامة:صباح الخير

إيمان بأبتسامة:صباح النور

أدم بأبتسامة:أتمني تكوني أحسن النهاردة

إيمان بأبتسامة:الحمد لله

أدم بأبتسامة مد إيدته بشوكولاتة ليقدمها

لها:أفضلتي

إيمان خدتها منه وبأبتسامة:شكرا ايه ده

وكمان النوع اللي انا بحبه شكرا جدا

أدم بأبتسامة ومد إيدته لها تاني:العفو

اتفضلي

إيمان:ايه ده

أدم:دي رواية رومانسية قلت بما أنك زهقانة

فالرواية تسليكي

إيمان بآبتسامة:شكرا

أدم بآبتسامة:العفو عن أذنك

طلع أدم من أوضة إيمان ليتصل بشريف

أدم:الو ايوه يا شريف بجد شكرا ليك شكرا

الحمد لله الشوكولاتة والرواية اللي أنت

بعثهم عجبوها جدا

شريف بآبتسامة يخفي ورائها حزن:العفو

علي ايه يا ابني احنا أخوات ولو عايز أي

حاجة تاني قولي

أدم:أكيد ما تيجي نخرج النهاردة

شريف بضيق:لاء مليش مزاج وبعدين

عندي شغل مرة تانية إن شاء الله

أدم بآبتسامة:إن شاء الله يبا هسيبك تشوف

شغلك سلام

شريف بحزن:سلام

شريف قفل مع آدم وقعد علي كرسية  
بضيق

شريف بحزن:يارب يارب صبرني علي هذا  
البلاء يارب

في إيطاليا

أحمد دخل المخزن اللي كان حابس فيه  
نرمين والولاد لقي الحراس متخدرين وهما  
مش موجودين

أحمد بغضب:ااه راحوا فين

أدهم:تلاقيهم هنا ولا هنا

أحمد:هنا ولا هنا فين أنت مش شايف يعني  
أكيد أخذهم والله لأقتله

أدهم:أهدي بس

أحمد:أهدي ايه مراتي وعيالي مش موجودين  
وتقولي أهدي انا لازم أسافر مصر حالا

أدهم بهدوء:أنت بتقول ايه مش هينفع نظهر  
دلوقتي احنا دلوقتي ضعاف جدا لو رحنا  
ممکن صقر بيه يموتنا في ثانية ولا يرمش له  
جفن احنا المفروض نهدي ونستعيد قوتنا  
علشان نعرف نواجهه صح  
أحمد بتفكير:صح عندك حق

Stop

خلصت الحلقة أتمني تكون نالت إعجابكم  
الرواية قربت تخلص مش فاضل كتبيير  
احتمال أنزل حلقة كل يوم علشان أخلصها  
بسرعة علشان حاسه أنكم زهقتوا فخلاص

احتمالاً حطوا مية خط علي كلمة احتمالاً

انزل حلقة كل يوم علشان نخلص

أسفة لو في أي اخطاء ما قدرتش أراجع

الحلقة النهاردة علشان عيني وجعاني شوية

لو في أي أخطاء قولولي

شاركوني برأيكم وتعليقاتكم الجميلة شكرا

ليكم مع السلامة أشوفكم الحلقة القادمة

معاقة لكن أعشقها

بقلم:Alaa Mohamed

معاقة لكن أعشقها♥

الحلقة الرابعة والعشرون♥

أتمني تنال إعجابكم♥

Enjoy♥

في قصر المنشاوي

كريمة قاعدة مع الولاد ونرمين في الجنينة

ولاحظت قدوم الاء

كريمة بأبتسامة: عايزة حاجة يا حبيبتى

الاء بخجل: كنت عايزة أستئذن حضرتك أنى

أروح لصاحبتي علشان زي ما حضرتك

عارفة كنت متغيبية الفترة اللي فاتت عن

المدرسة ولازم أعوض اللي فاتنى

كريمة: طب ما تتصلي بيها تجيلك هي هنا

الاء بارتباك: ايه اصل هي مش ينفع تخرج

علشان عليتها محافظة ومش بيرضوا إنها

تخرج غير للمدرسة والدرس بس

كريمة: بس يا حبيبتى مالك نبه عليا إنك

مش تخرجى

الاء بإلحاح:علشان خاطرني بجد مستقبلي  
هيضيع ولازم أعوض اللي فاتني أرجوكي  
خليني أخرج

كريمة بتنبيهه:خلاص ماشي هخليكي تروحي  
بس ما تتأخريش

الاء بفرحة: شكرا شكرا جدا ليكي عن إذتك  
الاء مشيت وهي فرحانة جدا إنها هتروح بس  
مش لفريدة لاء هتروح وتبدأ الشغل علشان  
تصرف علي نفسها وأخوها

نرمين بتساءل: هي مين البنت دي

كريمة: دي حكايتها طويلة أوي بس قلبي  
بيقولي إنها هب اللي هتغير حياة مالك  
وتمحي الماضي من قلبه

نرمين:طب أحكي لي ايه حكايتها

## كريمة حكّت لنرمين قصة الاء

نرمين بحزن: كل ده وهي في السن الصغير ده  
فعلا فقدان الأهل شئ صعب أوي انا جربته  
خمس سنين بس هي هتجربه طول عمرها

كريمة بحزن: ربنا يصبرها يارب

نرمين: يارب

وبعد مرور شهر علي أبطالنا جاسر لسه في  
غيبوبة ومالك لسه جانبه في إيطاليا وبيدور  
له علي أحسن الدكاترة وكان عايز ينقله  
مصر بس الدكاترة منعه ده نظرا لخطر حالته  
الاء كل يوم بتخترع حجة لنرمين وكريمة  
علشان تخرج تروح الشغل بتاعها لدرجة إن  
كريمة ونرمين بدأوا يشكوا فيها إيمان لسه  
في المستشفى بس شريف نفذ خطته وبعد

عنها مش بقي يروح لها ولا يرد علي  
اتصالاتها اما آدم بقي بيقرّب منها يوم عن  
يوم بس هي طبعا مفيش في قلبها غير  
شريف وكل ما تسأل آدم عنه يقولها مسافر  
ومن كتر سؤالها آدم حس إنها بتحبه بس  
شال الفكرة من دماغه أحمد وأدهم لسه  
هربانين وبيجهزوا نفسهم للانتقام من عائلة  
صقر المنشاوي شادي بيحارب الإدمان  
وبيخف يوم عن يوم أما بالنسبة لحسن  
إدمانه بيزيد وكل يوم الممرض يجيب له  
وهو يدفعه فلوس

في إيطاليا

في المستشفى الذي يتواجد بها جاسر  
مالك بعصبية: يعني ايه مفيش حل جاسر  
بقاله شهر في المستشفى ومش عايز يفوق

وجايب أكبر دكاترة في العالم وتقولولي

مفيش حل

الدكتور الإيطالي (اوين): إنها غيبوبة ومن  
الممكن أن تستمر شهر أو سنة أو سنتين  
ولا يوجد حل في أيدينا إن الإنسان يفوق منها  
حسب تقبل عقله

كاد مالك أن يتكلم ويصرخ في وجه الدكتور

الإيطالي

ليدخل أحد الممرضين دون استئذان

الممرض: دكتور أوين لقد عاد لوعيه  
الشخص الذي يوجد في الغيبوبة منذ شهر

مالك: جاسر

وطلع مالك من برا الأوضة وراح أوضة جاسر

بسرعة

مالك بفرحة: جاسر

وجه الدكتور وكشف عليه وبعد ما خلص  
كشف

دكتور أوين: حمدا لله على سلامتكم

ليبتسم له جاسر أبتسامة صغيرة

ليخرج الدكتور ويأتي مالك بكرسي ويجلس  
بجانب جاسر

مالك بأبتسامة: شكرا

جاسر بأبتسامة: علي ايه ده واجبي المهم  
قولي أتقبض علي أحمد

مالك بغضب وتوعد: لاء للأسف هرب بس  
والله أول ما يقع في إيدي ما هرحمه

جاسر: مالك أحمد ده ليه هدف وعايز ينتقم  
من عيلتكم عارف معتز اللي ياسمين كانت

بتخونك معاه يبقي أخو أحمد وأسمه  
الحقيقي مش معتز أدهم

مالك بعدم استيعاب: أنت بتقول ايه تقصد  
إنهم عايزين ينتقموا منا طب ليه وايه  
الهدف

جاسر:أحمد أتعرف علي نرمين قبل خمس  
سنين يعني أنت مكنتش دخلت عالم رجال  
الأعمال اصلا في الوقت ده يبقي هو فيه  
حلين بس يا أما هما طمعانين فيكم يا أما  
عندهم طار بسبب والدك صقر باشا  
وعايزين ياخدوه منه

مالك:اممم عمنا خلاص ارتاح أنت انا  
هتصرف وأعرف وراهم ايه  
اوماً جاسر له برأسه

مالك: انا هروح اسأل الدكتور لو نقدر نساfer  
القاهرة دلوقتي

جاسر: ياريت اه صح هو انا هنا بقي لي كتير

مالك: لا خالص هو يدوبك شهر وتسع  
ساعات و13 دقيقة و55 ثانية يعني شهر  
بحاله سايب شغلي وشركتي وموظفيني  
ومصالحي وقاعد مع سيادتك

جاسر: تستخسر شهر في حبيبك جاسر  
برضه

مالك: ياريت تقوم وبلاش دلع انا عندي  
شغل وشركة وناس أهتم بيهم مش فاضي  
لك

وخرج مالك من الغرفة ليضحك جاسر



في المستشفى عند إيمان

أدم دخل لإيمان بأبتسامه

أدم بأبتسامه: صباح الخير

إيمان بحزن: صباح النور

أدم بتساءل: مالك زعلانة ليه كده

إيمان بحزن: لاء عادي

أدم بأبتسامه: عندي ليكي خبر حلو

إيمان: ايه

أدم: كتبت لك ورق خروجك من المستشفى

إيمان بلا مبالاة: اممم كويس

أدم بحزن: مش فرحانة

إيمان بحزن بتحاول تتداريه: لاء فرحانة أكيد

أدم بحزن: مش باين عمّتا عن أذنك هروح  
أكمل باقي الإجراءات  
اومأت إيمان برأسها له وخرج أدم وهو حزين

في قصر المنشاوي

الاء وهي داخلة القصر بتسحب

كريمة نادت عليها: الاء

الاء راحت عندها وهي خايفة من أسئلتها

الاء: نعم

كريمة: كنتي فين

الاء: كنت عند صاحبتني

كريمة: عند صاحبتك بتعملي ايه

الاء: بنذاكر

كريكة: بتذاكري ولا بتشتغلي وبتعصي كلام  
مالك وكلامي

الاء: هو حضرتك بتراقبيني

كريمة: لا أبدا ده من حسن حظي إن في حد  
شافك ووالي أنتي عارفه إن لو مالك عرف  
هيعمل ايه

الاء: انا بس بشتغل علشان أوفر مصروفي انا  
وأخويا

كريمة: لو عايضة مصروف كان ممكن تطلبي  
مني مالك واصي عليكم يعني من حقك  
تطلبي منه وانا هنا أمه وفي غيابه انا اللي  
متحملة مسؤوليتكم ياريت تنسي الشغل ده  
ومش هتروحي تاني ولا هتخرجي لحد ما  
مالك يجي مفهوم

الاء بحزن: حاضر

الاء سابت كريمة وطلعت أوضتها

في الصباح

الاء بتكلم فريدة

فريدة: طب وأنتي هتعملي ايه دلوقتي ده  
بكرة آخر يوم كده الفلوس هضيع عليك  
وتعبك هيضيع

الاء: هو ايه اللي هعمل ايه هاجي طبعا  
ومين قال أني هسيب الشغل انا هروح

فريدة: مش بتقولي عرفت ومنعتك تخرجي

الاء: ولو عادي هخرج من غير ما تعرف

فريدة بصدمة: ايه أنتي جننتي وأفرضي  
عرفت هتقول لمالك وأنتي عارفاه كويس  
المره دي هتبقي بموته

الاء بعصبية: قلتك قبل كده ما تجبلش  
سيرته

فريدة: خلاص عمنا خلي بالك من نفسك  
وربنا يستر

الاء: ماشي سلام

فريدة: سلام

في المصححة

حسن يلتقط أنفاسه الأخيرة والدكاترة  
بيحاولوا ينقذوه وصعقوه أكثر من مرة  
بصاعق الكهرباء بس للأسف دقات قلبه  
وقفت وأطلق الجهاز الصفارة —

شادي بعدم استيعاب: لاء لاء مستحيل لأنت  
مش هتموت قوم أنت وعدتني أنت قلت لي  
هنفضل مع بعض وهنخف ونخرج من هنا

ونشتغل ونحقق أحلامنا أنت قلت لي ليه  
جاي دلوقتي تسبني أنت خدعتني وكذبت  
عليا خلتنني أخف وأنت أدمنت وما التزمتش  
بوعدك مع إن أنت اللي شجعتني بس انا  
هطلع أرجل منك وألتزم بوعدني وهكمل  
للنهاية أنت جبان غدرت بيا ليه ليه ها

أدم كمل الإجراءات وإيمان خرجت من  
المستشفى علي كرسي بعجل وطول  
الوقت كانت خايفة من نظرات الناس وحاطة  
وشها في الأرض

إيمان في نفسها: ياريتك كنت هنا ياريتك  
كنت جانبي ما كنتش هبقي خايفة كده  
ياريتك كنت معايا للنهاية بس للأسف  
سبتني وتخليت عني أنا حبيتك ايوه حبيتك

من كل قلبي وأنت خدعتني سبتني  
ومشيت ليه سبتني يارب رجعهولي يارب انا  
محتجاه انا عارفة إنه بيحبني عيونه بتقول  
كده يارب يرجع

حسام بأبتسامة: وصلنا نورتي بيتك يا إيمي

لتبتسم إيمان أبتسامة صغيرة له

سماح: دخلها يا حسام أوضتها تستريح

قعبال ما أحضر الأكل

حسام : حاضر يا ماما

حسام دخل إيمان أوضتها وخرج ليسمع

رنين هاتفه

المتصل: الو أستاذ حسام

حسام: ايوه

المتصل: انا أتصلت علشان أقول لحضرتك

البقاء لله أخو حضرتك حسن توفي

حسام بصدمة: أنت بتقول ايه لا مستحيل

المتصل: تقدر تيجي تستلم جثته بنفسك

حسام قفل التليفون وهو مش مستوعب

اللي سمعه

سماح خرجت من المطبخ علي صوته

سماح بتساءل: في ايه يا حسام مالك ايه

اللي حصل

حسام: في واحد اتصل بيا وقال لي إن حسن

مات

سماح لم تستوعب كلامه ووقعت فاقدة

الوعي

حسام: أمي

وَجَابَ مَا يَه فَوْقَهَا

سَمَاحَ بَدْمَوْعَ: حَسَنَ حَسَنَ يَا حَسَامَ لَا لَا  
مَسْتَحِيلَ لَااa

إِيمَانَ سَمِعْتَ صَرِيخَ وَالِدَتِهَا: حَسَامَ حَسَامَ

حَسَامَ رَاحَ عِنْدَهَا بِسْرَعَةٍ

حَسَامَ بِيحَاوَلٍ يَدَارِي حَزَنَهُ وَدْمَوْعَهُ: أَيُّوهُ يَا  
حَبِيبَتِي

إِيمَانَ بِتَسْأَلٍ: فِي أَيِّهِ مَامَا بِتَصْرِيخَ لِيهِ كَدَهُ  
مَالَهُ حَسَنَ

حَسَامَ: مَفِيشَ يَا حَبِيبَتِي ارْتَاخِي أَنْتِي

لَتَعْلُوا سَمَاحَ بِصَوْتِهَا وَتَعْلَنَ الْخَبَرَ الْمَفْرَعُ

سَمَاحَ بِصَرَخٍ: أَخُوكِي مَاااa

مَااa

لتشهق إيمان

ويخرج حسام بعصبية

حسام: يا أمي ايه اللي أتني بتعمليه ده بس  
احنا لسه مش متأكدين مش معقول نصدق  
أي حد وخلص انا هتصل بابا ونروح  
المستشفى ونتأكد

وبعد شوية راحوا المستشفى وشافوا جثة  
حسن إيمان مصدومة ومش مستوعبة  
ودموعها نازلة بغزارة سماح منهارة وإبراهيم  
وحسام في حالة لا يحسدوا عليها

الدكتور: للأسف هو خد شريط كامل مرة  
واحدة وده سبب له مضاعفات أثرت علي  
قلبه وده سبب وفاته

حسام مسك الدكتور من لياقة قميصه

حسام بعصبية: انا مش فاهم ازاي يعني خد  
شريط كامل هو جاي هنا علشان تعالجوه  
ولا علشان تخلوه مدمن أكثر

الدكتور: بنعتذر وعد هنحاول نعرف مين  
السبب

حسام بعصبية: وهتفدني ايه وعودك  
واعذاراتك بعد ما أخويا مات هتفدني في ايه  
ها

الدكتور حط رأسه في الأرض ومقدرش يتكلم  
حسام بعصبية: طبعا ما عندكش كلام تقوله  
لينهار بعدها ويرحل الدكتور ويهدء حسام  
ويكمل إجراءات الدفن

في قصر المنشاوي

مالك وجاسر رجعوا من إيطاليا بعد سماح

الدكتور لجاسر بالرحيل

كريمة: حمد الله علي السلامة يا جاسر

عارف يا مالك لو مكنتش جبتة معاك كنت

هقطم رقابتك

مالك بمداعة: ايه يا كوكي ده تقطمي

رقبتي يهون عليك مالك حبيبك

كريمة: وانا أقدر يا ميمو برضوا

مالك: حبيبتي يا كوكي

نرمين لجاسر: حمد الله على سلامتكم

جاسر بأبتسامه: الله يسلمك

كريمة: والله يا جاسر يا أبني ما عارفة

أشكرك ازاي علي اللي انت عملته معنا

جاسر: ده واجبي وبعدين هو انا مش أبنيك

ولا ايه

كريمة بطلقائية: أبني طبعاً

جاسر: طيب يبقى مفيش داعي للشكر بقي

بس لو مصرّة يعني يبقى تشكريني بصنية

بطاطس باللحمة مش بالكلام هعمل بيه ايه

الكلام انا

كريمة ومالك ونرمين ضحكوا

مالك بمداعبة: طول عمرك طفس

جاسر: طفس براحتي

كريمة: طيب انا هروح أعمل لكم الأكل

قعبال ما تستريحوا شوية يلا يا نرمين

مالك بتساءل: فين الاء وزياد

كريمة: فوق في أوضتهم

مالك: طيب هروح أشوفهم

جاسر بتساءل: الاء وزياذ مين هما مش ولاد  
نرمين أسمهم أية وآسر

مالك: لا الاء وزياذ دول حكاية وموال تاني  
هحكيك بعدين

اوما جاسر له برأسه وراح مالك علشان  
يشوف الاء وزياذ

مالك بيخبط علي باب الأوضة ليفتح زياد له  
الباب

زياد بصدمة: عمو مالك

مالك بأبتسامه: زيزو ازيك

زياد بتوتر: امم الحمد لله هو أنت مش كنت  
مسافر

مالك: ايوه بس رجعت فين أنسة الاء ولا لازم  
أروح لها بنفسي

زياد بخوف من مالك واللي هيحصل لما  
مالك يعرف إن الاء مش موجوده: الاء هي  
الصراحة اا

مالك: في ايه يا زياد فين الاء

زياد: الصراحة الاء راحت شغلها علشان  
تجيب فلوس نصرف منها

مالك دمه غلي خلاص واتعصب

مالك ساب زياد ونزل

مالك بصوت عالي يخالطه غضب: كريبييم

ليأتني كريم وجاسر وكريمة ونرمين جري  
علي صوته

كريمة: في ايه يا أبني مالك

مالك بعصبية لكريم: هو انا مش منبه إن  
الاء وزياذ ما يخرجوش من البيت منبه ولا لاء

كريم بخوف: ايوه سعادتك

مالك بعصبية: يبقي تقدر تفهمني خرجت  
ازاي

كريمة بصدمة: الاء خرجت

مالك بعصبية: واضح إنك ما بقتش شايف  
شغلك كويس بدفع مرتبات قد كده كل  
شهر وأنت تهمل الإهمال ده

كريم بخجل: أسف يا فندم

مالك بسخرية ط: أسف هيفدني أسفك في  
ايه دلوقتي

وخرج مالك من القصر ركب عربيته وامتجه  
لمكان شغل الاء وتوعد لها بأشد العقاب

في بيت عائلة إيمان في عزا حسن

أدم جه يعزي إيمان

أدم بحزن: البقاء لله

إيمان:.....

أدم: عارف إنك زعلانة بس أرجوكي اتماسكي

ياريت ما تضعفيش

إيمان:.....

أدم: انا هسيبك دلوقتي وهاجي تاني أطمئن

عليكي عن إذتك

إيمان:.....

وطلع أدم برا أوضة إيمان لتنهار إيمان

بالدموع

في العزا شادي جه علشان يعزي حسام

حسام أول ما شافه ضربه بوكس

حسام بلوم: أنت السبب أنت اللي موته

وضربه بوكس تاني

شادي وقع علي الأرض وبص لحسام

شادي بحزن: عندك حق انا السبب ياريت

تضربني لحد ما أموت انا ما أستاهلش

أعيش أرجوك موتني

حسام سابه وقعد علي كرسيه بضيق

وشادي راح عنده وحكي له اللي حصل

حسام بحزن: طب ليه عمل كده ليه

شادي بحزن: مش عارف بس انا هنفذ

وصيته وأكمل لحد الآخر أتفضل الورقة دي

دي وصية حسن لقيناها تحت مخدته عن

إذتك

حسام خد الورقة وقرأها

بسم الله الرحمن الرحيم

انتوا دلوقتي بتقرأوا وصيتي يعني انا خلاص

دلوقتي ميت خلاص رحتم للى خلقني انا

أسف بس مش بأيدي للأسف ضعفت

الشیطان أكل عقلي لحد ما وصلني للموت

أسف يا أمي أسف يا بابا عارف أنكم زعلانين

دلوقتي عليا أسف بس انا مش قادر أعيش

تاني مش قادر كل يوم أشوفكم بتتعذبوا

بسببي انا إنسان أناني جدا عارف علشان كده

قررت أني أريحكم مني ومن همي لأنني عارف

أنني ضعيف ومش هقدر أخف وهضعف

وهرجع من الأول تاني علشان كده قررت

أريحكم مني ومن همي وهبعد بعيد أسف

يا حسام أسف يا إيمان أسف يا ماما أسف  
يا بابا وكلمة أسف مخصوصة لشادي انا  
أسف انا اللي شجعتك وقلتلك هنخف  
وهنقف علي رجلينا والكلام ده كله وفي الاخر  
انا اللي ضعفت وطلعت جبان أسف أرجوك  
متعملش زي أنت لازم تخف وتقف علي  
رجلك أوعي تطلع جبان زي أرجوك وأوعي  
يا حسام تفتكر إن شادي سبب في حاجة  
للأسف انا اللي كنت السبب أتمني ما  
تزعلوش عليا أرجوكم وادعولي بالرحمة  
وأتمني أنكم مش تنسوني مع السلامة  
حسام خد الوصية وقرأها لمامته وباباه  
وإيمان وكانوا كلهم مجروحين من الكلام  
اللي حسن كاتبه

مالك راح عند المكان اللي بتشتغل فيه الاء

دخل بعصبية الاء أول ما شافته اتصدمت  
وكانت خائفة أوي مالك قرب منها وبعصبية

مسك دراعها بقوة

مالك: بتعملي ايه هنا

الاء بخوف: ببشتغل

مالك: هو انا مش قلت لاء ها

الاء بخوف: ايوه قلت

مالك: وكلامي ما أتنفذش

صاحب المحل: ايه يا أستاذ ده مينفعش

كده اطلع برا

مالك بهدوء: ياريت متدخلش

ومسك إيد الاء علشان يمشوا وركبوا العربية

الاء بعصبية: تقدر تقولي ايه اللي أنت عملته

مالك بعصبية: صوتك ما أسمعوهش فاهمة

الاء بصراخ: وقف العربية

مالك مردش عليها وزود السرعة أكثر

الاء بدموع: قتللك وقف العربية

مالك: لو سمعت صوتك تاني مش هيحصل

كويس وأنتي عارفاني

بعد شوية وصلوا القصر

مالك: يلا أنزلي

الاء ما نزلتش وفضلت قاعدة وما ردتش

عليه مالك نزل وفتحها الباب

مالك: أنزلي ومش هكررها تاني لأنك عارفة انا

هعمل ايه

الاء فضلت قاعدة ومنزلتس مالك مسك  
ايدها ونزلها غصب عنها وقفل الباب وشالها  
لتفقد الوعي ودخل القصر

كريمة ونرمين وزياذ وجاسر مصدومين من  
شكل الاء

كريمة بخوف: ايه يا مالك ايه اللي حصلها  
أنت عملت فيها ايه عملت في البت ايه

مالك بتنبيه: ياريت محدش يدخل

وطلع مالك وهو شايل الاء لأوضتها نيمها  
علي السرير وطلع برا الأوضة وقفل عليها  
ونزل

كريمة: مالك عملت فيها ايه

مالك: أغمي عليها واحنا داخلين

كريمة بخوف: ايه طب اطلب الدكتور بسرعة

مالك بلا مبالاه: لا مش محتاجه هي كويسة  
هتفوق الصبح اغمي عليها من الإرهاق  
والخضة بس

كريمة: ما أكيد عملت فيها حاجة خلتها كده  
هقول ايه ربنا يهديك

مالك: انا طالع أنام تصبحوا علي خير  
وطلع مالك أوضته لتتنهد كريمة بضيق من  
تصرفاته

♡♡♡♡♡♡♡♡♡♡♡♡♡♡♡♡♡♡

في بيت إيمان  
حسام حضر لإيمان أكل علشان ما تتعبش  
وتاخذ علاجها

حسام: اتفضلي علشان تاخدي علاجك  
اومأت إيمان برأسها بمعني لا

حسام: هسيبهولك هنا وياريت تاكلي مش  
عايزين حد تاني يموت كفاية اللي راح  
وطلع حسام من أوضة إيمان

وبعد قليل

سماح وإبراهيم وحسام كانوا قاعدين برا  
وكل واحد في حالة لا يحسدوا عليها ليسمعوا  
صوت تكسير من أوضة إيمان

حسام قام جري وفتح الباب ليري إيمان  
غايبة عن الوعي وماسكة في إيديها كوباية  
الماية المكسورة وإيديها بتنزف

سماح وإبراهيم مصدومين وجسمهم اتجمد  
من المنظر اما حسام اتصرف بسرعة وجاب  
قطعة قماش وربط إيد إيمان لمنع النزيف  
وشالها ونزل وسماح وإبراهيم وراه ووقفوا  
تاكسي وركبوا

سماح بدموع: اه يا بنتي ليه ليه كده مش  
كفاية أخوكي راح ليه عايزة تسبيننا أنتي  
كمان

وبعد شوية وصلوا المستشفى

أدم شاف حسام وهو شايل إيمان وهي  
بتنزف

أدم بخوف: ايه اللي حصل

حسام: دخلت الأوضة لقيتها كسرة كوباية  
مايه وجرحت إيدها

أدم نادي علي الممرضين بسرعة ودخلها  
أوضة العمليات

وبعد ساعتين في العمليات

أدم خرج

أدم: الحمد لله جت سليمة قدرنا نوقف

النزيف

ليتنهد حسام وإبراهيم وسماح براحة

أدم: طبعا مش محتاج أقول إن سبب  
الانتحار موت أخوها والحادثة وطالما وصلت  
للمرحلة دي لازم نعمل حاجة وبسرعة

حسام: اعمل اللي شايفه مناسب يا دكتور انا  
خلاص تعبت بجد

أدم: تمام

ومشي أدم راح مكتبه ومسك تليفونه  
واتصل بشخص ما

أدم: تعالي علي المستشفى فورا  
وقفل التليفون دون أن يسمع الرد

□ stop□

الحلقة خلصت أتمني تكون نالت إعجابكم



شاركوني برأيكم ♥

ما تنسوش التصويت للحلقة فضلا ☺ □ ♥

مع السلامة ♥

معاقة لكن أعشقها ♥

بقلم: Alaa Mohamed ♥

معاقة لكن أعشقها

الحلقة الخامسة والعشرون ﴿ما قبل

الأخيرة﴾

أتمني تنال إعجابكم

Enjoy

في قصر المنشاوي

في الصباح

الاء بتخبط علي الباب وعايزة تخرج ومالك  
قاعد بكل برود بيفطر

كريمة بضيق: يا أبني أفتح لها الباب حرام  
عليك كفاية اللي بيحصلها

مالك: تستاهل عصت كلامي وقتلتها لاء  
وغضبي وحش وبعدين ده جزء صغير من  
اللي هيحصلها هي عصتني تبقي تستحمل  
بقي

كريمة بضيق: يارب الصبر من عندك  
وفجأة صراخ الاء وخبطها علي الباب وقف  
نرمين: يا مالك قوم شوفها ليكون حصلها  
حاجة

مالك قام بضيق وطلع أوضتها وأول ما دخل  
لقاها قاعدة علي السرير بتعيط

قفل الباب بنظرة شر والاء خافت جدا

الاء بدموع: أنت ليه بتعمل فيا كده انا تعبت

مالك: حد قالك تخرجي مع أني نبهت إن  
مفيش شغل ولا خروج وبعدين انا لسه  
معملتش حاجة لسه العقاب جاي

الاء: عادي مش هتفرق انا خلاص فقدت كل  
حاجة أهلي سعادتني كل حاجة راحت مني  
مش باقي ليا حاجة حتي زياد هفقده هيكبر  
ويتجوز وانا هبقي وحيدة للأبد ياريت لو  
تموتني علشان أرتاح أرجوك وفضلت الاء  
تعيط بالدموع ومنهارة من العياط

مالك في غمضة عين شالها

مالك: عايزة تموتي من عنيا

ونزل مالك وهو شايها وسط انبهار جاسر

ونرمين وكريمة

وقاموا كلهم ورا مالك اللي راح عند البسين

ورمي الاء في الماية

لتعلو شهقات الجميع

كريمة: مالك

الاء حرفيا كانت بتغرق و لاحظ مالك

أستسلامها خاف لتكون بتنتحر ونزل جابها  
وظلعها وبعد ما فاقت خدها وطلعها أوضتها

مالك وهو بينشف شعره من الماية والاء  
قاعدة علي سريرها في صمت: أتمني تكوني

رجعتي لعقلك

الاء قامت ووقفت قصاده

الاء بتساءل: ليه ليه أنقذتني كنت سبتني  
أموت ليه عملت كده ليه بتعمل فيا كده ليه  
دخلت حياتي ليه بتتحكم فيا انا تعبت ومش  
عايزة أعيش معاك سبني في حالي بقي  
أهمك في ايه ليه مهمة للدرجة دي عندك  
ليه بتخاف وبتغير وبتتعصب عليا ليه ليه  
قولي ليه أنا تعبت

مالك قربها منه وقرب من وذنها وبهمس

مالك: عايزة تعرفي ليه علشان بحبك ♥

مالك قال الكلمة وسابها وخرج وهو مبتسم  
اما الاء فضلت واقفة فترة مكانها وعلامات  
الصدمة تعلو وجهها

وبعد شوية دخلت وغيرت هدومها وصلت  
فرضها ودخلت تنام وهي لسه بتفكر في اللي  
قاله مالك جواها أحاسيس كتييير فرحة

خوف كره حب رفض وقبول عقلها رافض  
وقلبها عاشق وبعد شوية نامت نوم عميق  
اما مالك خرج وهو فرحان بأعترافه وقرر  
يمحي الماضي من قلبه

في المستشفى

شريف دخل مكتب آدم

شريف: ايه يا آدم في ايه قلت لي أجي ليه

أدم: إيمان حاولت تنتحر

شريف اتصدم وقعت الكلمة علي قلبه زي  
الصاعقة: ايه أنت بتقول ايه مستحيل طب  
وهي كويسة دلوقتي

أدم بأسف: هو ده اللي حصل والحمد لله  
عرفنا نلحقها

شريف حط إيدہ علي رأسه واتنهد بضيق  
من نفسه إنه بعد عنها: ليه عملت كده ليه

أدم: أنت بتسألني انا يا دكتور انتحرت ليه انا  
اقولك انتحرت ليه علشان أخوها سابها  
ومات وقبل أخوها كان حبيبها اللي سابها  
وسلمها لحد تاني ياخذ باله منها ضحي بيها  
وداس علي قلبه وطعنه بسكينه

شريف بصدمة وتساءل: حبيبها مين

أدم: أنت

شريف بصدمة: ايه أنت بتقول ايه

أدم: ياريت بلاش تضحك عليا انا عارف كل  
حاجة فاكر لما جيت عندك المكتب وأنت  
طلعت تعمل مكالمة سساعتها كنت سايب  
النوتة بتعتك ومن غير قصدي وقعت من  
علي المكتب واتفحت علي الكلام اللي أنت

كاتبه انا أسف أسف أني جرحتك أسف بس  
بجد ما كنتش أعرف انا عمري ما حبيت  
إيمان من قلبي يمكن كان إعجاب مش أكثر  
بس واثق إنك بتحبها وبتحبها أوي كمان  
يمكن أكثر مني وهي محتاجة لك كانت كل  
شوية بتسألني عليك لدرجة أني شكيت إنها  
بتحبك حد ما جه يوم واثقت من ده كانت  
بتكلم واحدة صاحبته وكانت بتقولها

### فلاش باك

أدم كان داخل لإيمان علشان يطمئن عليها  
بس وقف عند الباب لما سمعها بتكلم حد  
إيمان بدموع: خلاص انا تعبت بجد تعبت  
كنت غبية لما كنت فاكرة إنه بيحبني خلاص  
انا مش هتصل بيه تاني وأهين كرامتي تاني  
خلاص ولا هبقي ليه ولا لغيره انا اصلا كنت  
بفكر ازاي ازاي اصلا هيبص لمريضة عنده

وكمان معاقة كنت غبية قال شيفو قال  
جرحني وكسرني عمري ما هسامحه وأسيب  
قلبي يحب حد ثاني عمري

باك

أدم: ولما سمعت كلامها وشففت النوتة  
عرفت أني انا اللي واقف حاجز بينكم ولما  
راجعت نفسي عرفت إن الحب مش كده  
الحب إنك تخلي اللي قدامك دايمًا سهيد  
فرحان ويضحك ترسم أبتساسة علي وشه  
وما تجرحهوش ايوه في جرح والم بس هو  
كده طالما عايز حاجة أنت بتحبتها لازم تدوق  
العذاب علشان يجي الحب وانا معرفتش  
اعمل كده انا معرفتش ارسم الأبتسامة اللي  
علي وشها زي ما أنت رسمتها انا متعذبتش  
قد ما أنت تعذبت انا اهو دلوقتي بقولك  
روح لإيمان هي لازم تخف لازم تحس بالأمان

ده أنسب وقت هي محتجاك فيه روح لها  
أرجوك وطلعها من الحالة اللي هي فيها يلا

روح

شريف: وأنت انا مستحيل أسيبك تتجرح

أدم: ما تخافش عليا وبعدين انا محبتش  
علشان اتجرح لكن أنت حبيت وبجد  
ومتخافش أكيد ربنا هيعوضني

شريف: انا مش عارف اقولك ايه شكرا شكرا

ليك بجد

أدم: يلا روح لها

شريف اوما لأدم برأسه وقام بسرعة  
وتنهد أدم براحة وثقة بأن الله سيرا ضيه  
ويعوضه

شريف خرج وشاف أهل إيمان وراح عند

والدها

شريف بحزن:البقاء لله يا عم إبراهيم شد

حيلك

إبراهيم: الدوام لله يا أبنى

شريف: انا كنت عايز أطلب منك طلب

إبراهيم: اتفضل يا أبنى بس ما اتعرفناش

شريف: انا الدكتور النفسي اللي بعالج

الأنسة إيمان طبعاً أنتوا مش كنتوا

بتشوفوني علشان كنت باجى في أوقات مش

يتكونوا موجودين فعلشان كده ما اتعرفناش

قبل كده

إبراهيم: ايوه يا أبنى حسام حكي لنا عليك

شريف: اممم طيب انا كنت عايز اطلب منك

طلب

إبراهيم: اتفضل يا أبني

شريف: انا عايز أطلب منك إيد الأنسة إيمان

إبراهيم: ايوه بس يا أبني أنت عارف ظروفنا

ما تسمحش أخوها لسه ميت وهي في حالة

ما تسمحش بكده

شريف: أرجوك وافق انا الوحيد اللي أقدر

أخرجها من الحالة اللي هي فيها خليك واثق

فيا

إبراهيم: طيب يا أبني

الأيموشن ده احتفالا بموافقة الحج إبراهيم

## في قصر المنشاوي

نرمين سمعت صوت أية بتعيط وقامت  
جري علشان تشوفها بس وهي بتجري  
خبطت في جاسر وكانت هتتزلحلق بس جاسر  
مسكها قبل ما تقع وفضلوا فترة يببصوا  
لبعض لتتحدث أعينهم

نرمين:أسفة

جاسر: هيفيد في ايه الأسف دلوقتي بعد ما  
جرحتيني

نرمين: أرجوك سامحني

جاسر: أسف مش هقدر خلاص قلبي قفل  
بابه من زمان ومش هيسمح بجرح تاني  
نرمين: وعد هعوضك عن كل لحظة ألم  
مريت بيها بسببي

جاسر: اللي مريت بيه محدش هيعرف  
يعوضه قلبي كان بينزف وعالجت الجرح  
بصعوبة لو اتجرح تاني هيموت بين إيديكي  
نرمين: وعد لأعالجه وأخليه يضحك من تاني

جاسر بسخرية: يضحك كان زمان بس  
دلوقتي مش هيقدر يضحك بقي ضلمة أوي  
وما شفش الضحك بقي له سنين يضحك  
صعب

نرمين: انا اللي هرجعله السعادة وعد مني  
جاسر بسخرية: وعد ما ياما قولتيلي وعود  
زايفة هتفرق ايه

لتنتهي نظرات العيون لسماع صوت عياط  
أية

نرمين: احم أسفة ما أخذتش بالي



وامبارح رماني في البسين يا خوفي لتكون  
لعبة من العابه بس مش عارفة ليه حاسه  
بفرحة كأني كنت مستنياه يقولها لالا الاء  
بس أهدي وبطلي هبل حب ايه أنتي عندك  
ومستقبل ومذاكرة وأحلام لازم تحققها  
مش فاضيين للحب والكلام الفارغ ده يارب  
خليك معايا يارب

الاء نفضت الأفكار من دماغها وقامت تصلي  
فرضها وجابت كتبها وراحت البلكونة لحبها  
للسماء وكمان الزرع اللي في الجنينة وكمان  
الهواء الرائع راحت وقعدت في البلكونة  
وبدأت تذاكر وأثناء أندماجها في المذاكرة  
مالك دخل البلكونة بتاعة أوضته وهي كانت  
مندمجة جدا وفضل فترة يبص عليها  
مالك: احم أتمني تكون الشيكولاتة عجبك

الاء: لاء ما عجبتيش

مالك: بجد بأمانة أنك خلصتها كلها  
ومسبتيش حاجة في الورقة حتي

الاء بصدمة:ايه وأنت عرفت منين

مالك: من الزبالة

الاء بصتله وسكتت

مالك: كنتي قلتيلي كنت وصيتلك علي  
كرتونة طالما عجباكي كده

الاء بضيق: مش ملاحظ إنك بتعطلني

مالك: اوه أسف خلاص هقعد ساكت اهو

الاء: ياريت

لتندمج الاء مرة أخري في المذاكره ويستمر  
مالك في مراقبتها

بعد أربع شهور

مالك بدأ يكسب قلب الاء شوية والاء بدأت  
تحبه شوية نرمين بتحاول تقرب من جاسر  
وتخليه يحبها وبتحاول تعتذر له بكفي  
الطرق إيمان خفت وخرجت من المستشفى  
وشريف كل يوم بيجي لها ويشوفها بس هي  
فاقدة النطق ومش بتتكلم ولا تحكي مع حد  
اما آدم فهو خلاص اتقبل الواقع وكمل حياته  
لحد ما في يوم

الممرض خبط علي مكتب آدم ليأذن آدم له  
بالدخول

الممرض: دكتور آدم دكتورة أروي وصلت

آدم بتساءل: دكتورة أروي مين

الممرض: دي الدكتورة الجديدة اللي  
هتشتغل في القسم حضرتك بدل دكتور  
أكمل

أدم: اه تمام دخلها

الممرض: اتفضلي يا دكتورة

أول ما دخلت أدم أنبهر من جمالها ورقتها  
وقام سلم عليها وهي كمان أنبهرت بيه  
وأعجبت بيه جدا وبذوقه معاها وشوية  
وبدأوا يتواصلوا مع بعض وقربوا من بعض  
أكثر وكان فيه بينهم حاجات كتير مشتركة  
وبدأوا يخرجوا مع بعض وأدم راح علشان  
يتقدم لها

في بيت عائلة أروي

والد أروي: بص يا أبني قبل ما نتكلم في أي  
حاجة في حاجة لازم تعرفها

أدم: حاجة ايه يا عمي

والد أروي: بص يا أبني أروي كانت متجوزة  
قبل كده او بمعني أصح كانت علي وشك  
إنها هتتجوز وفي يوم فرحها قبل كتب الكتاب  
عرفنا إن عريستها متجوز عرفي من واحدة تاني  
وبعدين لما عرفنا مشينا وما كملناش الفرغ  
وقطعنا علاقتنا بعيلتهم وهما دلوقتي  
بيهاجمونا وكل شوية يلبسونا تهمة شكل  
ويعتدوا علينا أنا بس حبيت إنك تكون واخذ  
فكرة بس

أدم: شكرا يا عمي ممكن بس تسيب لي وقت  
أرد عليك وأقول لأهلي واتصل بيك  
والد أروي بأبتسامه: أكيد يا أبني طبعا  
مشي أدم لتنهار أروي بالدموع: ياريتك ما  
قلت له يا بابا هيمشي ويسبني انا حبيته

والد أروي بحنان ضمها لحضنه: ما تخافيش  
يا بنتي اللي فيه الخير ربنا هيقدمهولك ولو  
بيحبك بجد هيرجع هيرجع صدقيني

في قصر المنشاوي

يوم ظهور نتيجة الاء

الاء رايحة جاية بقلق متوترة وخايفة

كريمة: يا بنتي أهدي إن شاء الله خير

الاء: انا خايفة اوي خايفة لأكون جبت

مجموع وحش

كريمة: تفاءلوا بالخير تجدوه

الاء: يارب يارب أنجح بارب وأجيب مجموع

حلو

وبعد قليل الجرس بيرن الاء جريت علشان  
تفتح

الاء بخوف وعلي أعصابها بتبص لمالك  
بخوف: ايه جبت مجموع وحش صح  
مالك مردش عليها وسكت لتنهمر الدموع  
من عيونها

الاء: انا كنت عارفة

مالك: سؤال بس بتعيطي ليه هو انا اتكلمت  
ولا قلت حاجة

الاء : لاء بس أنت سكت ومردتش عليا  
معني كده إنك مش عايز تصدمني وإني  
جبت مجموع وحش قولي  
جبت كام متخافش مش هزعل اتعودت  
خلاص

مالك: كل العياط ده ومش هتزعلي اومال  
بعد ما أقول هتعملي ايه هتنتحري عمّا  
يعني جبتي 98

الاء: لسه مستمرة في العياط لينبها  
عقلها بما قال مالك ايه أنت قلت كام 98  
بجد ولا بتضحك عليا

مالك: اتفضلي شوفي بنفسك

الاء خدت الشهادة بتاعتها من مالك وفرحت  
جدا ومن فرحتها قامت نطت وحضنت مالك  
ومالك كمان حضنها ورفعها من علي الأرض  
ولف بيها وكانت أجمل لحظات السعادة  
ولما وقف همس في ودنها


مالك بهمس: بحبك ♥

لتشعر الاء بخجل وينزلها مالك

الاء خدت نتيجتها

الاء بخجل: احم عن إذنكم وطلعت علي  
السلم جري

ليضحك كل من كريمة ونرمين من خجلها



في منزل إيمان

إيمان كانت نائمة لتدخل والدتها

والدة إيمان: إيمان إيمان قومي بسرعة

الحقي شريف عمل حادثة

قامت إيمان من النوم مفزوعة علي صوت

والدتها سماح وجابت لها عباية ولبستها

بسرعة وحسام اخدها المستشفى وأول ما

دخلت اتصدمت بمنظر شريف والجروح

اللي في جسمه

إيمان بدموع: هو ايه اللي حصل له

حسام بفرحة لأنها أتكلمت أخيرا: عمل حادثة

وهو سايق

إيمان بدموع: ممكن تسبني معاه شوية

حسام: أكيد

وخرج حسام وقربت إيمان من شريف

بالكرسي

إيمان بدموع: انا أسفة أسفة أرجوك قوم ما

تسبنيش انا محتاجة لك قوم أرجوك

شريف فتح عينه ومسك إيدها: أخيرا

إيمان بصتله بصدمة: ايه أنت صحيت

شريف: كنتي عايزاني أموت يعني

إيمان بعصبية: يعني كنتوا بتمثلوا عليا

وخذعتوني

شريف: ما انا بقي لي أربع شهور ماشي  
معاكي بالذوق وأفضل اتكلم وأضحك علي  
نفسي وأنتي قاعدة لي زي أبو الهول قلت لاء  
بقي لازم اعمل حاجة بس واتصلت بأهلك  
واتفقنا ودي النتيجة

إيمان: انا كنت هموت من الخوف عليك  
وانت طلعت بتخدعني

شريف: حد قال لك تعاندي معايا اتحملي  
بقي

إيمان: انا غلطانة أني جيت انا غلطانة أني  
بخاف علي واحد زيك انا ماشية

ليقوم شريف بسرعة من علي السرير  
ويحملها من علي الكرسي المتحرك

شريف: تمشي تروحي فين بس هو احنا  
لسه قاعدنا مع بعض

إيمان بعصبية: شريف سبني

شريف : شريف مين انا شيفو يا قلبي

نسيتيني ولا ايه

إيمان بعصبية: شريف

شريف : قلب وعيون شريف

إيمان: سبني

شريف: تدفعي كام

إيمان :

شريف: خلاص هسيبك بس بشرط

إيمان: ايه

شريف: تقولي التلت كلمات دول

بحبك.....يا..... شيفو

إيمان برفض: لاء مستحيل

شريف: متأكدة

إيمان ايوه

شريف نزلها علي السرير وبأبتسامة

شريف بوعيد : طيب أنتي اللي اختارتي هعد  
من واحد لتلاتة لو ما قلتيش بحبك يا شيفو  
هتشوفي حاجة مش هتعجبك

إيمان برفض: مش هقول

شريف بأبتسامة وعيد يبقي متلوميش غير  
نفسك وقرب منها وهمس في ودنها: بحبك  
يا أحلي وأجمل وأرق حد في الوجود

إيمان : بحبك يا أحلي شيفو في الدنيا

شريف : شفتي سحرتك ازاي وقولتي بكل

بساطة

إيمان فاقت وأدركت هي قالت ايه: أنت  
مجنون مجنووووووون نفسي أعرف مين  
الحمار الحمار اللي خلاك دكتور نفسي اه لو  
اشوفوه كنت خنقته

شريف: طب مش بدمتك مش أحلي  
دكتور

إيمان: لاء طبعا في أحلي

شريف : ايه بتقولي حاجة

إيمان: انا لاء خالص

شريف: بحسب يلا بقي علشان عندنا  
مشوار مهم

وشالها تاني

إيمان: مشوار ايه صدمة تاني ولا خدعة

شريف: أحلي صدمة وأحلي خدعة

إيمان: علي فين إن شاء الله

شريف: علي المأذون بإذن الله هو انا ما

قلتلكيش

إيمان: لا الحقيقة محصلش نصيب

شريف: مش فرحي النهاردة

إيمان: بجد طيب الف مبروك ومين تعيسة

الحظ اللي هتعيش معاك

شريف بحب: ما أسمحلكيش تشتميهها علي

فكرة لأنها حبيبتني وأجمل منك علي فكرة

إيمان برفض : ايه أجمل مني لاء طبعاً

مفيش حد أجمل مني ونزلني بقي علشان

أنت غلس

شريف بسخرية: أنزلك فين في الأرض

شهقت إيمان: الكرسي سبناه

شريف بسخرية: وخايفة عليه ليه حبيبك

وانا معرفش

إيمان بتذمر: ايوه حبيبي ما لكش دعوة

ورجعني بقي للكرسي واتصل بحسام يجي

ياخدني وروح علشان تلحق عروستك قبل ما

تطير

شريف بحب: لا ما تخافيش مش هتطير

لأنها بين إيديا

لتبتسم إيمان بخجل ويركبوا العربية

□ stop□

خلصت الحلقة أتمني تكون نالت إعجابكم

باقي الحلقة الأخيرة والخاتمة

الحلقة الأخيرة يوم الجمعة بإذن الله

والخاتمة السبت

مع السلامة

معاقة لكن أعشقها

بقلم: الاء محمد

معاقة لكن أعشقها

الحلقة الأخيرة

أتمني تنال إعجابكم

Enjoy

في قصر المنشاوي

كريمة: نعيمة الفطار جهز

نعيمة: ايوه يا هانم

كريمة: تمام حطيه علي السفرة قعبال ما

أطلع أشوف نرمين والولاد

طلعت كريمة علسان تصحي نرمين والولاد  
فضلت تخبط علي بابا الأوضة بس مفيش  
رد فتحت الباب ودخلت وقعدت تدور عليهم  
بس مش لاقيتهم

كريمة بخوف: ماااالك مالك

مالك جه من مكتبه يجري والاء وزياد كانوا  
في أوضتهم وجم علي صوت كريمة

مالك: في ايه يا ماما مالك

كريمة بدموع: دخلت الأوضة ما لقيتش  
نرمين والولاد

مالك: تلاقيهم هنا ولا هنا

كريمة: دورت عليهم بس مش موجودين

مالك: ممكن راحوا الجينية

كريمة بخوف: سألت الجنائني قال لي لاء

مالك:كريميم

كريم: نعم يا باشا

مالك: شفت نرمين والولاد خرجوا

كريم: لاء سيادتك مفيش حد خرج

مالك تليفونه بيرن ليرد بعصيبة

مالك بعصيبة: الو

أحمد : الو مالك باشا أختك ومراتي عندي لو

عايز تيجي تودعها تعالي علي العنوان

ده..... ما أنت أخوها برضوا ولازم تشوفها

قبل ما تموت سلام يا مالك باشا

مالك بعصيبة: الو الو

لم يلقي مالك رد ليرمي الهاتف علي الأرض

بعصيبة

كريمة: في ايه يا مالك ايه اللي حصل لأختك

مالك: أحمد الكلب خطف نرمين والولاد

والله لأقتله بإيدي

ليقع الكلام كالصاعقة علي كريمة ويغمي

عليها لتصرخ الاء

مالك بصراخ: نعيمة هاتي كوباية مائة بسرعة

نعيمة جابت مائة ومالك فوق كريمة وأداها

مسكن علشان ما تتعشب وتنام

مالك بتنبيه ل الاء: خليكي جمبها ولو حصل

حاجة بلغيني

وخرج مالك من الأوضة لتلحقه الاء سريعا

الاء: احم أستاذ مالك

مالك: نعم وبعدين انا مش قلتك تقولي لي

مالك بس

الاء بخجل وارتباك: ايه اه أسفة

مالك: كنتي عايزة ايه

الاء بخجل: كنت عايز اقولك خلي بالك من  
نفسك

مالك بحب: خايفة عليا

الاء: ايه انا لاء انا بقول كده عشان ماما  
كريمة ونرمين هما محتاجين لك

مالك: امم بجد طب وأنتي عمما كان نفسي  
اتناقش معاكي بس للأسف معنديش وقت  
دلوقتي عمما لما ارجع هيبقي لينا كلام تاني  
وقرب من ودنها وبهمس بحبك ♥

ومشي مالك والاء وقفت مكانها مصدومة  
وعنيها عليه لحد ما مشي

وراحت أوضتها واتصلت بفريدة

فريدة: الو

الاء: الو ايوه يا فريده مالك قال لي بحبك ثاني

فريده: كده يبقوا 1201 بحبك في أربع

شهور بس

الاء : أنتي بتعديهم

فريده: طبعا لازم اسجل اللحظات السعيدة

الحاسمة التاريخية دي

الاء : انا غلطانة أني بحكيلك حاجة

فريده: خلاص أسفة طب وأنتي مش ناوية

تقوليله حرام عليك يا بنتي الراجل قال لك

بحبك 1201 مرة

الاء: لاء طبعا انا عمري ما هحب صحيح هو

بدء يعاملني كويس آخر فترة بس ده مش

مممكن حب لاء أنتي عارفة الحب بالنسبة لي

ايه وأنتي عارفة أني عندي فوبيا من الحب

فريدة: انا مش فاهمة ازاي عندك فوييا من  
حاجة عمرك ما جربتيتها وبعدين مالك  
واضح إنه بيحبك بجد مش فاكرة عمل  
معاكى ايه في الامتحانات كان بيذاكر لك  
وعوضلك اللي راح عليكى وكان بيفضل  
سهران جمبك رغم شغله ولما كنتي بتنامي  
واتتي بتذاكري علي المكتب وهو يشيلك  
وينيمك علي السرير ده غير الهدايا  
والخروجات كل ده يا مفترية ومش قادرة  
تحبيه قلبك حجر

الاء: مين قال أني مش بحبه بس انا مش  
قادرة أفهم لسه ايه سبب حبه ليا ليه هو  
رجل أعمال وكل بنات الدنيا تتمناه ليه انا  
ليه مضطر يحب واحدة معاقة ليه  
فريدة: الاء بطلي الأفكار المتخلفة دي بقي  
انا فاهمة أنتي ليه عندك فوييا من الحب

علشان خايفة يجي يوم ويهينك او يذلك او  
يعايرك علشان إيدك صح بس اصلا هو  
عمره ما جاب لك سيرة الموضوع ده او  
حاول يكلمك فيه عمره ما قال حاجة عنك  
حتي وقت عصبيته عليك حتي لما اعترف  
لك بحبه ما طلبش منك تتقبله ما طلبش  
منك حاجة ما طلبش إنك تقوليله بحبك  
حتي ما طلبش كده مع إن ده حقه يسأل  
وحقه يطلب منك تتقبلي حبه وتحبيه زي  
ما هو بيحبك لكن هو معملش كده كل اللي  
قال له بحبك بس ومسأل كيش عن رأيك  
سواء هتتقبله او لاء الاء أرجوكي بطلي  
الخوف ده بقي وعيشي حياتك لسه عندك  
مستقبل وإحلام وصدقيني مالك الوحيد  
اللي هيقدر يعوضك عن أهلك كلهم ياريت  
تهدي وأستعيني بربنا

الاء: يارب صح نسيت اقولك نرمين  
اتخطففت

فريدة: بجد ليه ايه اللي حصل

الاء بعصبية: جوزها خطفها زعيم العصابة  
المجرم غبي ومالك راح علشان ينقذها  
تفتكري ممكن يحصله حاجة

فريدة: أكيد مش بعيد يموت مش بتقولي  
جوزها زعيم عصابة يبقى أكيد

الاء: لاء طبعا لو مات انا هموت بعديه

فريدة: أنتي هتجنيني صح لسه دلوقتي  
بتقولي انا مش هحب ودلوقتي خايفة عليه

الاء: ايوه بصي مش عارفة بقي انا بجد  
تعبت

فريدة: انتي بتحبينه بس عقلك رافض لكن  
قلبك اصلا سلم له من اول ما شفتيه بس  
أنتي اللي بتكابري بصي الكلام مش نافع  
معاكي اقفلي سلام

الاء قفلت بضيق مع فريدة وراحت تتطمئن  
علي كريمة



عند مالك

كريم وقع علي الأرض نتيجة البوكس اللي  
اخده من مالك

مالك: دي تالت غلطة ليك ياريت ما  
شوفش وشك هنا تاني أنتهي شغلك معايا

وخرج مالك من القصر وهو متعصب  
ومسك تليفونه واتصل بجاسر

مالك: الو النهاية جت يلا استعد

جاسر: واخيرا سلام

مالك قفل مع جاسر واتجه للمكان اللي

أحمد قال له عليه

دخل مالك مكان زي بيت مهجور

وأول ما دخل شاف أحمد وأدهم ووالده

صقر المنشاوي

أحمد بابتسامة شر: يا اهلا يا اهلا يا مالك

باشا اتفضل شفت مين عندنا صقر

المنشاوي بنفسه وجبروته عندنا واخيرا جت

اللحظة اللي مستنيها من زمان علشان اخذ

حقي منكم ولا ايه يا عمي

مالك بتعجب: انا مش فاهم حاجة بابا هو

أنت ايه اللي جابك هنا مش كنت مسافر



وهجم رجال الشرطة علي المكان وحاصروه

أحمد بسخرية: كنت عارف إنكم هتعملوا  
الحركة دي بس انا مش هسيبكم تنتصروا

عليا

ووجه مسدسه مجددا اتجاه صقر المنشاوي

لتنطلق رصاصة تصل مباشرة لقلبه

أحمد: اخيرا قتلتك قتلتك يا صقر وأخذت

حقي

جاسر راح عند أحمد وكلبشه وخذ منه

المسدس بمنديل علشان البصمات ما

تروحش من عليه وبدأ في ضربه

سامح: خلاص يا جاسر القانون هو اللي

هياخد حقنا سيبه هيموت في إيدك

جاسر: سبني أخلص عليه ده إنسان ما

يستحقش إنه يفضل عايش

سامح: سيبه بقي خلاص روح شوف نرمين  
وانا هتصرف معاه

سامح هدي جاسر وبعده عن أحمد وجاسر  
هدي وراح لنرمين

نرمين أول ما شافته جريت عنده واتعلقت  
في رقبته

نرمين بخوف ودموع: جاسر أحمد خطفني  
أرجوك خدني من هنا مش عايزة مش عايزة  
أرجع له تاني أرجوك خدني

جاسر ضمها لحضنه علشان يطمئنها

جاسر: بس بس أهدي انا جمبك هنا عمر ما  
هيقدر ياخذك تاني ما تخافيش أهدي

نرمين: أرجوك ما تسبنيش انا محتاجة لك  
خليكي جمبي ومعايا انا سبتك زمان بس  
أرجوك ما تبقاش زي وتسبني أنا بحبك

جاسر ضمها لحضنه أكثر: وانا بعشقتك  
وعمري ما هسيبك يا عمري



مالك ببص لصقر

مالك: للأسف انا مش عارف أزعل عليك  
مش عارف كل اللي أقدر أقولوا إنك كنت  
تستحق موة أبشع من دي

وسابه ومشي والشرطة خدت جتته

أما بالنسبة لأدم فاتصل بأهل أروي وبلغهم  
إنه هيجي مع أهله علشان يتقدم لها أروي  
كانت فرحانة جدا واثأكدت من حب أدم ليها  
وأدم حس إن ربنا عوضه بجد وراح ثاني يوم  
هو وأهله يخطبوها بس حصل ما لم نتوقعه

في بيت أروي

كانت الخطوبة في البيت عيلة آدم وعيلة  
أروي وصحابها وبس

وهما قاعدين وبيتكلموا الباب خبط بطريقة  
عنيقة

قام والد أروي وفتح الباب

ليدخل محمد خطيب أروي السابق

محمد: هو أنت بقي العريس الجديد يلا من  
هنا معندناش بنات للجواز البت اللي جاي  
تخطبها دي ملكي ومحدث هيتجوزها غيري  
سامع وبا نقول تاني

آدم فهم هو مين وعرف إن ده خطيبها اللي  
عرفت إنه متجوز عرفي من واحدة تاني

أدم: اه ملكك للأسف كانت ملكك بس هي  
دلوقتي ملكي انا حبيبتي انا فاهم انت اللي  
ضيعتها وده مش ذنبي واتفضل اطلع برا  
قبل ما أبلغ البوليس

محمد حس بخوف من أدم وكلامه اللي فيه  
نبرة عن الجدية إنه ممكن يبلغ البوليس بجد

محمد: انا ماشي بس مش خوف منك لا  
علشان ده مش وقت كلام بس وعد هاجي  
تاني وهتشوف يا انا يا انت

محمد مشي وأدم حاول يفك جو التوتر  
وتمت الخطوبة

مالك وجاسر ونرمين رجعوا البيت

كريمة جريت علي نرمين وحضنتها والاء  
كانت فرحانة برجوع مالك بخير

بس راحت فرحتهم وضحكتهم لما لقوا ناس  
داخلة وشايلة حد ميت

كريمة: ايه ده في ايه ابيه اللي حصل مين ده

الكل صامت ولا يتحدث

كريمة بدموع: مالك قول لي مين ده في ايه

وأیضا لا يوجد رد

لتتجه كريمة اتجاه الناس اللي شايلين الجثة

ورفع الغطاء لتندم إنه صقر

كريمة بصدمة: صقر صقر قوم ايه اللي

حصل مالك قول لي ايه اللي حصل

مالك : ما يستاهلش تعيطي عليه الراجل

اللي قتل اخوه وباع بنته صدقيني ما

يستاهلش

كريمة بصراخ: أنت بتقول ايه لاء مستحيل

مالك: للأسف هو ده اللي حصل طلعه  
فوق ولازم يطلع خبر إنه مات موة طبيعية  
لو بس حصل واتسرب خبر إنه اتقتل همحي  
كل واحد سرب الخبر من علي وش الأرض  
فهمت يا مدحت مش عايز الناس لما تعرف  
إن صقر المنشاوي اتقتل يستضعفونا لازم  
نقول لهم انه مات موة طبيعية

مدحت مساعد مالك الجديد الذي جاء بدل  
كريم: طبعا يا فندم

وبعد شوية راحوا دفنوه وانتشر الخبر إن  
صقر المنشاوي مات بس مات موة طبيعية  
وككي مالك لوالده اللي حصل بالتفصيل  
وهون عليها زعلها وفهمها إن هي مش لازم  
تزعل علي واحد زي ده وهي وافقته علي  
الكلام بس من جواه برضوا هي لسه متعلقة  
بيه مهما كان ده جوزها وعشرة عمرها اه كان

بيعاملها اسوأ معاملة بس برضوا عاشوا مع  
بعض فترة من الزمن فأكيد جواها لو حتي  
حابة اخلاص وزعل عليه

وبعد أسبوع من الحادثة مالك كان قاعد في  
الجنينة

الاء شافته وراحت عنده

الاء بتوتر وخجل: احم

مالك وهو يقرأ في كتاب: اممم

الاء: ممكن اسألك سؤال

مالك: اتفضلي

الاء: أنت ليه كل شوية تقولي بحبك

مالك: علشان انا بحبك

الاء: ليه

مالك: هو ايه اللي ليه

الاء: ليه بتحبني

مالك: مفيش في الحب ليه الحب فيه قلب  
بيدق وبيحب شخص في عيونه أحلي إنسان  
في الكون

الاء: حتي لو الإنسان ده مش بيحبه

مالك: كذب الإنسان ده بيحبه وبيعشقه  
كمان بس بيكابر

بس وعد هبقي وراه لحد ما يستسلم ويجي  
يعترف بنفسه

الاء ابتسمت بخجل وقامت

تاني يوم بالليل

الاء كانت نايممة وصحيت لقت الأنوار كلها  
مطفية ومفيش نور خالص قامت من علي  
السريير وقفت ومن دون انظار تجد من  
يحملها

الاء بصراخ: اااااااا سبني الحقوني

ليهمس مالك في ودنها: هوووووص ده انا  
لتهدء الاء: مالك في ايه ليه القصر ضلمة كده  
مالك مردش عليها وخرج من الأوضة وهو  
لسه شايلها ونزلوا تحت

وأول ما وصلوا نزلها ورجع النور وتعلوا  
الأصوات كريمة ونرمين وجاسر وزياد:

Happy birthday Alaa

الاء اتصدمت من المفاجأة وفرحت جدا

الاء بدموع فرح: شكرا بجد فرحت اوي بجد  
عمر ما حد عمل معايا كده بجد شكرا ليكم  
انتوا بجد عيلتي بجد شكرا جدا

كريمة حضنتها: مفيش شكرا يا روجي هو انا  
مش زي مامتك ولا ايه وبعدين لو عايزة  
تشكري حد اشكري مالك هو اللي حضر  
لكل ده علشانك بس

الاء بصت لمالك نظرة شكر

مالك: عالفكرة المفاجأت لسه مخلصتش  
وقرب مالك من الاء ونزل علي ركبته وطلع  
علبة خاتم وفتحها

مالك بحب: بحبك ♥

لتعلو التصفيفات الحارة من الجميع

وتبتسم الاء بخجل ويطلع مالك الخاتم  
ويلبسه ل الاء

خلصت الرواية الحمد لله استنوني بكرة في  
الخاتمة مع السلامة أتمني تكون

الرواية نالت إعجابكم

معاقة لكن أعشقها

بقلم: Alaa Mohamed

معاقة لكن أعشقها

الخاتمة

الاء وافقت علي طلب مالك ليها وسمعت  
كلام قلبها وأدت له فرصة وبقوا مخطوبين  
رسمي ودخلت كلية سياسة واقتصاد زي  
مالك وقرروا إنهم يتجاوزوا بعد ما الاء تخلص  
اولي جامعة نرمين وجاسر اتجاوزوا وكذلك

إيمان وشريف وأدم وأروي لسه مخطوبين  
وكل يوم يبجبه بعض أكثر وتم القبض علي  
خطيب أروي محمد لأتهام أدم له وإثبات  
الأدلة تم إعدام أحمد تم حبس أدهم اما  
بالنسبة لشادي نفذ وصية حسن وبقي رجل  
أعمال ناجح وفتح شركة وسماها شركة  
حسن للتصدير هي دي الصداقة اللي بجد



في قصر المنشاوي

مالك نايم والاء راحت تصحيه قعدت تفكر  
هتعمل ايه علشان يصحي قربت من ودنه

الاء بصوت عالي: ماااااااااااااالك اصحي

مالك قام مفزوع: اااااااااااا في ايه

الاء بأبتسامه: اتأخرت علي الشغل

مالك: مش رايح النهاردة اخدت أجازة

الاء : بجد أخيرا هتقعد معايا اخدت  
اجازة علشاني صح

مالك بحب: طبعا يا حبيبتى اخدت اجازة  
علشانك والنهاردة اليوم كله ليكي وعد  
هيبقى أحلي يوم في حياتك كلها

الاء بحماس: طب يلا قوم البس علشان نبدأ  
اليوم

مالك بحب: لازم دلوقتي خلىنا شوية

الاء: ايوه لازم

مالك: بشرط

الاء برفض: لاء مفيش شروط ممنوع علشان  
عارفة شروطك ومستحيل يحصل ابدا احنا  
لسه مخطوبين عالفكرة اتمني ما تنساش  
كده تعرف انا غلطانة أني جيت أصحيك انا  
ماشية

مالك مسك ايدها وشدها ليه

مالك: ايه راديو شغال انا كنت عايزك  
تختريلي هدومي علي ذوقك بس كده أنتي  
اللي دماغك شمال ده شئ ما يخصنيش  
الاء بعصبية: مين ده اللي دماغه شمال مش  
فاكر ال

مالك بأبتسامه: ال ايه ها

الاء: ولا حاجة هختار لك هدوم وروح خد دش  
الاء راحت اختارت لمالك هدوم وبعد ما  
خلصوا خرجوا

الاء: مالك قول لي هنروح فين

مالك: استني وهتعرفني

أول ما وصلوا الاء شافت زي بيت وأول ما  
دخلوا اتصدمت من اللي شافته

الاء بصدمة: ايه ده

مالك : دول الناس اللي هانوكي اللي قللوا  
من قيمتك اللي جرحوكي وكانوا عايزين  
يسرقوكي وياخده حقك دول الناس اللي  
مده إيدهم علي ملكي انا

وائل عم الاء بترجي: احنا أسفين يا بنتي  
أرجوكي قوليله يسبنا مستعدين نبوس  
راسك ورجلك بس خليه يرحمنا

الاء بتساءل: مالك ايه ده أنت ليه عامل  
فيهم كده سبهم

مالك بتصميم:لازم يعتذروا لك الأول

الاء بدموع: مالك أنت جايبني هنا ليه انا  
مش عايزة حد يعتزلي ياريت تسبهم وشكرا  
علي اليوم الجميل ده

وخرجت الاء برا وهي بتعيط ليلحقها مالك

مالك: الاء استني حبيتي مالك بتعيطي ليه

الاء بدموع: ممكن افهم أنت جابني هنا ليه

مالك: أسف يا حبيتي انا كنت بس عايز كل

حد زعلك يعتذر لك

الاء: بس انا مش عايزة كده انا مش عايزة

اعتذار من حد انا كنت نسيت الموضوع اصلا

لو عايز تفرحني بجد سييهم

مالك: حاضر بس علشان خاطري ما

تعيطيش انا أسف

الاء مسحت دموعها وابتسمت وركبوا

العربية ومشيا وقضوا يوم جمبيبييل سوا

وفي نهاية اليوم

الاء : مالك احنا رايعين فين تاني

مالك: هتعرفي أول ما نوصل

الاء: بلاش الكلمة دي قولتها لي الصبح

وبعدها حل النكد

مالك: لا ما تخافيش

أول ما وصلوا الاء نزلت من العربية وشافت

كوخ صغير هناك وكان منور

الاء: ثواني انا عارفة المكان ده أنا جيت هنا

قبل كده

مالك: ايوه جينا هنا سوا مش فاكدة

الاء: افكرت يوم ما كنت هنتحر وأنت جبتي

هنا وقتلي اجري واصرخي وطلعي كل اللي

جواكي وحتى ساعتها ورتني البيت ده

وقتلي ده الكوخ اللي كنت بتتقابلوا فيه

أنت وبابا صح

مالك: ايوه صح بس ساعتها أنتي ما  
شفتيش البيت من جوا النهاردة جبتك  
علشان تشوفيه

مالك مسك إيدها وراح وأول ما الاء دخلت  
البيت عنيتها دمعت وافتكرت باباها

مالك: انا كنت هنظمه واعدل الديكور بس  
غيرت رأي علشان لو غيرته ريحته هتروح  
من البيت ومش هيبقي لينا حاجة علشان  
كده سبته وكل لما يوحشنا هنيجي نقعد  
هنا

الاء ضمت مالك: بحبك أوي

مالك ضمها أكثر وقال بحب: وانا بعشقتك  
تعرفي انا قبل ما اقابلك كنت شايل فكرة  
الحب دي من دماغي بس اول ما شوفتك  
غيرت رأي

الاء: ليه كنت شايل الحب من دماغك في

سبب ولا عادي

مالك: لاء في سبب وانا في الجامعة كنت

بحب بنت ورحت اعترفتلها بحبي بس هي

رفضتني وهانتني وقالتي أنت عايش علي

فلوس أبوك أنت مش راجل الكلمة دي

أثرت فيا أوي حطمتني بعدين قابلت بباكي

وهو اللي عمل مالك صقر اللي بجد ووقف

جمبي لحد ما نجحت وبقيت زي ما أنتي

شايفة لما عرفت بقي أني بقيت ناجح جت

تترجاني بس انا رفضتها وقفلت قلبي عارفة

لما قلتلك بحبك كنت خايف من ردة فعلك

لتكرهيني أكثر

الاء: مالك صقر اللي الأسد يعمله

حساب قبل ما يقرب ناحيته خايف من ردة

فعلي وعالفكرة انا كنت بحبك اصلا من اول

يوم شفتك بس كنت بكابر وكمان أنت كنت  
بتعاملني وحش كل اما ابدأ أحبك شوية  
بتكرهني فيك ده غير أني كنت خايفة أحبك  
وأنت ما تحبنيش

مالك قرب منها وهمس في ودنها : ايه ده  
بجد هو انا وسيم للدرجة دي علشان  
تحبيني من أول مرة كده وبعدين مين  
المتخلف اللي ما يحبش ملاك بالجمال ده  
بس

الاء بخجل:احم يلا نروح علشان انا تعبت  
مالك بأبتسامه: اهربي براحتك هيجي يوم  
وتحاسب

مالك والاء روحوا

و تاني يوم مالك راح الشغل والاء قررت  
تعمله أكل بنفسها

الاء بتكلم مالك في التليفون

الاء: مالك اتأخرت ليه وليه مش بترد عليا

مالك:أسف يا حبيبتي كان عندي أجتماع

جاي في الطريق اهو

الاء: ماشي مستنياك متتأخرش

مالك بحب: سلام يا روهي

الاء بأبتسامه: سلام

وبعد قليل الجرس رن الاء راحت جري

علشان تفتح الباب لمالك وأول ما فتحت

الباب كانت الصدمة

لتتفاجأ بوالدتها نهال

نهال أول ما شافت الاء حضنتها

نهال بدموع: حبيبتى عاملة ايه وحشتيني  
اوي انا دورت عليكم كتيير اوي فين زياد  
وحشني اوي

الاء لسه واقفة مصدومة مكانها ومش عارفة  
تعمل ايه لتأتي كريمة

كريمة: مين يا الاء وبصت لنها اها وسهلا  
مين حضرتك

نهال: انا نهال والدة الاء وزياد

كريمة بأبتسامة: يا اها وسهلا اتفضلي كده  
يا الاء تسيبي مامتك واقفة علي الباب  
اتفضلي يا مدام نهال

نهال بأبتسامة: يزيد فضلك بس ممكن  
جوزي بس يدخل كمان علشان واقف برا

كريمة والاء بصوا لها بصدمة

كريمة بعدم استيعاب: ايه جوز حضرتك انا  
اللي اعرفه إن والد الاء متوفي

نهال: ايوه فعلا اصل انا بعد ما مات محمود  
الله يرحمه انا ما تحملتش الصدمة وسافرت  
البلد عندنا واتجوزت ابن عمي

الاء واقفة مصدومة وكان نفسها تصرخ  
وتنهار من العياط بس حاولت تتماسك  
واتمنت مالك يجي بسرعة علشان يكون  
معاها ويهون عليها الصدمة

كريمة: اه طبعا خليه يدخل مفيش مشكلة  
نهال نادت علي عبد الرحمن جوزها الاء اول  
ما شافته كانت حرفيا بتنهار كل جزء في  
قلبها بيتقطع

بعد ما دخلوا وقعدوا الجرس رن والاء راحت  
تفتح ليكون مالك

الاء أول ما شافته مقدرتش تمسك دموعها  
وحضنته وخبت نفسها في حضنه علشان  
صوت عياطها ما يطلعش

ومالك ضمها ليه

مالك بخوف: حبيبتني مالك بتعيطي ليه

بس

الاء بدموع: مالك ماما جوا

مالك: قصدك نهال

الاء اومأت له برأسها بمعني نعم

مالك بيحاول يطمئنها: طب وايه يعني عادي

ما تخافيش تلاقىها جاي تشوفكم وتمشي

الاء بدموع: بس هي مش جاية لوحدها جاية

ومعاها جوزها

مالك بتفهم لمشاعر الاء: اممم خلاص  
فهمت خلاص اهدي لازم تبقي قوية قدامهم  
امسحي دموعك ومتخافيش انا معاكي  
الاء بخوف: انا خايفه تقدر تاخذنا انا مش  
هتحمّل الإهانة اللي كانت بتحصلي تاني ده  
غير كمان جوزها مش هقدر

مالك: متخافيش انا هنا معاكي وبعدين مين  
ده اللي يقدر ياخذك مني أنتي او زياد انا  
امحيه من علي وش الأرض خلاص بقي  
اهدي

الاء هديت ومالك مسح لها دموعها ودخلوا

مالك داخل و الاء وراه

مالك: يا اهلا وسهلا ايه النور ده مدام نهال  
بنفسها عندنا خير

وقعد علي الكنية بتكبر وخط رجل علي رجل  
ومد ايده ل الاء علشان تقعد جنبه وضمها  
ليه الاء كانت محرجة وحاولت تبعد عن  
مالك بس مالك ضمها أكثر

مالك: خير يا مدام نهال

نهال بصت بغضب لمالك من تصرفه ده  
واستغربت

نهال بعصبية: أنت ازاي تتجرأ وتمسك بنتي  
كده

مالك قام وقف وبكل برود وهدوء وسخرية:  
ايه بنتك لسه فاكرة إن عندك بنت بنتك  
اللي سبتيها في أشد وقت هي محتجالك  
فيه وما لقتكيش وتقولي بنتي

نهال: انا حرة أسيبها اجي لها إنشاء الله  
أرميها في الشارع ملكش دعوة وياريت

متدخلش يلا يا هانم روجي هاتي هدومك  
هنمشي من هنا واضح أني معرفتش أربيكي  
بس لينا حساب بعدين الاء ما تحركتش من  
مكانها ونهال اتعصبت منها وكانت هتشدها  
من شعرها بس مالك مسك إيدها والاء  
استخبت ورا مالك بسرعة

مالك: تَو تَو تَو أهدي كده يا مدام نهال انا  
لحد دلوقتي محترمك كلمة تاني هرميكي  
انتي وجوزك ده بره وبعدين تاخدي مين الاء  
تبقي خطيبتني وقديا مراتي يعني ملكيش  
حق إنك تاخديها احنا كنا محترمين زيارتكم  
جدا لكن احد كده نورتونا مع السلامة

نهال: امم طيب أشبع بخطيبتك بعيد عني  
اصلا ما يشرفنيش يبقي عندي بنت معاقة  
ومش محترمة زيها ياريت تنادي لي زياد  
علشان امشي من هنا

مالك: اممم واضح إن فهمك بطئ زياد والاء  
مسئوليتي انا ومحدث هياخدكم مني الا  
علي جثتي ياريت تكوني فهمتي نورتونا  
ونادي مالك علي مدحت

مدحت جه جري: نعم يا مالك باشا

مالك: وصل المدام والأستاذ للباب بعد ما  
نهال وعبد الرحمن جوزها مشيوا الاء جريت  
وراحت الجنينة لتفرغ ما بقلبها من حزن  
ودموع ووجع

الاء راحت قعدت علي البسين وفضلت  
تعيط

كريمة: مالك روح شوفها

مالك راح ورا الاء وقعد جمبها

مالك: ليه الدموع دلوقتي

الاء: بجد تعبت انا مش فاهمة هي دي ماما  
بجد ماما انا حتي مش قادرة أنطقها ولا  
اقولها يا ماما..... ماما اللي تسيبنا بعد ما  
بابا يموت وتجوز وتعيش حياتها ولا اللي  
تفضل تهني كل يوم وتقولي يا معاقه انا بجد  
تعبت

مالك: بس أهدي وبعدين انا هنا جمبك اهو  
ووعد مش هخليكي تحتاجي لحد وعد  
هخليكي تنسي أهلك كلهم وهبقي انا اهلك  
أمك وأبوكي أخوكي وصاحبك وحببيك وعد  
هعوضك عن كل حاجة يا روعي بس  
أرجوكي متعيطيش ومد إيده علشان يمسح  
دموعها انا مش فاهم بس ازاي إنسانة  
بالقلب الأسود ده تجيب أحلي وأجمل وأرق  
بنوثة في الكون لتضحك الاء

مالك: ايوه كده اضحكي الدموع ما تلقش  
علي عيونك الحلوين دول وبعدين يا هانم  
فين الغدا انا جاي من الشغل واقع من  
الجوع

الاء بتذكر: اوه ايه الإكل سايباه علي النار  
وقامت تجري علسان تلحقه

ومالك راح وراها لتفتح الاء الفرن ويتصاعد  
الدخان

الاء بصدمة: اتحرق

مالك بيضحك من منظرها وهي بتعيط  
علي الأكل اللي اتحرق

الاء بغضب: أنت بتضحك علي ايه هناك ايه  
دلوقتي احنا

مالك: ولا يهملك يا روعي أنتي معاكي  
الشيف مالك

الاء: بجد هو أنت بتعرف تطبخ

مالك اتفرجي واحكمي

مالك بدأ يعمل الأكل والاء مبسوسة  
وبتساعده وعملوا أكل سوا وأكلوا كلهم  
وكمان نرمين وجاسر جم واتغدوا سوا  
لتنتهي الحكاية

وكان معكم الكاتبة الاء محمد لتنتهي حكاية  
أبطال روايتنا الاء ومالك في فترة الخطوبة  
تحت شعار ﴿نحن نختلف عن الآخرين﴾